

四庫全書

子部

欽定四庫全書

子部  
釋氏稽古略卷三

詳校官給事中臣鄧文泮

檢討臣何思鈞覆勘

總校官編修臣王燕緒

校對官中書臣高中

謄錄監生臣王宮

欽定四庫全書

釋氏稽古畧卷三

元 釋覺岸 撰

唐

李姓以上德都長安玄宗改長安曰京兆府匡肅宗改曰上都

高祖 太宗 高宗 則天 中宗 睿宗

玄宗 肅宗 代宗 德宗 順宗 憲宗

穆宗 敬宗 文宗 武宗 宣宗 懿宗

僖宗 昭宗 景宗 哀帝 濮王朱全忠立之

又鳩之在位一年曰天壽

元年本紀不載讓王一年事

高祖

諱淵字叔德隴西成紀人其祖虎與李弼等八人佐西魏皆為上柱國周閔帝受西魏禪追封

唐國公虎生炳炳生淵皆襲封唐公淵仕隋至煬  
帝大業九年帝以衛尉少卿李淵為弘化郡留守  
關右十三郡皆受徵發十二年正月詔以右驍衛  
將軍唐公李淵為太原留守十三年十一月起義  
克長安立恭帝戊寅年三月隋恭帝詔唐王置丞  
相以下官加九錫隋煬帝江都西問至長安五月  
恭帝禪位於唐唐王即皇武德  
帝位在位九年壽七十歲九

戊寅 武德元年

五月 罷柳置州以  
改元 太守為刺史

五月帝於朱雀門南衛建道場設無遮大會六月  
命僧道各六十九人太極殿七日行道散日殺千

僧齋供  
錄正

八月金城薛舉卒太子仁果立唐秦  
王世民以兵圍之仁果出降薛氏滅

九月李密降於唐初密據山東之地國號魏至十二月復叛去熊州行軍總管盛彥師邀擊之斬密

及王  
伯當

燕高開道鄭

夏竇建涼李軌梁蕭銑秦諱仁果定揚可汗吳

梁梁氏楚朱氏

據漁陽 王世充

德稱王 安集二年 稱帝

天興二年

二年

巳卯 武德二年

燕

鄭

夏

涼

梁蕭氏秦

仁果定揚

吳

梁

楚

開明元年

五鳳三年

唐滅之

唐滅之

天興三年

明政元年

三年

庚辰 武德三年

燕

高氏

鄭

王世充

夏

開明二年

五鳳三年

梁蕭銑

定揚可汗

吳

梁梁氏

楚朱氏

開明二年

五鳳三年

唐滅之

元年

永隆四年

帝造靈仙寺勅庶子李百藥撰碑文造會昌勝業  
慈悲證果四大集仙尼寺書經造像捨晉陽舊第

為興聖寺并州造義興寺為太祖元皇帝元貞皇太后造旃檀像三軀於慈悲寺制十八總統舉僧

尼辨正錄

辛巳 武德四年

行開元通寶錢學士歐陽詢撰文并書其文迴環可讀也

燕

鄭夏唐滅之

梁唐滅之

漢東王吳杜氏梁劉黑闥二年

楚

六月太史令傅奕上廢佛法事十一條法師法琳對詔論之夾狀遂寢辨正錄

壬午 武德五年

燕

漢天授元年 吳三年 梁

楚

張善安

癸未 武德六年

燕

漢 吳 梁 楚  
唐滅之 四年 唐滅之 唐滅之

# 甲申 武德七年

燕

唐滅之

吳  
唐滅之

武德七年二月改大總管為大都督府三月初定  
令以太尉司徒司空為三公次尚書門下中書祕  
書殿中內侍為六省次御史臺次太常至太府為  
九寺次將作監次國子學次天策上將府次左右  
衛至左右領衛為十四衛東宮置三師三少詹事  
及兩坊三寺十率府王公置府佐國官公主置邑  
司並為京職事官州縣鎮戍為外職事官自開府  
儀同三司至將仕郎二十八階為文散官驃騎大  
將軍至陪戎副尉二十一階為武散官上柱國至  
武騎尉十二等為勳官四月庚子朔頒新律令比

欽定四庫全書

卷三

三

隋開皇舊制增新格五十三條初定均田租庸調  
法凡民貲業分九等百戶為里五里為鄉四家為  
鄰四鄰為保在城邑者為坊田野者為村食祿之  
家無得與民爭利工商雜類無預士伍男女始生  
為黃四歲為小十六為中二十為丁  
六十為老歲造計帳三年造戶籍書

乙酉

武德八年二月帝釋奠於國學置三座擬叙  
三宗召三教學者雲集釋慧乘高張義網辯

論王臣悅服  
舉朝屬目

丙戌

武德九年二月太史令傅奕構道士李仲卿  
上十異九迷論貶量佛聖前後凡七上疏以

毀教宰相蕭瑀庭斥傅奕四月帝以奕疏頒示諸  
僧有法師釋明樂作決破傳奕謗佛毀僧事八條  
法師法琳著十喻九箴破李仲卿十異九迷之說  
門下典儀李師政著內患論三篇成陳佛化之益

五月詔下兼汰二  
教之濫者唐書

六月四日秦王世民以府兵平內難帝以秦王為  
皇太子大赦停前沙汰二教詔八月帝遜位太子

太子即皇帝位於東宮顯  
德殿高祖稱太上皇帝紀本

太宗文皇帝

諱世民高祖第二子在位二十三年壽五十二

貞觀二  
十三

丁亥 貞觀元年

春正月帝命京城僧尼並各於當寺七日行道齋供  
所須有司准給散齋之日總統大興善寺供養辨正  
帝謂傅奕曰佛道微妙聖跡可師且報應顯然履  
行徵驗卿獨不悟其理何也奕對忤旨帝惡之自

是終身不齒

史唐舊

# 斷屠置寺

帝是年捨終南山太和舊宮為高祖置龍田寺後為翠微寺帝以釋明瞻菩薩

治方詔入內殿賜齋對詔廣陳帝王制御之術叙釋門慈救為宗帝大悅因下勅年三月六日普斷

屠殺於行陣之所皆置佛寺錄正

戊子二年三月帝追念初平天下誅戮多人乃以御服施諸寺僧藏禮薦度詔曰自隋不創義志存拯溺北征東伐凡所傷殫難可勝紀手所誅剪將近一千切以如來聖教深尚仁慈禁戒之科殺害為重爰命有司京城諸寺為建齋行道七日七夜竭誠禮懺所有衣服並用價捨真三塗之難因斯解脫萬劫之苦藉此弘濟也九月帝詔曰今百穀資茂萬寶將成猶恐風雨失時子養無寄敢稽聰

明外慈多祉宜為溥天億兆仰祈加祐可於京城及天下諸州寺觀僧尼道士等七日七夜轉經行

道每年正月七月例皆准此辦正

# 戒律

法師玄琬是年帝詔入宮為妃嬪及皇太子諸王等授菩薩戒琬入滅於貞觀十年十二

月遣表曰聖帝明王恭敬三寶沙門或者犯法不應與民同科乞付所屬以僧律治之并上安養論

三德論帝嘉納之有詔傷悼遣太子臨弔勅有司給葬具唐勅葬沙門由琬始也仍於葬所建佛塔

一區勅庶子李伯樂撰碑高僧傳

已丑三年正月帝勅京城僧尼於當寺每月二十七

日行道轉仁王大雲等經以為常式錄辦正三月詔大興善寺創開傳譯沙門玄謨等譯語多律師證譯法琳惠明等執筆承旨慧乘等證義勅僕

射房玄齡給事中杜正倫尚書李孝恭參助詮定光祿大夫太府卿蕭瑀摠知監獲百司供給

釋教

六月召密州明淨禪師入京祈雨有旨度僧三百人

統

詔

以通義宮皇家舊宅宜為尼寺興聖為

名縣明

十一月勅勝光寺王僧珍就宮迎釋迦

佛菩薩聖僧金剛繡像供奉於勝光寺六年正月

命諸寺大德四十九人三七日行道慶

諸繡像散日齋供千僧王公行香

辨正

建寺

閏十二月帝念隋氏以米幽薨滯魄詔曰有隋失道九服沸騰朕親摠元戎致茲明罰切

恐九泉之下尚淪鼎鑊八難之間永鑪冰炭所以樹止福田濟其魂魄可於建義以來文兵之處為

義士凶徒殞身滅陣者各建寺刹招延勝侶望法就所震變災火於青蓮清梵所聞易告海於甘露

所司量定處所並立寺宇具為事條以聞稱朕矜哀之意舊次年壁壘咸置伽藍破薛舉幽州立

昭仁寺破王世充洛州立昭覺寺破劉武周汾州  
立弘濟寺破宋金剛晉州立慈雲寺破霍老生呂  
州立普濟寺破竇建德鄭州立等慈寺破劉黑闥  
洛州立昭福寺勅虞世南李伯樂褚遂良顏師古  
岑文本許敬宗朱子奢分撰新寺碑誌貞觀二十  
年帝征遼回爲陣亡薦度幽州創憫忠閣寺錄人典  
庚寅帝謂常服未有差等八月詔自今三品以上  
服紫四品五品服緋六品七品服綠八品服青婦

人從其  
夫色書

### 三藏玄奘法師

貞觀三年冬往西域取未至佛經  
詣闕陳表帝不許師私遁自原州

出玉關抵高昌葉護等國而去貞觀七年至中印  
度遇大乘居士受瑜珈師地入王舍城止那蘭陀  
寺從上方戒賢論師受瑜珈唯識宗旨留十年歸  
自王舍城貞觀十九年正月丙子至京師長安留

守房玄齡表聞壬辰法師如洛陽也東都二月己亥見于儀鸞殿帝曰師去何不相報曰當去時表三上不蒙諒許乃輒私行帝曰師能委命求法惠利蒼生朕甚嘉焉師因奏西域所獲梵本經論六百五十七部乞就洛陽嵩山少林寺為國宣譯帝曰朕頃為穆太后勅弘福寺可就彼翻譯勅平章房玄齡專知監護資備所須一從天府貞觀二十二年六月帝製法師新譯經大唐三藏聖教序時皇太子治觀聖序遂撰述聖記詔皇太子撰菩薩藏經後序八月帝賜法師百金磨衲并寶剃刀法師奉表謝畧曰忍辱之服彩合流霞智慧之刀鋸適切玉謹當衣以降煩惱之魔佩以斷塵勞之網高宗永徽三年法師於慈恩寺將建大塔奉安西取經論梵本表奏勅賜大內及東宮掖庭等七宮七人衣物助師營辦法師授以西域制度塔成高二百尺顯慶四年十月制以玉華宮為寺追崇先帝

詔法師居之次年師於玉華譯般若經薛德元年  
二月法師命弟子大乘光抄錄所譯經論凡七十  
五部一千三百三十五卷又召門人造像設齋與  
衆辭決令左右念彌勒如來初五日中夜右脇安  
卧而逝壽六十五帝報朝三日勅斂以金棺銀槨  
四月塔于滌東原弟子神泰樓元會隱慧立明濟  
義褒大乘光皆法門龍象法師以西域戒賢  
論師處所得瑜珈師地唯識宗旨授窺基傳本

### 牛頭山

學通經禪師潤州延陵人也姓韋氏年十九

日嘆曰儒道世典非究竟法般若正觀出世舟航  
遂隱茅山投師落髮後入建康牛頭山幽棲寺北

巖之石室宴坐觀心有百鳥獻花之  
異虎狼圓所居四祖攝度之傳燈錄

辛卯五年帝為穆太后於慶善宮造慈德寺又於  
昭陵立瑤臺寺勅法師玄琬於苑內德業寺為皇

后寫佛藏經又於延興寺更造藏經並委琬監護  
壬辰六年詔以太原舊第為天宮寺追奉穆太后  
於臺城西真安城內為穆太后又造寺亦名弘福  
錄正  
癸巳七年勅禁堰寨取魚者并斲屠殺度

僧尼三千  
人錄正

貞觀九年四月太上皇崩十一月詔曰三乘結轡  
濟度為先入正歸依慈悲為主流智慧之海膏澤  
羣生剪煩惱之林津梁品物任真休道理叶至仁  
妙果勝因事符積善朕欽若金輪恭膺寶命至德  
之訓無遠不思大聖之規無幽不察欲使人免蓋  
纓家臻仁壽比緣喪亂僧徒減少華臺寶塔窺戶  
無人紺髮青蓮櫛風沐雨眷言凋毀良用撫然其  
天下諸州有寺之處宜度僧尼數以三千為限其  
州有大小地有華夷當處所度多少有司詳定務  
取德業精明其往因減省還俗及私度白衣之徒

若行業可稱通在取服必無人可取亦任其闕數  
比聞多有僧徒溺於流俗或假托鬼神妄傳妖怪  
或謬稱醫巫左道求利或灼鑽膚體駭俗驚愚或  
造詣官曹囑致賊賄凡此等類大虧聖教朕情在  
護持必無寬貸自今宜令所司依  
附內律參以金科明為條制

唐書依舊史

丙申貞觀十年皇太子承乾問張士衡曰事佛營  
福其應如何對曰事佛在清淨仁恕如貪慳  
驕虐雖傾財事之無損於禍且善惡必報若影赴  
形聖人之言備矣為君明為臣忠為子孝則禍祚  
永反是則禍至矣士衡以此言燬太子心太子承  
乾終於失德貞觀十七年廢承乾為庶人立晉王  
治為皇太子

氏族志

貞觀十二年正月吏部尚書高士廉黃門  
侍郎韋挺禮部侍郎令反盛丁狐德棻中書

侍郎岑文本撰氏族志成以黃門侍郎崔民幹為  
第一帝不允乃更命判定專以今朝品秩為高下  
於是以前皇族為首外戚次之降崔民幹第三凡  
二百九十三姓千六百五十一家頒於天下

杜順和尚

名法順生雍州杜氏少時隋文帝敬重  
給月俸供之至是帝素敬重常引入宮

奉之如佛順集華嚴法界觀弟子智嚴  
傳其教貞觀十四年五月順示寂

傳本

壬寅貞觀十六年五月帝為太穆皇后追福於弘  
福寺手疏願文曰聖哲之所尚者孝也仁人之所  
愛者親也朕幼荷鞠育之恩長蒙族養之訓蒙我  
之念何日云忘罔極之情昊天匪報興言永慕但  
切深哀欲報靡因唯憑冥助敬以絹二百疋奉慈  
悲大教倘至誠有感冀消過往之愆為善有因庶  
獲後緣之慶

集弘明又勅為穆太后  
寫佛大藏經勅選法師十人校正

癸卯貢觀十七年二月帝問諫議大夫褚遂良曰  
舜造漆器諫者十餘人此何足諫對曰奢侈者危  
亡之本漆器不已將以金玉為之忠臣愛君必防  
其漸若禍亂已成無所復諫矣帝曰然朕有過卿  
亦當諫其漸帝曰人主唯有一心而攻之者甚衆  
或以勇力或以辯口或以諂諛或以奸詐或以奢  
慾輻輳攻之各求自售以取寵祿人主少懈  
而受其一則危亡隨之此其所以難也北帝懈

### 凌煙閣

帝命圖畫功臣趙公長孫无忌趙郡元王  
李孝恭裴萊成公杜如晦鄭文貞公魏徵梁

公房玄齡申公高士廉鄂公尉遲敬德衛公李靖  
宋公蕭瑀裴忠壯公段志玄夔公劉弘基蔣忠公  
屈突通鄭公殷開山蘇襄公柴紹邱襄公長孫  
順德鄭公張亮陳公侯君集鄭襄公張公謹盧公  
程知節永興大懿公虞世南渝襄公劉政會莒公  
唐儉英公李世勣胡壯公秦叔寶於凌煙閣傳忠義

豐干禪師寒山拾得

豐干垂跡天台山國清寺庵于菴殿西北隅乘一虎遊松

徑見一子可年十歲扣之無家無姓師引之歸寺養于廚所號曰拾得有一貧士從寒巖來曰寒山子三人相得歡甚是年豐干雲遊適閭丘僧來守台州俄患頭風豐干至其家自謂善療其疾閭丘見之師持淨水灑之即愈問所從來曰天台國清曰彼有賢達否干曰寒山大殊拾得普賢宜就見之閭丘識之三日到寺訪豐干遺跡謁二大士閭丘拜之二士走曰豐干饒舌彌陀不識禮我何為邇入巖穴其穴自合寒拾有詩散題山林間寺僧集之成卷版行于世國清寺刻遺教經貞觀十八年帝勅曰如來滅度以來代洩浮付鵠國王大臣護持佛法然僧尼出家戒行須備若縱情放逸觸途煩惱關涉人間動違經律既失如來玄妙之旨又虧國王受付之義遺

教經是佛涅槃所說戒勤弟子甚為詳要末俗緇素並不崇奉大道將隱微言且絕永懷聖教用思弘闡宜令所司差書手十人多寫經本務盡施行其京官五品以上交諸州刺史各付一卷若見僧尼業行與經文不同宜公私勸勉必使遵行

并見唐書舊唐書林史

十九年二月帝自將伐高麗不克九月班師二十三年三月車駕至長安釋智則者止辯才寺房居蕭然衆呼為狂者智則曰道他狂者不知自狂出家離俗只貪衣食行住遮障鎖門鎖櫃種種聚斂役

乃撫掌大笑遽然而去

僧者

風涇高王

釋法聰說法於浙西之蘇杭嘉興縣有神曰高王降其祝曰為我請聰法師來

受菩薩戒居人依其言而請之戒訖又降祝曰自今以往酒肉五辛一切悉斷後若祈福可請僧衆

在廟設齋行道歷二年秀州海鹽縣神曰都陽府君因常祭降祝曰為我請聰法師講涅槃經眾乃迎師就講神又降祝曰神道業障多有苦惱自聽法果身鱗甲內已息細蟲獸苦願為我請師更講

大品師復為講之神降祝謝

高僧

貞觀二十二年帝自伐遼而還氣力不逮乃留神大教八月間玄奘法師曰欲植法門之益何所宜先奘曰衆生寢惑非慧莫啓慧芽抽植法為之資弘法須人度僧為最帝悅賜奘磨衲衣并寶刀奘表謝具前本傳下九月乙卯詔曰隋季失御天下分崩四海塗炭八埏鼎沸朕屬當戡亂親履兵鋒亟犯風霜宿于馬上頃加藥餌猶未痊除此日以來方遂平復豈非福善之致耶京城及天下諸州寺各度僧五人時天下寺三千七百餘所度僧凡一萬七千餘人

唐書

皇太子治居春宮適天時陰晦體倦悽感追念母儀昊天罔極慈恩無際遂鳩材擇地創大慈恩寺為文德皇后追崇冥福至是十二月成又建浮圖詔選京城宿望五十大德各度侍者六人居新寺是月丙辰太子備寶車五十乘迎諸大德并綵亭實利數百具奉安新得梵夾諸經及瑞像舍利等勅太常九部樂及長安萬年音樂京城諸寺花幡導引入寺帝御安福門樓執爐致敬經像過盡始罷皇情大悅高宗既即位親製大慈恩寺碑唐史

已酉

貞觀二十三年夏四月帝有疾五月崩六月太子即位八月葬文皇帝于昭陵廟號太宗本紀

高宗

治字為善太宗第九子初封晉王在位三十四年壽五十六歲

永徽六  
顯慶五  
龍朔三  
麟德二  
乾封二  
總章二  
咸亨四  
上元二  
儀鳳三  
調露元

永隆一  
永淳一

開耀一  
弘道一

庚戌

永徽元年  
辛亥二年

四祖道信大師尊者

姓司馬氏世居河內徙居蘄州廣濟縣今淮西也生而超

異幼慕空宗諸解脫門宛如宿習既嗣祖位脇不至席垂六十年唐高祖武德七年住蘄之破額山今雙峯山也貞觀中太宗聞其風三詔尊者不起又詔之帝謂使臣曰今復不從吾命即取首來使道上意師引頸待刃使者還奏之帝嘉嘆慰諭甚厚至是尊者居山已二十載矣一日往黃梅縣路逢一小兒可七歲許問之曰汝何姓兒曰汝姓即有非常姓祖曰是何姓兒曰是佛性祖曰汝無姓耶兒曰姓空故無祖默識其法器令侍者至其母所乞令出家母以其宿緣故遂捨之祖為剃度名弘所

忍其後乃命曰昔如來傳正法眼轉至於我今  
付汝并於衣鉢聽吾偈曰花種有生性因地花生  
生大緣與信合當生生不生至是永徽二年閏九  
月四日誠門人曰一切諸法悉皆解脫汝等各各  
護念流化未來言訖安坐而逝壽七十二塔于本  
山明年四月八日塔戶自開儀相如生代宗大厯  
中謚曰大鑒禪師塔曰慈雲正宗尊者  
嘗至建康牛頭山攝融禪師列派曰旁出  
甲寅永徽五年帝特旨度沙彌窺基為大僧入大  
慈恩寺參譯經正義基鄂忠武公尉遲敬德猶子  
也居長安初立獎法師就其父求之出家基每覽  
疏記過目成誦義亦頓解善大小乘從獎師受瑜  
伽唯識宗旨著論凡百部時號百本論師性豪侈  
每出必治三車經書食饌時呼之曰三車法師永  
淳元年入滅壽五十一有詔傷悼御製畫像贊勅  
葬樊川北渠近樊法師之塋京兆終南山宣律師

持律精嚴感天厨供饌每薄基三車之玩基訪律師日過午天饌不至基辭去天乃米律師責以後時天曰適大乘菩薩在此刻衛嚴甚故無自而入律師聞之大驚於是遐邇增敬基公啓宗曰慈恩傳本

慈恩教

初天竺國無著大士頻昇知足天宮咨參慈氏唯識宗旨及其弟天親菩薩生西度

羅閱國發明大乘遂相與製論天竺代有聖賢出弘其教至正法藏戒賢論師西天中印度人年一百有三歲后王舍城佛之那蘭陀寺會三歲玄奘至賢遂以瑜珈師地唯識宗旨授奘奘歸奘以授窺基基乃網羅舊說廣製疏論學者宗之謂之三束法相顯理宗慈恩教

乙卯永徽六年十月帝命司空李勣齋置綬冊宸妃武氏為皇后廢王皇后初貞觀二年太宗召荆州都督武士彠反音聘女入後宮為才人時年十四太史奏有女主之兆出之於咸業寺為尼永徽五

年帝召之入宮為  
昭儀今冊為皇后

丙辰顯慶元年五月朔天下僧尼有犯國法者以  
僧律治之不得與民同科十一月天后生子號曰  
佛光王即中宗也十二月五日為佛光王度僧七  
人仍請玄奘法師為佛光王剃髮為出家唐書

### 千歲寶掌和尚

西竺中印度人也生而拳左手七  
歲祝髮乃展因名寶掌東漢獻帝

建安二十四年來至此土魏晉間東遊西入蜀禮  
普賢留大慈日誦般若等經有詠之者曰勞勞玉  
齒寒似逆寒泉急有時中夜坐階前鬼神泣一日  
謂衆曰吾有願住世千歲故以千歲稱之次遊五  
臺徙居祝融峯之華嚴黃梅之雙峯廬山之東林  
尋抵建康會達磨入梁掌就扣其旨而有悟武帝  
高其道臘延之內庭未幾如吳有偈曰梁城遇導  
師參禪了心地飄零二浙遊更盡佳山水順流東

下由千頃至天竺往鄒峯登太白穿鴈宕盤礴於翠峯七十二菴曰赤城憩雲門法華諸暨漁浦赤符大巖太宗貞觀十五年返杭之飛來峯棲止之今中天竺寺也有行盡支那四百州此中偏稱道人遊之句後居浦江之寶巖至是丁巳顯慶二年正旦手塑一像九日像成問其徒慧雲曰肖誰雲曰與和尚無異即沐浴趺坐謂雲曰吾住世已一千七十二年今謝世聽吾偈曰本來無生死今亦示生死我得去住心他生復來此言訖而逝後五十四年剎浮長老自雲門至塔所禮曰巖塔戶開少選塔戶果啓其骨連環若黃金浮即持往泰望山建塔焉玄宗開元中慧雲門人宗一者為勒石識其行實

云傳

燈實

戊午顯慶三年六月十二日帝創西明寺成十三日帝出鵞像長幡送寺安奉尋召僧道各七人入

百福殿共談名理以相啓沃復各賜坐論議全文  
備載南山宣律師論衡七月詔迎玄奘法師入居

西明寺四年十月帝以玉華宮為寺追崇先帝詔  
奘法師居之五年帝幸東都勅召僧義褒慧立等

赴洛京見帝于合璧殿叙論  
稱旨留住東都淨土寺僧

辛酉龍朔元年九月帝幸高祖舊第天宮寺設齋  
僧侶訪釋彥棕撰大唐京寺錄傳十卷鋪述三寶

靈迹焉  
弘明

明解

長安普光寺僧明解者姓姚氏性聰敏琴詩  
書畫為時獨絕每欣俗網不樂道門帶酒荒

情顯慶三年帝造西明寺成勅靈潤法師擇人居  
之時有僚寀數人共薦明解潤法師曰公等宜求  
戒定慧學增長福田何乃酒客畫師以當洪寄官  
宋愧退明解懷憾俄而帝徵四科不問道俗明解

應詔自舉射策升第喜不自勝遂乃歸俗頗有餘  
言未幾染疾見數十人執猛炬迫解明解大怖言  
未終而卒是年八月也後託夢於相州淨土寺僧  
智整曰明解宿無福業不遵內教今受大罪非常  
飢乏儻有故人之情頗能愚一食否智整許諾及  
寤遂為設食至夜纔卧即見明解來愧謝之適二  
年又託夢於畫工張生曰我不信佛法今大受  
苦痛努力為我寫三二卷經執手慙慙賦詩言別  
教畫工讀十八遍令記之寤乃憶其詩曰握手不  
能別撫膺還自傷痛矣時陰短悲哉泉路長松林  
驚野吹荒墟落寒霜言離何以贈留心內典章其  
畫工素不識字乃倩人錄之示明解知友皆曰是  
明解文體不惑見聞者莫  
不惻然哀感

并見法苑珠林

壬戌龍朔二年二月改百官名以門下省為東臺  
中書省為西臺尚書省為中臺侍中為左相中書

令為右相僕射為匡政左右丞為肅儀尚書為太常伯侍郎為少常伯其餘二十四司御史臺九寺

七監十六衛並以義訓更其名職任如故事

并州大像

井州是太原路今改冀寧路帝及后初幸井州童子寺大像高十七丈七月遣

使送袈裟于像像放光明帝悅

法苑珠林

善導和尚

入東化人修淨土業念阿彌陀佛說法光明寺是年入滅

泗洲僧伽大士

初自辟葉國遊于西涼是年顯化洛陽或問師何姓士曰姓何曰何

國人士曰何國人則天萬歲通天元年詔番僧有樂住者所在配住時大士不欲異凡乃隸名楚州

路中宗景龍二年詔大士自淮寺入宮帝稱弟子

三台問法百辟歸心館于薦福寺在京數月天時  
忽大旱帝請大士內殿祈雨甘澤隨霽帝為虔慧  
嚴慧岸木又三人為侍者帝為書大士所居寺額  
曰普光王先送歸淮睿宗景雲元年三月大士示  
寂壽八十三勅奉全身歸泗州普光王寺塑身建  
塔帝問聖士萬回曰僧如何如人回曰觀音大士  
化身耳大士初三十年在於本國五十三年行化  
此方顯應度緣凡二十七處神迹靈異人共瞻仰  
殿宇塔廟在  
處供養碑本誌傳

乙丑麟德二年益州法聚寺有張僧繇所畫地成  
菩薩像至是七月寺僧傳本放光展轉圖者悉放  
光明  
光藏法  
北珠林

九世同居

麟德二年十月車駕幸東都洛陽祀吳  
天上帝于泰山十一月至壽張幸張公

甄宅公甄九世同居北齊隋唐皆旌表其門帝問所以共居之故公甄書忍字百餘以進帝善之乃

賜以纁  
壽張隸太原  
今冀寧路也

# 終南山宣律師

丁卯乾封二年十月初三日律師  
入滅於長安西明寺律師諱道宣

生京兆錢氏父吏部尚書申母夢月輪貫懷而孕又夢梵僧語之曰所孕者梁之祐律師也及長出家以律自持感天送饌侍衛暮年以戒壇未合律師自負土準律新之律師行道中夜臨砌蹶且仆有少年介冑擁衛之律師問汝為誰曰弟子博又天王子張瓊也以師戒德故來給衛耳律師問以世尊在世及滅度時事瓊一一為言之及別校律師以佛牙餌藥修合之方今市肆天王補心圓是也懺還行人日用之天神降靈不一傳流問答律師集之題曰感天侍應傳律師撰內典錄三寶威

欽定四庫全書

卷三

通錄佛道論衡釋迦譜四分羯磨續高僧傳廣弘明集八部八十一卷並行于世律師示寂高宗有詔傷悼勅天下寺園形塑像以為標範奉祀穆宗製讚曰代有覺人為如米使龍魔歸降獄神奉事聲飛五天辭驚萬古金烏西沈佛日東舉稽首歸依肇律宗主懿宗咸通十一年謚號曰澄照律師

南山教

始自優婆塞尊者於世尊滅後集四部眾結集毘尼藏優婆塞口誦聖言十番眾證

無差然後宣布三國魏邵陵厲公嘉平二年西竺沙門曇柯羅至洛陽始出僧祇戒本東晉安帝義熙三年天竺沙門佛陀耶舍尊者以十誦律來自是中夏律儀始備拓跋魏聰律師等世稟傳之至是宣律師持守奉謹諸天送食護衛弘其儀度律藏迭赫奕天下謂之行事防非止惡宗弘道之師古印度優婆塞尊者南天竺曇柯羅尊者中印度佛陀耶舍尊者聰律師光統律師雲暉

顧律師樂洪雲律師隋洪遵律師文帝師之智首  
律師南山宣律師文綱律師唐光州人道岸律師  
中宗尊之圖形林光宮御製讚語見景龍三年太  
亮律師曇一律師南陽張氏唐道澄律師德宗賜  
號曰大圓律師慧  
欽律師洪州徐氏

戊辰總章元年 己巳二年  
庚午咸亨元年 辛未二年

### 水陸儀文

咸亨二年三月長安法海寺英禪師有  
異人來謁曰弟子知有水陸齋可以利

益幽冥自梁武歿後因循不行今大覺寺有吳僧  
義濟藏此儀文願師往求以來月十五於山北寺  
如法修設苟釋桎牢敢不知報英尋詣義濟果得  
儀文即以所期日山北寺如法修設次日曛暮向  
者異人與十數輩來謝曰弟子秦莊襄王也指其  
徒曰此范睢此穰侯此白起此王翦此張儀此陳

欽定四庫全書

卷三

幹皆秦臣也各坐本罪幽囚陰府大夜冥冥無能  
救護昔梁武帝於金山寺設此齋時前代尉王之  
臣皆免所苦弟子爾時亦暫息苦然以獄情未決  
不得出雖今蒙吾師設齋弟子與此徒輩并列國  
諸侯衆等皆乘善力將生人間慮世異國殊故此  
來謝言訖遂滅自是儀文布行天下作大利益

江師筆

萬回法雲公

大宋貞觀六年五月五日生號州閬  
鄉張氏至是咸亨四年帝度之為沙

門回幼時致兄書六千里外朝往暮回因號萬回  
則天垂拱四年太后延回入宮賜以錦衣令宮女  
給侍長安二年回所至顯化玄宗在藩邸嘗私謁  
回回撫其背曰五十年太平天子可自愛中宗神  
龍二年賜回號法雲公睿宗景雲二年十月詔回  
入宮館于集賢院給二美人奉事之十二月忽求

開鄉河水左右不可得回曰穴堂前地可得也回  
飲水畢湛然而逝壽八十歲贈司徒號國公勅圖

形集賢  
院傳本

甲戌上元元年帝稱天皇后稱天后秋八月勅文  
武官三品以上服紫金玉帶四品服深緋金帶五  
品服淺緋金帶六品服深綠七品服淺綠並銀帶  
八品服深青九品服淺青並礪石帶庶人服黃銅  
鐵帶自非庶人不  
聽服黃庶人志車

五祖弘忍大師尊者

蘄州黃梅縣人也先為破額  
山栽松道者嘗請於四祖曰

法道可得聞乎祖曰汝已老脫有聞其能廣化邪  
儻若再來吾尚可進汝道者去行水邊見一女子  
浣衣揖曰寄宿得否女曰我有父兄可往求之道  
者曰諾我則敢往求女首肯之道者回策歸山而

化其女周氏季子也輒孕父母大惡逐之女無所  
歸日傭紡里中夕止衆館下已而生二子以爲不  
祥拋濁港中明日汴流而上大驚遂舉之成童隨  
母乞食里中逢一智者嘆曰此兒缺七種相不逮  
如來後遇四祖得度受其傳法嗣化於破額山至  
是咸亨二年有一居士盧慧能者自新州來參祖  
問曰何來盧曰嶺南祖曰欲須何事曰唯求作佛  
祖曰嶺南人無佛性若爲得佛曰人有南北佛性  
豈然祖呵曰著槽廠去盧禮而退便入碓坊服勞  
杵白問經餘八月祖知付授時至令衆各隨意見  
以述一偈時會下七百餘僧上座神秀者學通內  
外衆所尊仰咸推稱曰若非尊秀嚆藟當之神秀  
聞譽書一偈於廊壁曰身是菩提樹心如明鏡臺  
時時勤拂拭莫使惹塵埃祖見之讚嘆曰依此修  
行亦得勝果盧聞之乃曰美則美矣了則未了至  
夜盧躬秉燭請張日用別駕書一偈於秀偈之側

曰菩提本無樹明鏡亦非臺本來無一物何處惹塵埃祖見偈已潛往碓坊問曰米白也未盧曰白也未經歸祖以杖三擊於碓盧即以三畝八室祖告之曰諸佛出世以大事因緣故隨機大小而引尊之遂有十地三乘頓漸等旨為之教門然以無上微妙秘密圓明真實正法眼藏付于上首大迦葉尊者展轉傳授二十八世至菩提達磨祖師乃以東來東之益傳適至於我我今以是大法并其所授僧伽黎衣寶鉢皆付於汝善保護之無使法絕聽吾偈曰有情來下種因地果還生無情既無種無性亦無生盧受法已作禮問曰法則聞命衣鉢復傳授乎祖曰昔達磨來自異域恐世未信其師承故以衣鉢為驗今天下已知信矣可止於汝矣且當遠隱埃時行化所謂受衣之人命如懸絲也盧曰當往何所祖曰逢懷即止遇會且藏盧禮足已即夕去之衆疑祖三日不上堂扣之祖曰吾

道行矣問曰衣鉢誰得耶祖曰能者得之衆議盧名能必彼得而往矣祖付衣法已復經四載當上元二年告衆曰吾今事畢時可行矣入室安坐而逝壽七十四建塔于黃梅之東山代宗謚號曰大

滿禪師塔曰

法雨

正宗

丙子儀鳳元年

巳卯調露元年

庚辰永隆元年

辛巳開耀元年

壬午永淳元年隱士孫思邈卒孫善莊老陰陽醫藥之術尤尊釋典稱孫真人

癸未弘道元年十二月帝有疾丁巳崩甲子中宗即位尊天后為皇太后政事咸取決焉

中宗立而廢之太后稱制

佛頂尊勝陀羅尼

西域北印度屬賓國沙門佛陀波利尊者此云覺護初儀風元

年米五臺清涼山逢一叟問之曰爾何為來曰欲禮文殊叟曰曾持佛頂尊勝呪米否曰未也叟白此土衆生犯殺盜淫妄四業者多能回取呪以流此土作大利益弟子當示師文殊所在言已忽不見波利乃返本國取呪至是弘道元年至長安有旨命杜行顓及日照三歲翻譯訖波利又將梵本訪西明寺僧順貞貞奏聞共譯之名尊勝陀羅尼乃第三出也與杜令譯者大同小異比諸衆譯此最弘布波利繼入五臺後不知其所終高僧傳

法苑珠林

凡一百卷賜入經藏流行法師玄暉所撰暉字道世至是弘道元年入寂

則天

諱曩武氏高宗后生中宗睿宗太平公主三人高宗崩中宗立尊為皇太后中宗元年

二月戊午后廢中宗為廬陵王幽於別所已未立豫王旦睿宗也為皇帝政事決於太后居帝於別殿

夏四月遷廬陵王于房州又遷均州九月甲寅赦天下改元光宅旗幟皆從金色八品以下舊青者

更服碧色東都洛陽改為神都宮名太初又改尚書省為文昌臺左右僕射為左右相六曹為天地

四時六官門下省為鸞臺中書省為鳳閣侍中為納言中書令為內史御史臺為左肅政臺增置右

肅政臺其餘省寺監率之名悉以義類改之太后稱制二十一年唐肅八十一歲

光宅一垂拱四永昌一天授又改曰載初二長壽二延載一天冊萬歲改又證

聖一萬歲通天又萬聖歷二久視一歲登封一神功一長安五

甲申正月中宗年曰嗣聖二月豫王立年曰文明九月甲寅改元曰光宅光宅元年

乙酉垂拱元年丙戌二年泉州黃守恭宅園桑樹  
忽生白蓮華因捨其宅為寺今開先寺是也經圖

垂拱三年天竺沙門地婆訶羅此云日照高宗儀  
鳳初至長安譯密嚴等經至是共譯十八部凡三

十四卷太后  
親製序傳本

已丑永昌元年  
庚寅天授元年

國號周

天授元年九月侍御史傅遊藝帥關中百  
姓詣闕上表請改國號周賜皇帝姓武氏

太后可之乃御則天樓赦天下以唐為周改元上  
尊號曰聖神皇帝以皇帝旦為皇嗣賜姓武立武

氏七廟于神都十一月庚辰朔日南至太后享萬  
象神宮赦天下始用周正以永昌元年十一月為

載初元年正月以十二月為臘月夏正月為一月  
泰宗客改造天地等十二字以獻丁亥行之太后

自名璽改詔曰制二月辛酉太后策貢士於洛城殿貢士殿試自此始至久視元年冬十月制復以正月為十一月一月為正月中宗神龍元年二月復國號唐郊廟社稷陵寢百官旗幟服色文字皆如永淳以前故事復以神都為東都北都為并州新造十二字者照為璽天為西地為壑日為日月為星為○君為鳳臣為惠載為鳳年為車初為鳳正為王

令宰相撰時政記月送史館時

政記自此而始

唐書

壬辰長壽元年四月詔仁儉禪師入見師視太后良久云會麼后云不會師云老僧持不語戒言訖而去翌日進短歌十首后覽而嘉之厚加錫賚今惟了元歌一首存傳燈玉英集師即騰騰和尚也嗣高岳慧安國師國師嗣五祖錄燈

寶積經

南天竺國沙門達磨流支此云法希初高宗開其風開耀元年因西域使者詔教請

之至是來長安太后召見為改其名菩提流志此云覺愛勅於佛授記寺譯經一十九部凡二十八

卷中宗神龍二年志隨駕還京勅於西崇福寺譯寶積經帝親筆受睿宗景雲元年帝復於北苑白

蓮花亭別開寶積會首帝亦親躬筆受王璿賀知章等潤色中書陸象先魏知古監護御筆製序標

於經首玄宗開元元年志以所譯寶積經并舊譯合成一部百二十卷功畢志不復譯經專持誦修

習禪觀開元十五年入滅壽一百五十六歲葬之日特給鹵簿羽儀塔于龍門西原追贈鴻臚大卿

賜諡曰開元一切通知三歲名德之重古未有也志前後譯經五十三部合一百一十八卷具舊唐史

甲午延載元年

乙未天冊萬歲元年正月辛巳太后加號慈氏改元證聖又加號天冊金輪大聖皇帝改元曰萬歲

通天

法師義淨

諱義淨字文明范陽人也張氏子髫齡出家為僧弱冠具戒高祖成亨二年三

十七歲往西域求佛經孤征二十五年歷三十餘國至是乙未五月還至河洛得梵本經律論近四

百部合五十萬夾金剛座真容一鋪舍利三百粒太后親迎於上東門外奉安佛校記寺勅令翻譯

初與實叉難陀翻華嚴經長安三年譯金光明最勝王等經百一羯磨等成均名太學助教許觀監護

太后製新翻聖教序中宗神龍元年於東洛內道場譯孔雀王等經帝製序號大唐龍興三歲聖教

序二年隨駕回長安勅於大薦福寺別置翻經院譯一切莊嚴王等經兵部侍郎崔湜給事中盧榮

潤文正字秘書監駙馬都尉楊慎文監護中宗景龍二年召師入內同翻經僧九旬坐夏帝念居房州時祈念藥師乃命法師於大佛光殿譯樂師經二卷睿宗景雲元年師留大薦福寺譯浴像等經論二十師凡八十八卷學士李嶠張說等潤色僕射韋巨源蘇瓌監護玄宗開元元年七月法師入寂壽七十九僧臘五十九勅給葬事塔洛京龍門北之高原法師前後譯經律論五十六部凡二百三十卷又別撰儀傳等九卷師雖遍翻三歲而偏攻律部教授學者鮮

是年勅沙門明佺等刊定經目撰錄十五卷隨大藏流行

傳本

華嚴經

太后聞于闐國有梵本華嚴大經遣使往求之并請善梵學者一人隨經於是于闐

國主以尊者實叉難陀此云覺喜妙善華嚴宗旨遣應旨太后大悅是年三月詔入大遍空寺同苦

從流志復禮法師等翻譯次移佛授記寺太后時  
幸其寺親覽筆削施供食饌至聖歷二年十月譯  
新經成八十卷太后親製序文御太極殿宣示百  
官長安四年實又難陀出楞伽經七卷比之諸本  
尤為詳明難陀總譯經論一十九部凡一百七卷  
辭還于闐詔遣御史霍嗣光送還本國並見唐書至  
中宗景龍二年再詔難陀至京帝親迎勞備法儀  
送止薦福寺講演經旨睿宗景雲元年十月師入  
滅闍維舌根不壞詔  
送歸于闐建塔傳本

丙申萬歲通天元年臘  
月甲申改元萬歲登封

賢首教

釋法藏號賢首姓康康居國人風度奇正  
利智絕倫來長安尋應名僧義學之選屬

玄奘法師譯經始預其間後因筆受證義潤文見  
識不同而出譯場初燉煌杜順法師隋文帝篤敬

之傳華嚴法界觀與弟子智嚴此皆譯華嚴也  
侍嚴盡得其教至是傳譯嚴首登其數實又難陀  
譯于闐華嚴梵夾藏同義淨法師復禮法師皆預  
焉萬歲通天元年詔沙彌法藏於太原寺開示新  
譯華嚴宗旨白光自口而出有旨命京城十大德  
為歲授滿分戒賜號賢首詔入大偏空寺參譯長  
安元年詔賢首於東都佛授記寺講新譯華嚴經  
至華嚴世界品大地震動即日召對長生殿問帝  
綱十重六相之義歲數宣有緒天帝網義十重  
玄門海印三昧門六相和合義門普眼界門此  
諸義章皆是華嚴總別義綱太后於此茫然未決  
歲乃指鎮殿金獅子為喻因撰義門徑捷易解號  
金獅子章列十門總別之相太后遂開悟其旨歲  
又為學不了者設巧方便取鑑十面八方安排上  
下各一相去一大餘面面相對中安一佛像燃一  
炬以照之互影交光學者因曉利海涉入無盡之

義藏嘗著般若心經疏為時所貴天下流行又號康藏國師清涼大統國師澄觀以命世亞聖之才追宗賢首著華嚴疏論凡數百萬言圭峯宗密嗣之是為華嚴五祖大法淵源沛然洽於天下目為

一念圓融具德  
宗賢首教傳僧

清涼國師法名澄觀姓夏侯氏越州山陰人也年十一依今應天山寶林寺需禪師出家誦法華經十四歲遇恩得度隸名寶林肅宗乾元中依潤州棲霞寺醞律師學相部律依曇一隸南山律詣金陵玄瑩法師傳闡河三論三論之盛于江表師之力也代宗大歷中於瓦棺寺傳起信涅槃又於淮南法藏受海東起信疏義溫習華嚴覆尋三論僅二十年就蘇州從湛然法師習天台止觀法華維摩等經疏解又謁牛頭山忠禪師徑山欽禪師洛陽亡名禪師咨決南宗禪法復見慧雲禪師了北

宗士理以至翻習經傳子史小學蒼雅天竺悉曇  
諸部異執四韋五明祕呪儀軌篇頌書蹤一皆博  
綜大厯十一年禮文殊於五臺往我眉拜普賢却  
還五臺居大華嚴寺專行方等懺法慨華嚴舊疏  
文繁義約儼然長想況大硯主智普賢主理二聖  
合為毘盧遮那萬行兼通即大華嚴之義遂撰疏  
成二十卷德宗貞元七年河東節度使李自良請  
師於崇福寺講新疏德宗聞其風降中使李輔光  
宣詔入都與蜀賓三歲歟若譯烏茶國所進華嚴  
後分四十卷次年五月遣中使霍仙鳴傳宣催入  
德宗敦重延居譯場刊正又詔令造疏編成十卷  
進呈順宗在春宮嘗接師言請述了義一卷心要  
一卷并食肉得罪因緣師疏義綱要富有著作弟  
子傳法者一百許人又見憲宗元和十二年并文  
宗開成三年

宗開成三年  
宋贊寧僧統  
高宗傳統

終南山圭峯禪師宗密果州西充人姓何氏世業儒憲宗元和二年將赴貢舉偶造遂州圓禪師法席味其道法遂求披剃當年受具一日隨衆僧齋于府吏任灌家居末座以次授經得圓覺十二章未終軸而感悟歸告于圓圓曰汝當大弘圓頓之教此諸佛授汝耳行矣無自滯於一隅遂奉命辭去謁荆南忠禪師洛陽照禪師皆蒙記莭抵襄漢因病僧付華嚴疏即上都澄觀大師之所撰也覽之欣然曰吾禪過南宗教達圓覺一言之下心地開通一軸之中義天朗耀今復得茲絕筆尋詣上都禮見清涼國師未幾復入終南圭峯蘭若文宗太和中徵入內賜紫衣帝累問法要朝士歸慕唯相國裴休深入堂奧受教為外護師以禪教學者互相非毀遂著禪源諸詮寫錄諸家所述詮表禪門根源道理文字句偈集為一藏以貽後代武宗會昌元年正月六日於興福院誡門人令昇屍施

鳥獸焚其骨而散之言訖坐滅道俗奉全身于圭  
峯茶毘得舍利藏之石室宣宗追諡定慧禪師塔

曰青蓮壽六十三嗣遂州  
圖六祖下五世河澤派也

詔嵩岳慧安禪師并神秀禪師至都肩輿入殿太  
后親加跪禮奉于宮禁朝夕問道尊安為國師時

王公已下聞風來  
謁望塵拜伏傳燈錄

北宗秀禪師

諱神秀五祖旁出之嗣生開封李氏  
少業儒博綜多聞忽思出家至蘄州

雙峯寺遇五祖乃嘆服而事之樵汲供役以求其  
道祖乃度之五祖入滅師住江陵當陽山太后聞  
之召至都下同慧安國師於內道場供養特加欽  
禮命於當陽山置度門寺以旌其德中宗既止尤  
加禮重大臣張說嘗聞法要執弟子禮師示衆曰  
一切佛法自心本有將心外求捨父逃走中宗神

龍二年二月入減於東都天宮寺謚大通禪師救葬龍門葬日給羽儀鹵簿帝送至便橋敕中書令張說為製碑文師生於隋末百有餘歲僧臘八十時改王範及徵君盧鴻一皆勒碑製誄舊唐書有傳賜僧諡號自師而始門人普寂義福等皆嗣襲師位附僧

嵩嶽安國師

諱慧安荊州枝江衛氏子幼年出家披剃隋文帝開皇十七年遁居山谷

煬帝大業中開濟渠丁夫之餓殍也師為乞食以活之煬帝聞而徵師不赴潛入太和山登衡岳行頭陀行太宗貞觀間至蘄州黃梅謁五祖遂得心要高宗麟德元年遊終南山石壁因止焉高宗詔之不起復至嵩少乃云是吾終焉之地也禪者輻輳太后遣使召師入見偕北秀禪師同膺欽禮太后尊師為國師至中宗神龍二年賜紫袈裟為度弟子二十七人延入禁中供養是時中宗遣內侍薛

簡詔六祖祖不赴詔逾三年中宗又賜師磨初僧  
衣辭歸嵩嶽景龍三年三月三日駕門人曰吾死  
矣將屍向林中待野火焚之至八日偃身而寂春  
秋一百二十八門人遵旨果野火自然闍維得舍  
利八十粒內五粒大而紫色進留宮禁睿宗先天  
元年門人建塔馬世稱老安國師嗣法弟子仁儉  
破竈監嵩丁酉神功元年  
嶽珪鑄燈戊戌聖歷元年

皇嗣睿宗固請遜位于廬陵王九月立  
廬陵王哲為皇太子復名顯大赦天下

巳亥

聖歷  
二年

庚子久視元年冬十月制復以  
正月為十一月一月為正月

辛丑長安元年 壬寅二年  
癸卯三年 甲辰長安四年

中宗

諱顯高宗第七子立為皇太子初高宗崩太子即位正月尊天后為太后立妃韋氏為皇后權

后父韋玄貞豫州刺史帝以玄貞為侍中裴炎固爭不從炎白太后密謀二月戊午廢帝為廬陵王

遷房州又遷均州流玄貞欽州則天聖歷元年復

立為皇太子至是乙巳年正月乙巳天后傳位太

子丙午帝即位丁未太后徙居上陽宮帝帥百官

上尊號曰則天大聖皇帝十一月壬寅崩神龍元

年二月復唐國號郊廟社稷旗幟百官皆如永淳

以前故事以神都也洛陽為東都北都為并州帝在

位六年壽

五十五歲

神龍二

景龍四

乙巳

神龍元年四月帝降御札召曹溪六祖入京其辭曰朕延安秀二師宮中供養每究一乘

二師並推讓云南方能禪師密受忍大師衣法可  
就彼問今遣內侍薛簡馳詔迎請願師慈念速赴  
上京祖表謝辭以疾簡曰京城禪德皆云欲得會  
道當習禪定若不因禪定而得解脫者未之有也  
未審師所說法如何祖曰道由心悟豈在坐耶簡  
曰弟子回朝主上必問願師指示心要令得明道  
祖曰道無明暗簡曰明喻智慧暗況煩惱倘不以  
智慧照破煩惱生死憑何出離祖曰若以智慧照  
煩惱者此是二乘小機簡曰何謂大乘見解祖曰  
明與無明其性無二無二之性即是實性實性在  
凡不滅在聖不增住煩惱而不亂居禪定而不寂  
性相如如名之為道簡曰師說不生不滅何異外  
道祖曰外道將滅止生以生顯滅滅猶不滅生說  
無生我說本自不生今亦無滅所以不同外道汝  
欲知心要但一切善惡都莫思量自然得入清淨  
心體湛然常住妙用恒沙簡禮辭歸闕表上祖語

帝咨美久之尋遣使賜祖磨衲袈裟  
餅鉢絹五百疋諭天子嚮慕之意

錄登

楞嚴經

天竺沙門般刺密諦此云極量是年至廣  
州居制止道場五月於灌頂部中誦出一

品名楞嚴經彌伽爍法此云雲峯譯成一部十卷  
宰相房融筆受融時貶流高州因得以寓于譯所

沙門懷迪證譯傳經事畢朝廷青以  
私譯密諦遂泛舶攜梵夾歸天竺

記譯

丙午神龍二年僧範  
等加五品階

唐舊

試經度僧

八月詔天下試童行經義挑通無滯者  
度之為僧試經度僧從此而始

唐舊

沙門智嚴于闐國王之子幼年來唐早居榮祿授  
大將軍封郡公是年五月請捨宅為寺勅允其請又  
國請出家十二月二十四日墨制云人之情也莫  
不貪祿惜位卿之願也乃欲棄俗出家忽省來奏

嗟賞兼懷時遂所祈式成高志仍請  
住終南山至相寺多預翻譯教

丁未景龍元年二年三月朔方道大總  
管張仁愿築三受降城于河上

### 獄神乞戒

嵩獄元珪禪師生伊闕李氏幼歲出家  
高宗永淳年間受具戒隸開居寺習毘

尼謁安國師頓悟玄旨遂廬于嵩獄之龐塢是年  
一日有異人我冠袴褶而至從者極多偉甚稱  
謁大師師觀其非常乃諭之曰善采仁者胡為而  
至彼曰師寧識我邪師曰吾觀佛與衆生等吾一  
目之豈分別邪彼曰我此獄神也能生死於人師  
安得一目我哉師曰吾本不生汝焉能死吾視身  
與空等視吾與汝等汝能壞空與汝乎苟能壞空  
及汝吾則不生不滅也汝尚不能如是又焉能生  
死吾邪神稽首曰我亦聰明正直於餘神詎知師  
廣大之智辯乎願授以正戒令我度世師曰汝既

乞戒即既戒也所以者何戒外無戒又何戒哉神  
曰此理也我聞於昧止求師戒我身為門弟子師  
即為張座秉爐正几曰付汝五戒若能奉持即應  
曰能不能即曰否神曰謹受教師曰汝能不淫乎  
曰我亦娶也師曰非謂此也謂無懼欲也曰能師  
曰汝能不盜乎曰何乏我也焉有盜取哉師曰非  
謂此也謂饗而福淫不供而禍善也曰能師曰汝  
能不殺乎曰實司其柄焉曰不殺師曰非謂此也  
謂有濫誤疑混也曰能師曰汝能不妄乎曰我正  
直焉有妄乎師曰非謂此也謂先後不合天心也  
曰能師曰汝不遭酒敗乎曰能師曰如上是為佛  
戒也師又曰以有心奉持而無心拘執以有心為  
物而無心想身能如是則先天地生不為精後天  
地死不為老終日變化而不為動畢盡寂默而不  
為休信此則雖娶非妻也雖饗非取也雖柄非權  
也雖作非故也雖醉非憺也若能無心於萬物則

無戒無戒則無心無佛無衆生無汝及無我執為  
戒哉神曰我神通亞佛師曰汝神通十句五能五  
不能佛十句七能三不能神悚然避席跪啓曰可  
得聞乎師曰汝能戾上帝東天行而西七曜乎曰  
不能師曰汝能奪地祇融五嶽而結四海乎曰不  
能師曰是謂五不能也佛能空一切相成萬法智  
而不能即滅定業佛能知羣有情而不能盡衆生界  
能化導無緣佛能度無量有情而不能盡衆生界  
是為三不能也定業亦不牢久無緣亦是一期衆  
生界本無增減亘無一人能主其法有法無主是  
謂無法無法無主是謂無心如我解佛亦無神通  
也但能以無心通達一切法爾神曰我誠淺昧未  
聞空義師所授戒我當奉行今願報慈德効我所  
能師曰吾觀身無物觀法無常塊然更有何欲邪  
神曰師必命我為世間事展我小神功使已發心  
初發心未發心不信心必信心五等人自我神蹤

知有佛有神有能有不能有自然有非自然者師  
曰無為是無為是神曰佛亦使神護法師寧願叛  
佛邪願隨意垂誨師不得已而言曰東巖寺之障  
莽然無樹北岫有之而非屏擁汝能移北樹於  
東巖乎神曰已聞命矣然昏夜必有喧動願師無  
駭即作禮辭去師門送而且觀之見儀衛遙逝如  
王者之狀嵐靄煙霞紛綸間錯幢幡環珮凌空隱  
沒焉其夕果有暴風吼雷奔雲掣電棟宇搖蕩宿  
鳥聲喧喧師謂衆曰無怖無怖神與我契矣詰旦和  
霽則北巖松枯盡移東巖森然行植師謂其徒曰  
吾沒後言莫及之若為口實人將妖我至玄宗開  
元四年師厲門人曰吾始居寺東巖我今入滅可  
真吾骸于彼言訖而化師嗣慧安  
國師國師嗣五祖大滿禪師得燈  
已酉景龍三年帝召道岸律師入宮為妃主受歸  
戒圖形林光宮御製贊曰戒珠皎潔慧流清淨身

局五篇心融八定學妙真宗掘通實性羅持法務  
綱紀總政律歲翼其傳芳像敦因而光盛玄宗開  
元五年  
師入滅

### 睿宗

諱旦高宗第八子初封豫王又封相王景龍四年  
年六月中宗遇弒韋后祕不發喪立溫王重茂  
為皇太子發喪即位年曰唐隆相王子隆基平內  
難奉相王輔少帝少帝尋遜位于相王相王乃即  
帝位在位二年立隆基為皇太子玄宗開元二年  
七月重茂薨諡曰殤皇帝壽二十歲開元四年六  
月睿宗崩壽  
五十五歲

景雲二  
先天一

### 庚戌

六月改元景雲元年八月以左武衛大將軍  
薛訥兼幽州都督節度使節度使之名始自

訥也百官賜爵普  
度僧道萬數舊唐史

壬子先天元年七月  
帝傳位于太子

玄宗

諱隆基睿宗第三子初封楚王改封臨淄王景  
雲初立為皇太子先天元年八月即位四位四

十四年壽六十八  
尊睿宗為太上皇

開元二十九年  
天寶十五

癸丑開元元年

秋七月帝與岐王範薛王業郭元  
振及王毛仲高力士等誅宰相謀

廢立惡逆者曰蕭至忠竇懷貞岑羲崔湜常元楷  
李憇等賞功臣官爵宦官之戚自始於此十二月

赦天下改尚書左右僕射為左右丞相中書省為  
紫微省門下省為黃門省侍中為監雍州為京兆

府洛州為河南府長  
史為尹司馬為少尹

# 六祖慧能大師尊者

俗姓盧氏名能其先本籍范陽也今蘇州父行瑫高祖武德

年中謫官新州生能遂為新興人也甫三歲而父喪母守節育之及長家益貧祖乃採薪鬻而供母

一日過市鄭闍客讀經應無所住而生其心問客曰此法得於何人客曰此名金剛經得於黃梅忍

大師祖遂告其母即趨五祖抵韶州尼無盡藏者讀涅槃經尼問經字祖曰字則不識義則請問尼

曰字尚不識曷能會義祖曰諸佛妙理非關文字尼驚異之謂人曰能是有道之人宜供養之近處

寶林古寺舊基眾請營葺而延居之四眾雲集俄成寶坊祖念大法直造黃梅之東山即高宗咸亨

二年也既得法已機語列于五祖章下丙子儀鳳元年正月八日回屆南海法性寺二僧論風動幡

動祖曰不是風動不是幡動仁者心動印宗法師聞之竦異遂邀祖扣其所自乃知其為廬居士也正月十五日會諸名德為祖剃落二月八日法性寺就智光律師受具戒既得戒遂開東山法門明年二月八日歸寶林寺韶州刺史韋據請於大梵寺轉妙法輪并受無相心地戒門人紀錄目為壇經後返曹溪雨大法雨中宗神龍元年四月帝遣內侍薛簡詔師不起簡以所資法要回奏帝嘆美詔賜磨衲袈裟鉢絹十二月十九日勅改韶州古寶林為中興寺丁未十一月十八日又勅韶州刺史重加崇飾賜額為法泉寺祖新州舊居為國恩寺睿宗先天元年一日忽謂眾曰吾忝於忍大師處受其法要并及衣鉢今為汝等信根純熟但說法要無有疑者衣鉢不須傳也聽吾偈曰心地含諸種普雨悉皆生頓悟花情已菩提果自成次年七月一日吾返新州國恩寺至是度人說法已四

十年八月三日沐浴跣趺而化壽七十六十一月十二日歸塔于曹溪今南華寺是也前刺史韋據

碑之

正紀

宗肅宗上元元年帝慕祖之道遣使詔取其

所傳

西竺衣鉢就內瞻禮代宗嗣位永泰元年

五月五日帝夢祖請衣鉢還帝即遣使馳送曹溪憲宗元和十年南海經畧馬摠以曹溪六祖未有

謚請于朝

帝賜謚曰大鑑禪師塔曰靈照摠又請柳子厚為師撰行業碑

子厚燈錄又

### 帝問佛恩

開元二年帝宣問左街僧錄神光法師曰佛於衆生有何恩德致捨君親妻子

而師事之說若有理朕當建立說若無理朕當削除神光曰佛於衆生恩過天地明踰日月德重父母義越君臣帝曰天地日月具造化之功父母君臣具生成之德何以言佛並過此乎光曰天能蓋不能載地能載不能蓋日則照晝不照夜月則照夜不照晝父祇能生不能養母則能養不能生君

有道則臣忠君無道則臣佞以此而推德則不全  
佛於衆生恩則不爾言蓋則四生普覆論載則六  
道俱承論明則照耀十方論朗則光輝三有論慈  
則提拔苦海論悲則度脫幽冥論聖則衆聖中王  
論神則六通自在所以存亡普救貴賤皆攝唯願  
陛下留心敬仰帝悅曰佛恩如此非師莫宣朕願  
回心生舊

敬仰

史唐舊

甲子開元十二年  
乙丑開元十三年

破竈墮

破竈墮禪師不稱名氏得法於慧安國師  
隱居嵩嶽山塢有廟靈甚殿中唯安一竈

遠近祭祀不輟師一日引侍僧入廟以杖敲竈三  
下曰咄此竈只是泥瓦合成聖從何來靈從何起  
恁麼烹宰物命又打三下竈乃傾墮須臾一人青  
衣戴冠設拜師前師曰是甚麼人曰我本此廟竈

神久受業報今日蒙師說無生法得脫此處生在天中時來致謝師曰是汝本有之性非吾彊言神再拜而沒由是時人呼師曰破窻墮和尚錄傳燈

### 律至日本

開元十四年日本國沙門榮叡等至揚州奉僧伽梨衣十領其上綴以山川異

物之狀蓋其國主附之以施中國沙門時鑒真律師受其衣嘆外國人有佛種性欲往化之會叡等勸請律師遂附船而東至日本彼王枉駕迎勞館于毘盧殿未幾請真授歸戒夫人羣臣皆以次稟受日本自是始有律宗焉傳本

### 一行禪師

高德傳曰釋一行俗姓張鉅鹿人也順州之路冀本名遂則太宗朝郊國公公謹

之友孫也仲歲不羣博於記誦讀書不再覽遇禪師普寂於嵩山乃悟世幻遂禮之為師出家剃染

隸中岳嵩陽寺專勤精進久之往荊州當陽山依  
慧悟律師習毘尼印詳究於陰陽鐵緯之書尋訪  
美術末至天台國清寺得蓋寺僧之所蘊自此聲  
名籍甚睿宗景雲二年三月詔之赴闕辭疾不行  
玄宗開元三年八月帝遣禮部郎中張洽齋詔詣  
當陽山起之至京帝謂曰師有何能對曰畧能記  
覽帝命中官取宮籍示之師周覽方畢覆其本記  
唱數幅帝不覺降榻稽首曰師實聖人也嘆嗟久  
之留光泰殿詔對無恒占於灾福若指于掌開元  
九年四月朝廷以麟德歷不驗詔師改撰新歷師  
推大衍數立術以應之曰開元大衍歷五十二卷  
編入唐書歷律志邢和璞者道術人也謂尹愔曰  
一行和尚真聖人也漢洛下閎造太初歷云八百  
歲後當差一日則有聖人定之今年觀畢矣屬大  
行歷出正其差謬則洛下閎之言可信非聖人孰能  
預於斯矣師學陀羅尼祕印於金剛智三藏開元

十一年十月師製水運渾天黃道儀成古未之有也帝悅親為製銘詔安武成殿以示百官

### 渾天黃道儀

注其儀準圓天之像具列宿赤道度數水激輪令其自轉一晝夜而天運

週外絡二輪縱以日月令得運行每天西行一週日東行一度月行十三度以本圖為地平以儀半在地下晦朔望有準立木人二於地平其前一前置鼓候至一刻則自擊之其一前置鐘候至一辰則自撞之見唐書帝於大明宮從容問師社稷運祚師曰鑒與有萬里之行社稷畢終得吉安祿山反帝幸蜀至萬里橋緘而還僖宗崩皇弟吉王長而賢羣臣屬望中尉楊復恭請立其弟壽王傑梁移其祚師言驗也開元十五年十一月八日師更衣端坐而逝春秋四十五帝哭之哀甚輟朝三日停龕三七日顏容怡然勅葬銅人原出內庫錢五十萬建塔諡大慧禪師帝親製文立碑書之于石勅

東宮已下京官九品以上並送至銅人原設齋藍田開元十六年三月駕幸溫湯道由師之塔所駐蹕令品官告以出豫之意賜帛五十尺令蒔塔前松柏師嗣嵩山普寂禪師寂嗣北宗神秀秀五祖旁出之嗣也宋贊寧僧統撰師傳曰師隨駕幸新豐駕前辭帝東來嵩山謁禮本師寂禪師入滅於

閤極寺  
并僧傳史

春遊

開元十八年二月始令百官於春月旬休選勝行樂自宰相至員外郎凡十二筵各賜錢

五十緡帝御花萼樓邀其歸騎留飲迭便起舞盡歡而去是時天下奏死罪止二十四人

唐書

經錄

沙門智昇撰開元釋教錄二十卷銓次佛經律論凡五千四百八十八卷昇又撰續內典錄一

卷續譯經圖記一卷續佛道論衡一卷帝御花萼樓召釋道二教論義法師道貳與道士尹謙對辯

謙義負有旨編所論八歲題曰開元佛道論衡唐書法師道氤俗姓長孫長安高陵人也父客假中侍御史母馬氏開元十八年於花萼樓對御定二教優劣毘雄論奮發河傾海注道士尹譙對答失次理屈辭殫論宗乖舛帝再三嘆羨賜絹五百疋允法施另集對御論衡一本盛傳于代開元二十年八年有疾上遺表入寂帝覽表惻怛遣中使內給事賈文瓌將絹五十匹就院弔贈俗壽七十三僧臘五十三以其年八月十三日葬終南山陰逍遙園側並唐舊史

註經

開元十九年御注金剛經并大藏經行

太公廟

三月始令兩京諸州各置太公廟也呂聖張良配饗選古名將以備十哲每歲二月

八月上戊日祭祭如孔子禮肅宗上元元年追謚望為武成王唐書

祕密教

西天此土傳流凡七世初金剛薩埵於毘盧遮那前親受瑜珈五部蘇悉軌範薩埵

傳龍猛大士龍猛傳龍智闍黎住世皆數百年龍智傳金剛智跋日羅菩提也金剛智始來東土傳

之不空三藏不空玄宗開元間復往天竺入師子國從普賢阿闍黎受十八會金剛灌頂及大悲胎

藏建壇之法天寶五載還至京師以所得法授慧朗法師由朗而下南方厥嗣寔微降及末代特所

謂瑜珈佛事者存焉

金剛智

籍洛陽廣福寺梵名跋日羅菩提此云金剛智天竺南印度摩賴耶國人也父婆羅

門善五明為建文王師智生數歲日誦萬言年十五開悟佛理遂出家隨師中印度那蘭陀寺學阿

毘達磨等洎登壇法律師聽十八部律又詣西印度學小乘諸論十餘年全通經律論三藏聞支那此

次<sup>年也</sup>中佛法崇盛乃泛舶而采開元七年達于廣府

法尋徙薦福寺大智<sup>也</sup>雙龍大慧<sup>也</sup>一行二禪師不空

三歲皆師事之智所譯經一行多預焉一行嘗稟

其壇法儀制開元二十年八月十五日於洛陽廣

福寺命門人曰白月圓時吾當去矣遂禮毘盧遮

那佛旋遶七帀退歸本院焚香發願頂戴梵夾并

新譯教法付囑訖寂然而化壽七十一臘五十一

十一月七日葬龍門南伊川之石弟子不空奏奉

敕諡灌頂國師敕中書侍郎杜鴻漸撰紀德碑

史并贊傳等

不空三藏

籍京兆大興善寺梵名阿目佉跋折羅華言不空金剛北天竺婆羅門族幼孤

隨叔父觀光東國年十五師事金剛智蒙授教法洎登具戒儀範善解一切有部金剛智入寂已開

元二十五年十二月攜弟子三七人附崑崙船返五天印度歷彼諸國廣求密藏及諸經論五百餘部天寶五載還京奉敕權止鴻臚六載詔入內立壇為帝灌頂賜號智藏國師移居淨影寺夏祈雨有應帝自持寶箱賜紫袈裟浴陽北邙山有巨蟒毒氣遠噴聞者立死帝召師呪而斃之天寶十二載西蕃大石康居三國兵圍涼州帝請空祈陰兵救之空結壇誦仁王密語帝親秉爐有神介胄而至帝視之問曰此何神也空曰北方毘沙門天王長子也空誦密語遣之四月二十日西涼奏報二月十一日城東北三十許里雲霧間神兵長偉城北門樓有光明天王怒視蕃帥陂角凌雲而至西蕃畏懼卷甲遁去帝覽奏因歎諸道城樓置天王像此其始也肅宗乾元中詔空入內建道場護魔法為帝受轉輪王位七寶灌頂上元末空表請入山李輔國宣敕令於終南山智炬寺修功德代宗

立恩渥彌厚永泰元年詔澤密嚴仁王二經帝為  
製序十一月一日制授特進試鴻臚卿大厯三年  
詔空大興善寺建壇為近侍大臣及諸鎮將帥悉  
授灌頂帝親署加號大廣智三藏大厯六年空進  
所譯經凡一百二十卷七十七部九年示疾上表  
辭帝敕使勞問賜醫藥加開府儀同三司封蕭國  
公食邑三千戶固讓不已且曰白月圓滿吾當逝  
矣奈何臨終更竊名位乃以五股金剛鈴杵先師  
之所傳者以銀盤置菩提子水精數珠留別附中  
使李憲誠進六月十五日香水澡浴東首倚卧比  
面瞻望闕庭以大印身定中而寂享年七十僧臘  
五十弟子慧朗次紹灌頂之位餘知法者數人帝  
輟朝三日賜絹布雜物錢四十萬造塔錢二百餘  
萬敕功德使李元琮知護喪事七月六日茶毘詔  
朝品劉仙鶴就寺置祭贈司空諡大辯正廣智三  
藏收舍利數百粒以八十粒進內其頂骨不壞中

有舍利一顆半隱半現勅於本寺別院起塔御  
史大夫嚴郢為碑徐浩書樹於本院唐書舊史傳

宋贊寧系傳曰傳教推輪者東夏以金剛智為始

祖不空金剛為二祖慧朗為三祖自後岐分派別

咸曰傳瑜珈大教多則多矣而少驗者何亦猶羽

嘉生應龍應龍生鳳鳳凰已降生庶鳥矣欲無

變革其

可得乎

癸酉開元二十一年分天下為京畿都畿關內河

南河東河北隴右山南東道山南西道劍南淮南

江南東道江南西道黔中嶺南凡十五道各置

采訪使方士張果老自言已數百歲帝召之至闕

懇辭歸山制賜銀青光祿大夫

號通玄先生入常山不知所終

華嚴合論

開元二十二年太原李長者名通玄日  
食一柏葉棗小餅因呼棗柏大士初開

元七年太原孟縣高仙奴館之齋中造論逾三年  
遷馬氏古佛堂側閱十年負經書而去之山行二  
十里遇一虎長者撫之曰吾著華嚴論能為擇根  
止處否即以經囊負其背行至神福山原下土龕  
前駐止長者乃於龕著論每夕口出白光以代燈  
燭日有二女子汲水炷香每食時具饌齋畢撒而  
去如是五載長者著論畢遂滅跡不見也論成四  
十卷開元二十八年三月長者卒壽九十五歲又  
著決疑論會釋十門玄義緣生解迷十明等  
論十玄六相百門義海偈讚語等並傳於世

### 藥王

姓韋氏名古字老師疎勒國人開元二十五  
年至京紗巾毳袍杖藜而行腰懸數百葫蘆

普施藥餌以一黑犬自隨凡有患者古視之即愈  
帝敬禮為藥王菩薩皇后圖其形而供養之

及神  
仙傳

開元二十六年詔天下州郡各建一大寺以紀年  
為號額曰開元寺六月立皇太子與改名亨

唐書

文宣王

二十七年八月追謚孔子為文宣王先是  
祀先聖先師周公南向孔子東向制自今

孔子南向被王者服追  
贈弟子皆為公侯伯

唐書

青原

吉州青原山靜居寺行思禪師本州安城劉  
氏子幼歲出家得法於六祖歸住青原至是

開元二十八年十二月十三日陞堂告眾跏趺  
而逝僖宗謚弘濟禪師塔曰歸真嗣六祖尊者

普寂禪師

京唐興寺普寂禪師舊唐史云寂生  
河東馬氏少時偏參高僧學經律師事

神秀凡六年秀奇之盡以道授之秀入京因薦之  
于則天得度為僧秀歿天下好釋氏者咸師事之  
中宗問其高行特下制令代神秀統其法眾女宗  
開元十三年有旨移居都城時王公士庶爭來禮

謁寂嚴重少言難見其和悅之容遠近尤以此重之至是開元二十八年入寂有勅賜號大照禪師葬日河東尹裴寬及其妻子並衰麻列于門徒之次士庶傾城哭送市易幾廢師嗣秀秀嗣五祖師嗣子惟政一行

南嶽

禪師諱懷讓金州杜氏子年十五辭親往荆州玉泉寺依弘景律師出家受具戒習毘尼

詣曹溪參六祖逾八年乃領法要祖謂師曰西天二十七祖般若多難識汝足下一馬駒踏煞天下人師侍祖一十五年睿宗先天元年往衡嶽居般若寺至是開元中接馬祖道一付偈曰心地含諸種遇澤悉皆萌三昧華無相何壞復何成天寶三載八月十一日圓寂於衡嶽壽六十八勅諡大慧禪師塔曰最勝天寶三年改年曰載至輪之塔師嗣六祖肅宗乾元元年復稱年

祠部牒

天寶五載五月制天下度僧尼並令祠部給牒今謂之祠部者始起於此

戊子天寶七載大將軍高力士於西京建寶壽寺成鑄洪鐘辦齋以慶之舉朝畢集約以擊鐘一杵

施錢百緡有樂施者至二十杵

唐書

庚寅天寶九載五月賜安祿山爵東平郡王唐將帥封王自祿山始安祿山者本營州柳城胡初名

阿荦山突厥所謂問戰神者是也本姓康母阿史德為現居突厥中禱子于乾華山及祿山生有光

照穹廬野獸皆鳴望氣者言其祥父死母攜之再適突厥安延偃會其部落破散與延偃兄子思順

俱逃米唐故冒姓安氏名祿山也又有史宰蘇肯干者以祿山同里開驍勇聞累遷將軍賜名思明

自後  
俱反

壬辰天寶十一載三月改更  
部為大司刑部為憲部

乙未天寶十四載十一月安祿山反肅  
宗乾元二年安祿山代宗廣德元年火滅

肅宗

諱亨玄宗第三子開元二十六年立為皇太子  
自丙申年六月安祿山攻陷潼關玄宗幸蜀太

子即位於靈武改元至德乃七月也尊玄宗曰太  
上皇改扶風為鳳翔府在位七年壽五十二歲

至德二 乾元二  
上元二 寶應一

丙申

七月改至德元年安祿山自稱大燕皇帝建  
元聖武兵入長安次年安祿山為其間豎李

猶兒執刃斫其腹  
死其子安慶緒立

丁酉至德二載九月克復西京十月克復東京丁  
卯帝入西京十二月上皇還至咸陽居興慶宮肅

宗立子廣平王儼為楚王加封功臣加郭子儀司徒李光弼司空以蜀郡為南京鳳翔為西京西京

為中

京唐

戊戌乾元元年大赦改元復以載為年帝於禁中立內道場講誦贊唄尋勅五獄各建寺選高行沙門主之聽白衣能誦經五百紙者度為僧或納錢百緡請牒剃度亦賜明經出身及兩京既平又於關輔諸州納錢度僧道萬立楚王為太子

放生池

乾元二年三月詔天下諸州各置放生池十月勅昇州刺史顏真卿撰有唐天下放

生池碑銘其序云我皇舉天下以為池罄域中而蒙福乘陀羅尼加持之力竭煩惱海生死之津揆之前古曾何髣髴八月命司徒郭子儀討安慶緒以宦官開府儀同三司魚朝恩為觀軍容宣慰處

置使觀軍容之名自此始史思  
明殺安慶緒自立為大燕皇帝

庚子上  
元元年

荷澤

神會禪師襄陽高氏子年十四為沙彌謁六  
祖印得法尋往西京受戒中宗景龍二年歸

曹溪祖滅後二十年間曹溪頓宗沈麟於荆吳嵩  
岳漸門盛行於秦洛師於天寶四載入京著顯宗  
記以訂兩宗南能頓宗北秀漸宗也至是上元元  
年師辭衆奄然而化葬于龍門勅建塔院賜號真

宗般若禪師  
嗣六祖鐫燈

荷澤

山東東昌路曹州  
也荷澤兗州之域

辛丑上元二年八月制去年號但稱元年去尊號  
但稱皇帝以建子月為歲首月皆以所建之辰為  
數明年復如初史思明愛少子朝清立為太子欲  
殺其長子朝義朝義部將駱悅囚史思明殺之朝

義即  
帝位

南陽國師

名慧忠生浙東越州諸暨丹氏受六祖心印居南陽白崖山黨子谷四十餘年

不下山肅宗聞其道行上元二年勅中使孫朝進  
詔徵赴京待以師禮居千福寺西禪院帝問師在  
曹溪得何法師曰陛下還見空中一片雲麼帝曰  
見師曰釘釘著懸掛著帝又問如何是十身調御  
師乃起立曰會麼帝曰不會師曰與老僧過淨鉢  
來帝又曰如何是無諍三昧師曰檀越踏毘盧頂  
上行帝曰此意如何師曰莫認自己清淨法身帝  
又問師乃不之視帝曰朕是大唐天子師何以殊  
不顧視師曰還見虛空麼帝曰見師曰他還敗日  
視陛下否帝領解至代宗大厯十年師以化緣將  
畢乃辭帝代宗曰師滅度後弟子將何所記師曰  
告檀越造取一所無縫塔帝曰就師請取塔樣師  
良久曰會麼帝曰不會師曰貧道去後有侍者應  
真却知此事乞詔問之十二月十九日右脇而逝

塔于黨子谷誼大證禪師代宗詔應真問前語真  
良久曰聖上會麼帝曰不會真述偈曰湘之南潭  
之北中有黃金光一國無影樹下同船瑠璃殿  
上無知識應真住江西吉州耽源山嗣南陽國師  
傳燈

壬寅寶應元年建巳月楚州刺史崔旆表稱有尼  
真如恍惚登天見上帝賜以寶玉十三枚云中國  
有灾以此鎮之羣臣表賀因曰寶應甲寅上皇崩  
帝以寢疾發哀於內殿哀慕疾轉劇乃命太子監  
國甲子制改元復以建寅為正月月數皆如其舊  
丁卯帝崩戊辰癸大行皇帝喪已巳太子即帝位

楚州今  
淮安路

代宗

諱豫初名俶肅宗長子封廣平王為元帥與郭  
子儀等克復二京乾元元年立為皇太子至是

即位 在位十七年  
壽五十三歲

廣德二 永泰一  
大曆十四

癸卯廣德元年

史朝義戰敗走范陽窮蹙繼死林中冬十月吐蕃陷京師帝出陝郭

子儀克復之帝還宮十二月詔修五臺文殊菩薩殿鑄銅為瓦塗以黃金

甲辰二年詔內道場選三百僧百人為番誦仁王般若經出入乘馬五月行道

乙巳永泰元年詔天下官司毋得撞辱僧尼

舊史

孟蘭盆

丙午大曆元年七月壬午帝作孟蘭盆會于禁中設高祖太宗已下七聖位建巨幡

各以帝號標其上自太廟迎入內道場是日立仗百僚於光順門迎拜導從自是歲以為常癸未太

廟二室生靈芝帝賦詩美之百僚皆和唐見舊經云

邵大弟子目捷連尊者神通第一適母氏命終墮

餓鬼中日運往見之白佛救度之佛命以七月十

五僧自恣日備設齋供供佛齋僧念讀諸經母乃

脫離餓鬼丁未大歷二年七月觀軍容魚朝

恩奏以先所賜莊為章敬寺以資太后冥福

精進

法華輔行云於法無染曰精念念趣求曰進

相國杜鴻漸出撫巴蜀是年至益州西川成都府也

遣便詣白崖山請無住禪師入城問法要曰弟子

聞金和尚說無憶無念莫妄三句法門未審是一

是三師曰無憶名戒無念名定莫妄名慧然一心

不生則具戒定慧非一非三也公曰後句妄字莫

是從心之忌乎師曰從女者是也公曰有據乎師

曰法句經云若起精進心是妄非精進若能心不

妄精進無有涯公盪釋疑情時有雅鳴公問師聞

否師曰聞與不聞非關聞性有聲之時是聲塵自

生無聲之時是聲塵自滅而此聞性不隨聲生不  
隨聲滅悟此聞性則免聲塵流轉乃至色香味觸  
亦復如是公喜躍稱敬詳見傳燈錄師嗣益州無  
相禪師無相嗣資州寂寂嗣資州旡旡嗣五祖大  
滿禪師為  
旁出派也

甲寅大歷九年道士史華者以術得幸因請立刀  
梯與沙門角法有旨兩街選僧應之沙門崇慧常  
誦首楞嚴呪表請挫之帝帥百僚臨觀史華履刃  
而上招崇慧慧登之慧乃躡之而昇往復無傷慧乃  
命薪烈火聚於庭慧入以呼華華慚汗不敢正視  
帝大悅而罷賜崇慧號護國三歲後不知其所終  
山宣律師  
道論衡

三生石

沙門圓澤寓洛陽慧林寺與隱士李源厚  
善慧林即源舊第也父愷守東都為安祿

山所宮源以故不仕常居寺中一日偶相率遊我  
眉山源欲自荊州泝峽以往澤欲由長安斜谷源  
以為久絕人事不欲復入京師澤不能強遂自荆  
州舟次南浦見婦人錦襦負壘而汲者澤望而泣  
曰所不欲由此者為是也源驚問故澤曰婦人孕  
三稔矣違吾為之子不達則已今既見之無可逃  
者公當以符咒助我令速生三日浴兒願公臨顧  
以一笑為信後十三年於杭州天竺寺外當與公  
相見源悲哀具浴至暮而澤亡婦乳三日源往視  
之兒見源源果軒渠而笑即具以語其家葬事訖源  
返寺中後如期自洛之吳赴其約也果於杭州西  
山下天竺寺前葛洪井畔聞有牧童扣牛角而歌  
曰三生石土舊精魂賞月吟風莫要論慚愧情人  
遠相訪此身雖異性常存源曰澤公健否荅曰李  
君真信士然世緣未盡且勿相近惟勤儉不惰乃  
復相見又歌曰身前身後事茫茫欲話因緣恐斷

賜吳越江山尋已遍却回煙棹上瞿塘遂隱不見  
源復歸慧林至穆宗長慶初年八十矣御史中丞  
李德裕表薦之穆宗下詔以  
源守諫議大夫源不赴  
唐書  
戊午大歷十三年詔兩京律師詳定新舊律條開  
列特化頒行天下時禪化大行江西主大寂馬祖  
也湖南主石頭  
憧湊二大士之門

已未大歷十四年五月帝崩太子即位  
詔尊郭子儀為尚父加太尉兼中書令

德宗

諱追代宗長子初封奉節郡王為天下兵馬大  
元帥廣德二年立為皇太子在帝位二十六年

壽六十  
四歲  
本記

建中四 興元一  
貞元二十一

庚申建中元年

辛酉建中二年汾陽忠武王郭子儀薨壽八十五歲

癸亥建中四年十月李希烈圍襄城帝發涇原等道兵救之涇原節度使姚令言至京師其部兵求賞不遂鼓譟劫令言反奉朱泚為主帝乃出幸奉天守備單弱泚遣涇原兵馬使韓旻將銳兵襲奉天大司農段秀實謂政靈岳曰事急矣使靈岳詐為姚令言符令旻且還當與大軍俱發竊令言印未至秀實乃倒用司農印符追及韓旻旻得符而還朱泚自稱大秦皇帝建元曰應天甲子興元元年朱泚更國號曰漢改元天皇李希烈即皇帝位于許州國號大楚建元武成置百官帝自奉天急幸梁州至城固神策河北行營節度使李晟收復京城六月朱泚將奔吐蕃為其將梁庭芬等斬之傳首行在詔改梁州為興元府帝至長安進李晟爵西平王

乙丑貞元元年丙寅二年五月詔律師道澄入宮為妃嬪內侍授飯戒賜號大圓律師制諸寺宣講

復作孟蘭盆會依代宗時

貞元三年分浙江東西道為三浙浙西治潤州  
江今鎮浙東治越州宣歙池治宣州各置觀察使

以領  
之唐書

貞元四年詔迎岐州無憂王寺佛指骨入禁中供養

馬祖

江西禪師法名漢州什邡縣人姓馬氏故稱馬祖祖出家本邑羅漢寺依資州唐和尚落髮

渝州圓律師授具足戒玄宗開元間習定南嶽山中遇讓和尚度之即得心印始自建陽佛跡崩遷

臨川撫今江州路西次至南康龔公山代宗大歷四年隸名鍾陵開元寺時連帥路嗣恭聆風景慕觀受宗

旨由是四方學者雲集座下洪州廉便問師曰喫酒肉即是不喫即是師曰若喫是中丞祿不喫是中丞福丞有省師入室弟子一百三十九人各爲一方宗主轉化無窮師至是貞元四年正月月中登建昌石門山於林中經行見洞壑平坦謂侍者曰吾之朽質當於來月歸茲地矣言訖而回既而示疾院主問和尚近日尊候如何師曰日面佛月面佛二月一日沐浴跏趺而逝憲宗元和八年賜諡

大寂禪師塔曰大寂禪師塔見景德錄

石頭

庚午貞元六年南嶽石頭和尚入寂諱希遷

法末具戒屬祖圓寂稟遺命謁青原山思禪師玄宗天寶初苻之衡山南寺寺東有石狀如臺乃結庵其上時號之曰石頭和尚著草庵歌參同契盛行於世至是圓寂塔于東嶺帝賜諡無際大師塔

曰見相師嗣青原  
思思嗣六祖

國一

士申貞元八年十二月國一禪師入寂師諱

潤州鶴林素禪師勉之剝落乃戒之曰汝乘流而

行達徑即止師遂南邁玄宗天寶三載抵臨安東

北一山樵者曰此徑山也乃駐錫焉山有龍淵龍

王夜化身為人獻其地於師乃成伽藍道在杭今浙西路

鯉也除杭縣十里方山禪寺是僧問如何是道師曰山上

師曰出家乃大丈夫事非將相之所能為公有省

代宗大歷三年詔至闕下帝親瞻禮帝謂忠國師

曰朕欲賜欽師一名國師欣然奉詔乃賜號國一

禪師威嗣牛頭持嗣牛頭方方嗣牛頭巖巖嗣

牛頭融融嗣四祖乃  
四祖旁出之派也錄傳燈

癸酉貞元九年正月鹽鐵使張滂請稅茶九州縣  
產茶及茶山皆估其直什稅一茶稅初於此壽

州毛罕妻興元元年產一子名毛儋猪頭象耳驪  
足魚腮人身既長每以鐵杖自鞭其身每日持苕

帚掃地謂人曰夙因盜常住錢今故掃地以償也  
後越州雲門有讚之者曰常住分文不可偷日生

萬倍恐難酬猪頭驢脚分明見佛地今生  
掃未休至是癸酉年毛儋死并感衆得

釋皎然名晝一作字湖州人有逸才為顏魯公真  
卿于頔吳季德諸公所敬陸羽至則清談

終日士大夫服其標致然恥以文章名世嘗嘆曰  
使有宣尼之博識胥臣之多聞終日目前裕道侈

義適足以擾其性豈若松巖雲月禪坐相偶無言  
而道合至靜而性同吾將入杼山矣於是哀所著

詩文火之役中丞李洪刺湖州枉駕杼山請及詩  
文畫曰貧道役筆硯二十餘年一無所得冥搜物  
象徒累我心今棄之久矣洪搜之民間僅得十卷  
畫卒相國于頓序之進于朝德宗詔藏祕閣後人  
為之稱曰潛之

畫能清秀

高僧傳

官官得專軍政者始自竇文場初文場惡左神策  
大將軍柏良器貞元八年十二月左遷良器為右  
領軍因而宦官得志至是貞元十一年五月河東  
節度使李自良薨監軍王定遠奏以行軍司馬李  
說為留後說深德定遠請鱗  
監軍印監軍有印自定遠始

律師靈澈

字源澄居越州雲門寺一時公卿負才  
望若劉長卿嚴維皇甫曾皆投刺結友

澈詩與皎然僧標齊名澈著律宗行源二十一卷  
蚤遊京師聲譽顯著終老于越馬相國權德輿作

序錢之有觀其容鑒其詞知其心不待境靜而靜  
之之語憲宗元和十一年入滅有文集二十卷尚

書劉禹錫為序後人稱  
之曰越之澈洞冰雪降

丙子貞元十二年四月帝生日故事命沙門道士  
講論於麟德殿至是始命以儒士參之帝悅賜法

師端甫紫方袍命  
入宮輔導皇太子

僧標

沙門名僧標幼而神宇清茂首中肅宗乾元  
元年試通經之選為僧後習毘尼有髙行至

是貞元十四年結庵杭州之西嶺士大夫雅與之遊  
如李吉甫韋臯孟簡皆與結廬外交吳人語曰杭  
之標摩雲霄越之澈洞冰雪潛之畫能清秀竟陵  
陸羽見標曰日月雲霞吾知為天標山川草木吾  
知為地標推能歸美吾知為德標閑居趣寂得非  
名實任公乎杭人尊之而不名但呼曰西嶺和尚

欽定四庫全書

卷三

傳高僧

塔記

已卯貞元十五年四月庚辰宣作福州無垢淨光塔銘畧曰觀察使柳公監軍使魚公相

與言曰報君莫大於崇福崇福莫大於樹善樹善莫大於佛教教之本其在浮圖歟夫塔者上參諸天下鎮三界影之所廕如日月之照破昏為明鈴之所響如金石之奏聞聲生善如是諸福盡歸人王謀之既成相顧踴躍食王祿者樂於檀施荷帝力者悅而獻工役無告勞功用斯畢皇帝嘉焉御札題額錫名貞元無垢淨光之塔

唐書史

寶林傳

貞元十七年建康沙門慧炬天竺三藏勝持編次諸祖傳法記識及宗師機緣為寶

傳林

癸未貞元十九年東都聖善寺大師凝公示寂翰  
林白樂天作八漸偈吊之其序曰居易嘗求心要  
於師師賜教焉曰觀覺定慧明通濟捨由是入于  
耳貫于心有得也師今云亡以八字作偈哀悼之  
傳八燿錄

甲申貞元二十年九月  
太子誦得風疾不能言

貞元二十一年正月辛未朔諸王親戚入賀太子  
獨以疾不能來帝涕泣悲嘆由是得疾日益甚凡  
二十餘日中外不通莫知兩宮安否癸未  
帝崩甲午宣遺詔太子即帝位於太極殿

順宗

誦德宗長子失音不能決事居深宮施簾帷獨  
宦官李忠言昭容牛氏侍左右百官奏事自幃

中可其奏在位  
一年壽四十六

乙酉永貞元年

八月庚子制令太子即皇帝位朕稱太上皇徙居興慶宮乙巳憲宗

即位於宣政殿

永貞一

九月太尉中書令韋臯薨臯治蜀二十一年封南康忠武王四川奉祀之以為土神禮重釋氏法嘉州鑄山為石佛像成臯為記有曰頭圍千尺目廣二丈其餘相好一一稱是又嘗訓一鸛鵒念佛鵒斃臯曰是念佛者宜以桑門禮閣維之果得舍利二顆臯為記略曰元精以五氣授萬類雖鱗介毛羽必有感清英純粹者矣韋彼禽類習乎能言了空相於不念留真骨於已斃殆其元聖示現感於人心

憲宗

純順宗長子初封廣陵王永貞元年三月立為皇太子八月受詔即位在即位十五年壽四十五

元和  
十五

丙戌元和元年

春正月上皇崩十月詔天下  
有道行僧赴上都闡揚法化

丁亥元和二年詔信州江果鵝湖山大義禪師入  
麟德殿設齋召諸大德論道帝臨聽論義有法師  
問何謂四諦師曰聖上一帝三諦何在又問欲界  
無禪禪居色界此土憑何而立師曰法師只知欲  
界無禪不知禪界無欲曰如何是禪義以指點空  
法師無對帝曰法師講無窮經論只這一點尚不  
奈何義却問衆師曰畢竟以何為道有對知者是  
道師曰不可以智知不可以識識安得知知者是道  
有對無分別是道師曰善能分別諸法相於第一  
義而不動安得無分別是道有對四禪八定是道  
師曰佛身無為不墮諸數安得四禪八定是道復  
有數人致對義皆乘機為曉之帝問曰何者是佛

性義曰不離陛下所問帝默契由是益重禪宗師  
衡州須江徐氏嗣馬祖元和十三年正月入寂勅

謚慧覺禪師舊唐書徑山舊  
祖圖曰大義湓禪師姓吳氏

僧錄

元和二年二月制法師端甫掌內殿法事  
儀注錄左右街僧事僧錄自甫而始舊唐書

荆南城東天皇寺

道悟禪師唐協律郎符載撰碑  
曰道悟姓張氏婺州東陽人年

十四出家依明州大德祝髮二十五受戒于杭州  
竹林寺初參國一于徑山留五年代宗大厯十一  
年隱于四明大梅山德宗建中初謁江西馬祖二  
年參石頭乃大悟遂隱當陽紫陵山後於荆南城  
東天皇廢寺僧靈鑒者請居至是元和二年四月  
十三日以背痛入滅壽六十坐三十五夏法嗣三  
人曰慧真曰文賁曰幽閑今  
荆南城東有天皇巷存焉

五

戊子元和三年詔懷暉禪師居京兆章敬寺每召對麟德殿論道是年入寂勅謚大覺禪師師泉州

謝氏子  
馬祖傳子  
燈嗣

### 荆南城西天王寺

道悟禪師唐正議大夫戶部侍郎平章事荆南節度使卹玄素

撰師碑曰道悟渚宮人姓崔氏子玉之後唐也年十五依長沙寺靈薰律師出家二十三詣嵩山受戒三十參石頭頤沐指示曾未授機次謁忠國師年三十四與國師侍者應真南還謁馬祖祖曰識取自心本來是佛不屬漸次不假修持體自如如萬德圓滿師於言下大悟祖囑之曰汝往往住持莫離舊處師蒙旨已便返荆門去郭不遠結草為庵後節使顧問左右申其端緒節使親往訪問見其路隘車馬難通極目荒榛曾未修葺因之怒甚令人持師拋於流水旌旆旋歸居第火發莫可述而

聞空中聲曰我是天王神我是天王神節使謝過  
拜禮煙焰頓息亟趨江際見師水涯重伸懺悔迎  
請在衙供養於府西造寺額曰天王師居常稱云  
快活快活活臨將入寂乃稱苦苦閻羅王來取伊也  
院王云和尚被節使拋向水中神色不動如今何  
得恁麼地師舉枕子云汝道當時是如今是院主  
無對師擲下枕子而逝當此元和三年十月十三  
日也壽八十二坐六十三夏嗣法一人曰崇信元登錄

庚寅元和五年三月勅諫議孟簡補闕  
蕭悅於醴泉寺監護譯經潤文唐書史

龐居士

襄州居士龐蘊者衡州衡陽縣人也字道  
玄世本業儒少悟塵勞志求真諦總宗貞

元初謁石頭遷禪師乃問不與萬法為侶者是甚  
麼人頭以手掩其口豁然有省後與丹霞天然禪

師為友一日石頭問曰日用事作麼生士曰若問  
日用事即無開口處乃星偈曰日用事無別惟吾  
自偶諧頭頭非取捨處處沒張乖朱紫誰為號耶  
山絕點埃神通并妙用運水及搬柴頭然之既而  
頭曰子以繩那素邪士曰願從所慕遂不剃染後  
參馬祖問曰不與萬法為侶者是甚麼人祖曰侍  
汝一口吸盡西江水即向汝道士於言下頓悟玄  
旨遂廁祖之門徒焉乃留駐參承二載有偈曰有  
男不婚有女不嫁大家團圓頭共說無生話機辯  
捷出諸方嚮之至是元和六年北遊襄漢隨處而  
居有女名靈照賣竹漉蘆以供朝夕士坐次問靈  
照古人道明明百草頭明明祖師意如何會女曰  
老老大大作這箇語話士曰你作麼生女曰明  
百草頭明明祖師意士乃笑士因下榻結跏女見  
亦去士邊倒士曰你作甚麼女曰見爺倒地靈照  
相扶上將入滅謂靈照曰視日早晚及午以報照

遽報日已中矣而有蝕也士出戶觀靈照即登父  
座合掌坐亡士笑曰我女鋒捷矣於是更延七日  
州牧于公頓聞之來問士謂之曰但願空諸所有  
慎勿實諸所無好住世間皆如影響言託枕公膝  
而化遺命焚棄于江湖中龐婆走田中謂其子龐  
大曰汝父死矣龐大笑曰嗟倚鋤亦脫去婆曰汝  
更愚癡既為焚燒畢婆乃遍別鄰間歸隱焉自後  
莫知其所有自詩偈三百餘篇傳于世緇白傷悼  
謂禪門龐居士即

毘耶淨名也

龍傳錄

士辰元和七年夏六月大水為  
陰盈之象帝出宮女三百車

唐書

辨食飛走

元和八年法師智習悟解絕倫然寡徒  
侶偶有耆宿閱習著述乃曰汝識至高

頗符佛意今寡徒衆益缺人緣耳佛猶不能度無  
緣況初心者乎可辨食布施飛走却後二十年當自

有衆習如其教炊米散郊外感鳥大集搏飯習祝  
曰食吾飯者願為法侶後二十年習往鄴城開講  
座下有衆十餘人皆  
年少比丘或本應記

### 北山錄

北山法師神清著盛行于世至是元和九年清入寂

### 百大山

江西隆興路古洪州也禪師名懷海福州長樂王氏子中歲離塵三學該練屬馬祖闡化

江西乃傾心依附與西堂智威南泉普願同號入室時三大士化門為角立焉師上堂曰靈光獨耀迴脫根塵體露真常不拘文字心性無染本自圓成但離妄緣即如如佛師初立叢林儀軌名曰清規至是元和九年正月十三日歸寂壽九十五歲勅謚大智禪師塔曰大寶勝輪師嗣馬祖燈

### 清規

百大山大智海禪師創立也猶佛之律條動靜云為折旋俯仰莫可犯也叢林尊行之又

有日用小清規永明壽禪師所作也

元和九年正月柳子厚作南嶽大明律師碑其畧曰儒以禮立仁義無之則壞佛以律持定慧去之則喪是以離禮於仁義者不可與言儒異律於定慧者不可與言佛達是道者惟大明師凡浮圖之道衰其徒必小律而去經大明恐焉於是究戒律而大法以立通經教而與義以脩凡衣服器用動有師法言語行止皆為物軌全文載柳集

鳥窠禪師

諱道林杭州富陽潘氏子母朱氏誕時異香光明滿室因名曰香光九歲出家

二十一於荊州果願寺受戒後詣長安西明寺從禮法師學華嚴經起信論禮示以真妄頌俾修禪那師問曰初云何觀云何用心禮久而無言師三禮而退屬代宗詔徑山道欽禪師至闕師就得三

謁之契悟心要及南歸錢塘孤山永福寺有辟支  
佛塔時道俗共為法會師振錫而入有靈隱寺  
光禪師曰此之法會何以作聲師曰無聲誰知是  
會後見西湖之北秦望山有長松枝葉繁茂盤屈  
如蓋遂棲止其上故時人謂之烏窠禪師有鵲巢  
於側人又曰鵲巢和尚至是元和間自侍郎居易  
由中書舍人出刺杭州聞師之道因見師棲止巢  
上乃問曰師住處甚險師曰太守危險尤甚曰弟  
子位鎮山河何險之有師曰薪火相交識性不停  
得非險乎曰佛法大意如何師曰諸惡莫作眾善  
奉行曰三歲孩兒也解恁麼道師曰三歲孩兒雖  
道得八十老翁行不得侍郎欽嘆數從問道乃起  
竹閣於湖上近師之居以便朝夕之參益竹閣者  
今日廣化寺侍郎遺像存焉師於穆宗長慶四年  
二月十日告侍者曰吾今報盡言訖跏趺而化勅  
謚圓修禪師師嗣國一欽禪師四祖旁派

布毛侍者

法名會通姓吳元俗號為供奉官元和十年一日奏帝曰臣幼不食葷志願從釋

洪旬蒙詔許出家尋母病歸杭州鄉里超謁鳥窠禪師於湖上願求剃度窠曰今時為僧鮮有精苦者行多浮濫卿曰本淨非琢磨元明不隨照窠曰汝若了淨智妙圓體自空寂即真出家元卿確請窠乃與披剃具戒法名會通侍窠年久忽辭窠曰諸方學佛法去窠曰佛法此間亦有些子通曰請和尚佛法窠於身上拈起布毛吹之通頓悟玄旨遂不遊行雅號布毛侍者建加藍於喜鵲寺之東葛嶺之西塢

曰招賢

錄傳燈

丙申元和十一年江州歸宗寺智常禪師目有重瞳用藥手按摩久而目皆俱赤因號赤眼歸宗江州刺史李渤問曰芥子納須彌莫妄談否師曰人傳使君讀萬卷書是否李曰然師曰使君自頂至

踵如柳子大萬卷向甚處著  
有首師歿有嗣法者甚盛師嗣馬祖

馬郎婦

觀世音也元和十二年菩薩大慈悲力欲  
化陝右示現為美女子乃之其所人見其

姿貌風韻欲求為配女曰我亦欲有歸但一夕能  
誦普門品者事之蔡明徹誦者二十輩女曰女子  
一身豈能配衆可誦金剛經至且通者猶十數人  
女復不然其請更授以法華經七卷約三日通至  
期獨馬氏子能通經女令具禮成姻馬氏迎之女  
曰適體中不佳俟少安相見客未散而女死乃即  
壞爛葬之數日有老僧仗錫謁馬氏問女所由馬  
氏引之葬所僧以錫撥之尸已化惟黃金鎖子之  
骨存焉僧錫挑骨謂衆曰此聖者憫汝等障重故  
垂方便化汝耳宜善思因免墮苦海語已飛空而  
去自此陝右奉佛者衆泉州聚和尚贊曰半安窈  
窕醫軟斜賺煞郎君念法華一把骨頭挑去後不

知明月落誰  
家觀世音菩薩

清涼國師

清涼大統國師澄觀始見於則天萬歲  
通天元年至順宗在東宮之時聞法解

悟以心要問於國師師答之畧曰至道本乎其心  
心法本乎無住無住心體靈知不昧性相寂然包  
含德用迷現量則惑苦紛然悟真性則空明廓徹  
雖印心即佛惟證者方知然有證有知則慧日沈  
沒於有地若無照無悟則昏雲掩蔽於空門若一  
念不生則前後際斷照體獨立物我皆如直造心  
源無智無得然迷悟相依真妄相待若求真去妄  
如弃影勞形若體妄即真似處陰影滅若無心忘  
照則萬慮俱捐若任運寂知則衆行疾啓放曠任  
其去住靜鑒覺其源流語默不失玄微動靜未離  
法界言止則雙亡知寂論觀則雙照寂知語證則  
不可示人說理則非證不了是以悟寂無寂真知

無知以知寂不二之一心契空有雙亡之中道帝  
之元和四年五月勅有司別鑄金印加清涼國師  
號僧統國師主敎門事帝問師曰華嚴所詮何謂  
法界師曰法界者衆生身心之本體也從本以來  
虛明廣大惟一真境而已無有形貌而森羅大千  
無有邊際而含容萬有昭昭於心目之間而相不  
可覩先是於色塵之內而理不可分非徹法之慧  
自離念之明智不能見自心如此之靈通也故世  
尊初成正覺數曰奇哉一切衆生具有如來智慧  
德相但以妄想執著而不證得於是稱法界性說  
華嚴經全以真空簡理事融攝周遍凝  
寂帝聽於玄談廓然自得開舊唐書師文寂

### 護國真身佛骨

杜英奇持香華往鳳翔府法雲寺

護國真身塔所請釋迦文佛指骨入內帝御安福  
門迎拜留禁中供養三日五色光現百僚稱賀歷

送諸寺釋部威儀太常長安萬年音樂旌幡鼓吹  
偉盛殊特刑部侍郎韓愈上表陳諫引古言今稱  
帝壽國祚之不延永帝大怒以表示宰輔將抵以  
死裴度崔羣爲解之貶潮州刺史愈到郡之初以  
表哀謝勸帝東封泰山久而無報鬱鬱不樂聞郡  
有大顛禪師道德名重以書招之三招而大顛至  
顛之言論超勝留數十日或入定數日方起愈甚  
敬焉師辭去愈祀神海上乃登靈山造師之廬問  
曰弟子軍州事繁省要處乞師一句師良久不顧  
公問措時三平爲侍者乃敲床一下師云作麼平  
云先以定動後以智拔公乃拜三平而謝曰和尚  
門風高峻愈於侍者處得箇入路師問愈曰子之  
貌鬱然似有不懌何也對曰愈之用於朝享祿厚  
矣一旦以忠言不用竄逐八千里播越嶺海畏吾  
女孽毒霧瘴氣日夕發作今黜於無人之地其生  
詎可保乎愈之來也道出廣陵廟而禱之幸蒙其

力而卒以無恙以主上有中興之功已奏章道之  
使東巡泰山奏功皇天倘有意於此則庶幾台愈  
述作功德而薦之郊廟焉愈早夜待之而未至冀  
萬一於速歸愈安能有懌乎顛曰子直言於朝也  
忠於君而不顧其身耶抑尚顧其身而強言之以  
徇名耶言用則獲忠直之名享報言之利不用而  
逐事之必至何介介於胷中哉苟患乎逐則盍勿  
言而已吾聞之為人臣者不擇地而安不量勢而  
行今子遇逐而不懌趨時而求徇殆非人臣之正  
也且子之死生禍福豈不懸諸天乎子姑自內脩  
而外任命可也彼廣陵其能福汝耶主上以奸臣  
負國而討之不暇僅能克平而瘡痍未瘳方此之  
際而子又欲封禪告功以騷動天下而屬意在乎  
已之欲歸子奚忍於是耶且夫以窮自亂而祭其  
鬼是不知命也動天下而不顧以便已是不知仁  
也強言以干忠遇困而抑鬱是不知義也以亂為

治而告皇天是不知禮也而子何以爲之且子之  
遭黜也所言何事愈曰主上迎佛骨入大內愈以  
佛者夷狄之法耳三代無佛而年祚永久晉宋梁  
魏事佛不天則亂愈恐主上惑於此是以不顧其  
身而斥之顓曰若是則子言謬矣佛也者覆天  
之大器也其道則妙物而爲言其言則盡性命之  
理其教則捨惡而趨善去偽而歸真其視天下猶  
父之於子也而子毀之是猶子而刃父也吾聞善  
觀人者觀其道之所存而不較其所居之地桀紂  
之君跖躡之臣皆中國人也然不可法者以其無  
道也舜生東夷文王生西夷由余生于戎季札出  
於蠻貊二聖二賢豈可謂之夷狄而不法乎今子  
不觀佛之道而徒以爲夷狄何言之陋也子以上  
古未有佛而不法耶則孔孟生衰周而蚩尤瞽瞍  
生上古矣豈可捨衰周聖賢而法上古蚩頑哉子  
以五帝三王之代未有佛而長壽也外丙二年仲

壬四年何其大耶書無逸曰自時厥後亦罔或克  
壽或十年或四三年也以漢晉之間人主大且亂  
則漢明為一代之英主梁武壽至八十六豈必皆  
天且亂耶愈曰余謂佛者口不道先王之法言而  
晏倡乎輪迴生死之說身不踐仁義忠信之行而  
詐造乎報應禍福之故無君臣之義無父子之親  
賊先王之道愈安得默而不斥之乎顓曰甚哉子  
之不達也有入於此終日數十而不知二五則人  
必以為狂矣子之終日言仁義忠信而不知佛之  
言常樂我淨誠無以異也且子誦佛書其疑與先  
王異者可道之乎曰愈何暇讀彼之書顓曰子未  
嘗讀佛之書則安知不談先王之法言耶無乃以  
嘗讀孔子之書而遂疑彼之非乎抑聞人以為非  
而遂非之乎苟以嘗讀孔子之書而疑彼之非是  
舜犬也聞之以為非而遂非之是妾婦也昔舜畜  
犬所見者惟舜一日堯過而吠之非愛舜而惡堯

以所常見者舜未嘗見堯也又聞女子之嫁也母  
送之曰往之女家必敬必戒無違夫子然則從人  
者妾婦之事安可從人之非而不考其所以非之  
者乎夫輪迴生死非妄造也此天地之至數幽明  
之妙理也以物理觀之草木根莖槁而復生則其  
往復又何怪焉孔子曰原始要終故知死生之說  
莊子曰萬物出於機入於機賈誼曰化爲異類兮  
又何足患此皆輪迴之說不悞於佛而明也焉得  
謂之妄乎且子又以禍福報應爲詐造此尤足見  
子之非也夫善惡之報皆神理自然之應易曰積  
善有餘慶積惡有餘殃又曰鬼神害盈而福謙曾  
子曰戒之戒之出乎爾者反乎爾者也此皆報應  
之說也惟佛能隱惻乎人之禍福是以彰明較著  
言其必至之理使不自陷乎此耳豈詐造哉又言  
佛無君臣之義父子之親此固非子之所及也事  
固有在方之內者有在方之外者方之內者衆人

所共守之方之外者非天下之至神莫之能及也  
故聖人之為言也有與衆人共守而言之者有盡  
天下之至神而言之者彼各有所當也孔子之言  
道也極之則無思無為寂然不動感而遂通此非  
衆人所共守之言也衆人而不思不為則天下之  
理幾乎息矣佛與人臣言必依於思與人子言必  
依於孝此衆人所共守之言也及其言之至則有  
至於無心非惟無心也則有至於無我非惟無我  
也則又至於無生矣則陰陽之序不能亂而天地  
之數不能役也則其於君臣父子固有在矣此豈  
可為單見淺聞者道哉今吾告汝以佛之理蓋無  
方者也無體者也妙之又妙者也其此則天也有  
人於此終日譽天而天不加際終日詬天而天不  
加損然則譽之詬之者皆過也夫自漢至於今歷  
年如此其久也天下事物變革如此其多也君臣  
士民如此其衆也天地神明如此其不可誣也而

佛之說乃行於中無敢議而去之者此必有以蔽  
天地而不恥關百聖而不慚妙理存乎其間然後  
至此也子盡深思之乎今吾告汝以學者必考乎  
道之遠者馬道之遠則吾之志不能測者矣則必  
親夫人之賢於我者彼之賢於我者以此為是矣  
而我反見其非則是我心有所未盡知者也是故  
深思彼之所是而力求之則庶幾乎有所發也今  
子屑屑於形器之內奔走乎聲色利欲之間少不  
如志則憤鬱悲躁若將不容其生何以異於蚊虻  
爭穢壤於積藁之間哉於是愈瞠目而不收氣喪  
而不揚茫然有若自失逡巡謂大顛曰言盡於此  
乎顛曰吾之所以告之者蓋就子之所能而為之  
言非至乎至者也曰愈也不肖欲幸聞其至者可  
乎顛曰誠爾心盡爾性窮物之理極天之命然後  
可聞也爾去吾不復  
言矣愈趨而出

韓子傳

八月帝與宰臣語及愈有可憐者授袁州刺史復造顓廬施衣二襲而請別曰愈也將去師矣幸聞一言卒以相愈顓曰吾聞易信人者必其守易改易譽人者必其謗易發子聞吾言而易信之矣庸知復聞他說不復以我為非哉遂不告愈知其不可有聞乃去至袁州孟簡尚書知愈與大顓遊以書抵愈嘉其信嚮愈荅簡書稱大顓頗聰明識道理實能外形骸以理自勝不為事物侵亂雖不盡辭其語要且自胷中無滯碍因與之往還也文粹子潮州靈山大顓禪師諱寶通潮州楊氏子嗣南嶽石頭希遷禪師遷嗣吉州青原行思思嗣六祖大鑑禪師是年柳子厚卒

庚子元和十五年正月庚子帝崩閏月皇太子即位于太極殿

穆宗

諱恒憲宗第三子元和七年立為皇太子在位四年壽三十歲

長慶

四

辛丑長慶元年

三月盧龍節度使劉摠舉幽燕二十餘郡歸朝乞為僧詔賜僧衣號

大覺大師署所居

第為報恩寺

唐史

壬寅長慶二年三月帝遣左街僧錄靈卓齋詔起汾州無業禪師赴闕卓至宣詔畢稽首曰主上此度恩旨不同願師起赴師笑曰貧道何德累煩人主汝可先行吾即往矣遂沐浴數座告門人慧愔等曰汝等見聞覺知之性與太虛同壽一切境界本自空寂迷者不了即被境惑一為境惑流轉不窮常了一切空無一法當情是諸佛用心處言訖端坐至中夜而逝卓回奏其事帝欽嘆久之賜諡大達國師師蒙憲穆兩朝敬重凡三詔不赴師商州今陝西商州之域杜氏子嗣馬祖傳燈錄

十月帝幸善因寺施僧緡錢一百萬

唐書

十一月詔立景王湛為皇太子

癸卯長慶三年八月帝幸長慶宮遇持鉢僧施絹二百疋唐書史湖州東寺如會禪師入寂壽八十詔

州人嗣馬祖一禪師傳錄

甲辰長慶四年冬帝崩于寢殿敬宗即位于太極東序十二月徐泗觀察使王智興以帝生日請於

泗州置戒壇度僧尼以資福帝許之杭州永福寺刊石壁法華經元稹為記唐書舊經

敬宗港穆宗長子在實歷位二年壽十八

乙巳實歷元年

丙午實歷二年十二月帝崩

文宗昂穆宗第二子初封江王敬宗無子立江王在位十三年壽三十三

太和九  
開成五  
正月  
帝廟

丁未太和元年

隨州大洪山隸山南江北道慈忍靈濟大師名善  
信隆興洪州西張氏憲宗元和中隸洪州開元寺僧  
籍參馬祖一禪師密契心要敬宗寶歷二年抵隨  
州太湖山側居焉屬時亢旱鄉人張武陵具羊豕  
以祈湖龍師見而悲之曰害命濟命重增乃罪可  
且勿殺少須三日吾為爾祈師即入山北之巖穴  
宴坐冥禱雷雨大作數日後武陵迹而求之師方  
在定武陵即施其山興建精舍以二子給侍左右  
學侶依嚮遂成法席至是太和元年五月二十九  
日師密語龍神曰吾前以身代牲輟汝血食今捨  
身償汝可享吾肉即引刀截右膝復截左膝門人  
奔持其刀白液涌流儼然入寂山南東道奏上其

狀帝嘉之賜所居額幽濟禪院石晉天福中改為  
奇峯寺宋神宗元豐元年又改曰靈峯寺哲宗元

祐二年九月詔改為十方禪寺移洛陽少林  
寺長老報恩住持寺記師副馬祖一禪師傳燈錄

### 藥山

禪師惟嚴絳州韓氏年十七依潮陽西山慧  
照禪師出家納戒於衡嶽希操律師博通經

論嚴持戒律首造石頭頭指之見馬祖復還石頭  
領悟心要後住澧州藥山大衆雲合尚書李翱字

習之刺朗州常德慕師之道入山謁之山誦經不  
顧李曰見面路也不如聞名師呼之李應諾山曰何得

貴耳賤目李謝之乃問曰如何是道山以手指上  
下云會麼李曰不會山云雲在青天水在餅李忻

然答以偈曰鍊得身形似鶴形千株松下兩函經  
我來問道無餘說雲在青天水在餅又問如何是

戒定慧山云這裏無此閑家具李領辭辭去師嗣  
石頭遷禪師至是太和二年入寂壽八十四勅諡

欽定四庫全書

卷三

弘道大師塔  
曰化城錄

龍潭

澧州龍潭崇信禪師渚宮人今荆湖北家居  
荆南城天皇寺巷禮道悟禪師出家既受具

服勤左右領悟玄旨後詣澧陽龍潭樓止焉師嗣  
天皇道悟禪師悟嗣石頭遷遷嗣青原思禪師思

嗣六祖尊者信接弟子曰德山宣鑒

石壁經

太和三年蘇州重玄寺刊石壁經成白侍  
郎居易為碑畧曰天開示悟入諸佛知見

以了義度無邊以圓教垂無窮莫尊於法華經凡  
六萬九千五百五言證無生忍造不二門住不思  
議解脫莫極於維摩經凡二萬七千九十二言攝  
四生九類入無餘涅槃實無得度者莫先於金剛  
經凡五千二百八十七言壞罪集福淨一切惡道  
莫急於尊勝陀羅尼經凡三千二十言應念隨願

生極樂土莫大於彌陀經凡一千八百言用正見觀其相莫出於普賢行法經凡六千九百九十言詮自性認本覺莫深於實相法密經凡三千一百五言空法塵依佛智莫過於般若心經凡二百五十八言是八種經具十二部三乘之要旨萬佛之祕藏盡矣詳見樂般若心經凡有三譯二百五十

八言者唐太宗貞觀間玄奘三藏法師之所譯也譯之第三者也詳見大藏目錄

丹霞

鄧州丹霞天然禪師六月入寂壽八十三勅諡智通禪師初師本業儒將應舉長安遇禪

者於旅邸禪者問曰仁者何往曰選官去禪者曰選官何如選佛曰選佛當往何所禪者曰今江西馬大師出世是選佛之場霞乃直造江西見祖以手拓幞頭額馬祖視之曰南嶽石頭是汝師也遽抵石頭以手拓幞頭額石頭曰看槽廠去霞禮謝入行者房隨次執爨役凡三年忽一日石頭告衆

曰來日剝佛殿前草及期凡大衆諸童行各階鋤  
鏝剝草霞獨以盆水洗頭跪石頭前石頭笑而為  
之剃落從而為之說戒霞遂掩耳而趨去再謁馬  
祖入僧堂坐聖僧頸馬祖曰戒子天然即拜馬祖  
謝師賜與法號因名天然也今之僧堂曰  
選佛場本於此也師嗣石頭四五燈入作長慶

觀世音菩薩現像

帝喆蛤蜊沿海官吏先時遞進  
人亦勞止至是太和五年一日

御饌蛤蜊有擘不開者一闢于帝焚香祝之乃張  
菩薩形儀梵相具足帝貯以金粟檀香合賜興善  
寺令衆瞻禮因問群臣斯何祥也或奏太乙山惟  
政禪師深明佛法博聞知見乞詔問之即詔師至  
帝問其說政曰物無虛應此乃啓陛下信心耳契  
經云應以此身得度者即現此身而為說法帝曰  
菩薩身已現且未聞說法政禪師曰陛下觀此為  
常耶非常耶信耶非信耶帝曰希有之事朕深信

馬師曰陛下心信聞說法竟皇情悅豫得未曾有  
詔天下寺院各立觀音像以答殊休留師於內道  
場累辭歸山詔令住聖壽寺師平原人姓周氏受  
業本州延和寺之詮澄法師得法於嵩山普寂禪  
師隱居太乙山學者盈室武宗初入居終南山終  
後闍維收舍利四十九粒建塔馬嵩山寂嗣北宗  
秀禪師燈傳

癸丑太和七年十月帝誕節召法師  
知玄與道士入麟德殿論道佛道論衡舊史

南泉

池州南泉禪師名普願鄭州新鄭王氏子幼  
慕玄宗肅宗至德二年依大隗山大慧禪師

受業詣嵩嶽受具足戒初習相部舊章究毗尼篇  
衆遊諸講肆歷聽楞伽華嚴入中百門觀精練玄  
義後入馬祖之室頓忘筌蹄悟明心地德宗貞元  
十一年總錫池陽不下南泉三十餘載至是太和

欽定四庫全書

卷三

初宣城廉使陸亘大夫請師下山仲弟子禮請振  
玄綱以說法要太和八年十二月示疾告門入曰  
星翳燈幻亦久矣勿謂吾有去  
來也言訖而逝師嗣馬祖傳燈錄

道吾

潭州道吾山禪師名宗智龍興海昏張氏子  
幼依槃和尚受教登戒參扣藥山密契心印

到鎮江鶴林指夾山見船子誠禪師於華亭至此  
太和九年九月七日入寂闍維得靈骨數片舍利  
建塔道吾山壽六十一勅謚修一大師塔曰實相  
後雷遷其塔于石霜山之陽師嗣藥山嚴嚴嗣石  
錄得頭燈

船子

華亭朱涇船子和尚名德誠遂寧府人得法  
於藥山至華亭泛小舟隨緣度日人莫知其

高行因號曰船子和尚富有詞句後因道吾指夾  
山會禪師來參山既解悟別去已頻頻回顧師遂

喚閣黎山回首師豎起橈曰汝將謂別有那乃覆舟入水而逝師嗣樂山

### 丙辰開成元年

衛州子湖巖禪師名利蹤澶州人姓周氏出家幽州開元寺依年受

具入南泉室抵衛州馬蹄山至是開成二年邑人翁遷貴施山下子湖創院以居師師於門下立牌

曰子湖有一隻狗上取人頭中取人心下取人脚擬議則喪身失命臨濟會下二僧參纔揭簾師喝

曰看狗僧回顧師便歸方丈僖宗廣明元年入寂塔于本山師嗣南泉願

傳燈

戊午開成三年三月清涼國師澄觀入寂壽一百二歲臘八十三加大統國師帝謂以祖聖宗仰特  
輟朝三日重臣縞素奉全身塔終南山未幾有梵  
僧至闕表稱於葱嶺見二使者凌虛而過問之答  
曰北印度文殊堂神也東取華嚴菩薩大牙歸國  
供養有旨啓塔果失二牙遂闍維舌根不壞如紅

蓮色舍利光明瑩潤塔之賜塔曰妙覺相國裴休奉勅撰碑勅寫師真奉安大興唐寺唐舊宋太宗時贊寧僧統撰大宋高僧傳稱國師憲宗元和間入寂春秋七十餘二說不同今並存之唐舊史曰德宗貞元十五年四月帝誕節勅有司備儀輦迎教授和尚澄觀入內殿闡揚華嚴宗旨觀陞高座曰大哉真界萬法資始包空有而絕相入言相而無迹妙有不有真空不空我佛得之說踐真覺廓淨塵習寂寥於萬化之域動用於一空之中融身刹以相舍流聲光而遐燭我皇得之靈鑒虛極保合太和聖文掩於百王淳風扇於萬國數玄化以覺夢垂天真以性情是知華嚴教旨恢廓冲遠不可得而思議矣失其旨也徒修因於曠劫得其門也等諸佛於一朝帝顧謂羣臣曰朕之師言雅而簡辭典而富能以聖法清涼朕心仍以清涼賜為國師之號朕思從來執身心我人及諸法定相斯

為顓倒羣臣再拜稽首頂奉明命由  
是中外台輔重臣咸以八戒師禮之

庚申開成五年春正月帝崩帝之弟武宗立九月  
召道士趙歸真等入禁中修金籙道場十月武宗

昇玄壇親受法籙左拾遺王哲  
諫云王業之初不宜崇信太過

武宗

災穆宗第五子初封顓王先是文宗太子永薨  
無子立敬宗子陳王成美為皇太子及文宗崩

中尉仇士良等矯詔廢太子立顓王  
為皇太弟即位在位六年壽三十三

會昌  
六

辛酉會昌元年

六月以衡山道士劉玄靜為光祿  
大夫充崇玄館學士六祖下五世

圭峯宗密禪  
師入寂錄燈

雲巖

潭州雲巖禪師名曇晟鍾陵建昌王氏少出  
家於石門參百大海禪師二十年因緣不契

後造藥山山曰百大說甚麼法師曰一日上堂大  
衆立定以拄杖一時趣散復召大衆衆迴首大曰  
是甚麼山曰今日因子得見海兄師於言下頓悟  
便禮拜至是會昌元年十月二十六日喚主事令  
備齋來日有上座發去至二十七夜入寂茶毘得  
舍利一千餘粒瘞于石室勅諡無住大師塔曰淨

勝師嗣藥山巖禪師接弟子洞  
山价曹洞宗本於師也

### 九座山

癸亥會昌三年正覺大師薛智廣興化軍  
仙遊人憲宗元和二年示生初參鹽官安

國師及鄂州無等禪師有省遂南歸止泉州常持  
鐵鉢以一白犬自隨至是武宗將廢教乃遁巖谷  
宣宗復教復出南山懿宗咸通六年抵此九山之  
所逢巨蟒欲來吞師師錫先飛撐拄蟒口師入蟒  
口跌坐逮師出定蟒化為石矣既而雷雨湧沙成  
院基址由是山之神移山八維院居其中成九座

馬師僖宗乾符三年示寂  
昭宗乾寧二年勅諡正覺大師

甲子會昌四年三月詔以道士趙歸真為左右街  
道門教授先生帝銳意求仙歸真乘寵每排釋氏  
帝然之復請與釋氏辯論有旨遣僧道於麟德殿  
談論法師知玄登論座辯捷精壯道流不能屈玄  
因奏曰王者本禮樂一憲度吐納服食蓋山林匹  
夫獨擅之事願陛下不足留神帝色不平侍臣諷  
玄賦詩以自釋玄立進五篇有鶴背傾危龍  
背滑君王且住住一千年之句帝知其刺舊唐書

乙丑五年趙歸真薦舉鄧元超偕劉玄靖等愈排  
釋氏五月勅併省天下佛寺選汰僧人福州龜洋  
智真禪師慧忠作十偈今出其三篇明月分形處  
處新白衣寧陸解空人誰言在俗妨脩道金粟摩  
垢曾為長者身忍僂林下坐禪時曾被歌王割截  
收况我聖朝無此事只令休道亦何悲形容雖變

道常存混俗心源亦不昏試讀善財巡禮偈當年  
豈例是沙門忠揚州柳氏子嗣草堂義義嗣撫州

曹山耽章禪師本

寂寂嗣洞山价傳燈

丙寅會昌六年帝餽方士金丹疽發背旬日不能  
言三月崩宣宗即位夏四月辛未朔宣宗始聽政

# 宣宗

忱憲宗第十三子封光王為人嚴重寡言宮中  
咸以為不慧武宗不豫中尉馬元贍立之為皇

太叔即帝位在位十三年壽五十歲復佛之教以  
石常侍李景讓為浙西觀察使初景讓母鄭氏性  
嚴明早寡家貧居洛陽諸子皆幼母自教之一日  
宅後古牆因雨潰陷得錢盈船奴婢喜走告母母  
往焚香祝之曰吾聞無勞而獲身之災也天必以  
先君餘慶矜其貧而賜之則願諸孤他日學問有  
成乃其志也此錢不取取遽命掩而葬之三子景  
讓景溫景莊皆舉進士及第景讓官達數已斑白

小有過不免母之  
捶楚也  
唐書李景讓得

大中  
十三

丁卯大中元年

閏二月詔曰會昌季年併省寺宇雖云異方之教有資為理之源中

國之人久行其道釐革過當事體乖謬其靈山聖境應會昌五年所廢寺宇諸宿舊僧可仍舊修復

住持有司毋得禁止  
唐書

畫彌陀佛

是年太子少傅白居易薨年七十五贈尚書左僕射白與弟行簡歛中友愛所

居洛陽履道里疏沼種樹架石樓香山鑿八節灘號醉吟先生又自稱香山居士與胡果等九人宴集皆高年不仕人慕之繪為九老圖既卒以其所居第施為佛寺少傅嘗畫阿彌陀佛像禮事之自

為之記畧曰我本師釋迦如來說言西方有世界  
號極樂以無八苦四惡道故也其國號淨土以無  
三毒五濁業故也其佛號阿彌陀以壽無量願無  
量功德相好光明無量故也諦觀此娑婆世界衆  
生無賢愚無貴賤無幼父有起心歸佛者舉手合  
掌必向西方有怖厄苦惱開口發聲必先念阿彌  
陀又觀金合土刻石繡紋乃至印水聚沙童子戲  
者莫不率以阿彌陀佛為上首不知其然而然由  
是而觀是彼如來有大誓願於此衆生衆生有大  
因緣於彼國土明矣不然南北東方過現未來佛  
多矣何獨如是哉唐中大夫太子少傅白居易當  
衰暮之歲中風痺之疾乃捨俸錢三十萬命工畫  
西方世界一部阿彌陀佛坐中央觀音勢至二大  
士侍左右人天瞻仰功德成就弟子居易稽首跪  
於佛前願此功德迴施衆生衆生有如我老者如  
我病者願離苦得樂斷惡脩善不越南部便觀西

方青蓮上品隨願往生現在未來常得親近欲重  
宣此義而說讚曰極樂世界清淨土無諸惡道及

衆苦願如我身老病者  
同生無量壽佛所

樂天集

戊辰二年觀察使裴休守宣城常與名緇講道門  
人謂公曰取問三界之言未立人不知脩行不見  
因果介景福者不為之少洎斯教也行乎中國愚  
人畏罪損其惡賢人望福增其善增之不已則至  
今當盡善矣損之不已至今當無惡矣何昏迷暴  
虐無減於秦漢之前福慧聰明不增於魏晉之後  
歸之者殊途輻湊立之者萬法雲興宜使吾人盡  
昇覺路不宜蚩蚩庶類由古至今若斯之迷也由  
之之固庸非溺乎公笑謂之曰大明筆啓法不齊  
備聖人繼出代天為工結繩畫卦文質滋改一聖  
立一法生天道人事顯若符契夫燧人氏之未有  
火也則天無火星人無火食龜無火兆物無火灾

必矣少昊氏之未理金也則天無金星人無金用  
龜無金兆物無金灾必矣及聖人攻木出火鍛石  
取金於是乎精芒主宰騰變上下則知世法時事  
隨聖人也考精神之源窮性命之表作大方便護  
於羣生羣生受之而不知蓋猶天道運行物以生  
茂皆謂自己孰知其然也於是問者廓然自得佛  
味及詔許立寺而宣城士民相數以萬請先立之  
於宣郭遂復新興寺焉休乃禮迎黃檗希運禪師  
至郡寓開元寺  
朝夕受法錄傳元燈

已巳三年湖南觀察使裴休謁潭州華林覺禪師  
問有侍者否師曰有一兩箇使云在甚麼處覺乃  
喚大空小空二虎自菴後而至使驚  
懼焉覺潭州人嗣馬祖一禪師錄傳燈

黃檗

洪州也江西撫州之興路黃檗山禪師名希運閩人  
也幼於福州黃檗山出家受具遊京師往江

西參百大海禪師契悟心要相國裴休鎮元陵建  
大禪苑請師說法還以黃檗名其寺休既契心集  
師所說法語類之成映題曰黃檗心要入大歲流  
行至是大中四年八月師入滅救益斷際禪師塔

曰廣慈師嗣百大海海  
嗣馬祖道一禪師

傳燈錄

辛未大中五年正月詔京兆大薦福寺弘辯禪師  
入內帝問禪宗何有南北之名師奏曰禪門本無  
南北自諸祖至弘忍大師有二弟等一慧能受衣  
法居嶺南一神秀在北揚化得法雖一而開導發  
悟有頓漸之異故曰南頓北漸非禪宗有南北之  
號也帝曰何名戒定慧對曰防非止惡名戒六根  
涉境心不隨緣名定心境俱空照覽無惑名慧帝  
曰何名方便對曰隱實覆相權巧之門也被接中  
下曲施誘進謂之方便設為上根言捨方便但說  
無上道者斯亦方便之談以至祖師玄言忘功絕

謂亦無出方便之跡帝曰何為佛心對曰佛者西天之語唐言覺謂人有智慧覺照為佛心心者佛之別名有百千異號體惟其一如陛下日應萬幾即是陛下佛心帝曰有人念佛如何對曰如來出世隨根器而說為上根者開最上乘頓悟至理中下根者未能頓曉是以佛開觀門令念佛生於極樂帝曰有持經咒求佛如何對曰如來種種說法皆為一乘如百千眾流莫不朝宗於海如是差別諸緣皆歸薩婆若海帝曰祖師既傳心印金剛經云無所得法如何對曰佛之一化實無一法與人但示各各自性同一法藏當時然燈如來但印釋迦本法而無所得方契然燈本意帝曰禪師既會祖意還禮佛看經否對曰沙門禮佛誦經蓋是住持常法有四種焉依佛戒脩身參尋知識漸脩梵行履踐如來所行之迹帝曰何為頓見何為漸脩對曰頓明自性與佛無二然有無始染習故假漸

脩對治令順性起用如人喫飯非一口便飽是日  
辯對漏下七刻帝悅賜號圓智禪師繼有詔旨增

脩天下祖塔應未經賜諡者所在以聞太常考行  
頒賜書唐弘辯京兆人也嗣章敬寺懷暉禪師

暉泉州人姓謝氏憲宗元和十三年入寂諡大覺禪師嗣馬祖傳十三

壬申大中六年詔復江州廬山東林寺刺史  
崔黯為碑詔加諡遠法師辯覺二字廬山

### 為仰宗

潭州瀟山禪師名靈祐福州長谿人姓趙氏年十五出家依本郡建善寺法常律師

剃髮受具於杭州龍興寺究大小乘教二十三遊  
江西參百丈海禪師悟明心法有司馬頭陀者自

湖南來言於百丈曰滿山一千五百人善知識所  
居之地也師於百丈會中應命而往營構梵宇值

武宗毀教裹頭隱於民大初中觀察使裴休請師  
復至所居連帥李景讓奏額曰同慶寺禪會特盛

緇侶輻輳師敷揚宗教凡四十餘年達其道者不可勝數入室弟子四十一人至是大中七年正月九日盥漱趺坐怡然而逝壽八十三臘六十四塔于本山教謚大圓禪師塔曰清淨相國鄭愚為碑

師嗣百大海禪師海

錄傳師燈

師馬祖一禪師

仰山屬江西袁州路之揚州禪師名慧寂韶州懷化人姓葉氏年九歲於廣州和安寺投通禪師出家十四披剃未登具即遊方初謁耽源耽忠國師侍者應真也已悟玄旨耽源曰國師當時傳得圓相九十七箇乃六代祖師所留也授與老僧記之曰吾滅後三十年南方有一沙彌到來大興此教次第傳授無令斷絕今適子來當以付之無令斷絕師既領玄旨後參滿山遂陞堂與師卧次夢入天宮彌勒內院居第二座有一尊者白槌云今當第二座說法師起白槌曰摩訶衍法離四句絕百非

諦聽諦聽衆皆散去一日忽有梵僧從空而至師問曰近離甚處曰西天曰幾時離彼梵曰今早師曰大遲生曰遊山玩水師曰神通遊戲則不無聞黎梵曰特來東土禮文殊却遇小釋迦遂出梵書見多葉數十與師作禮乘空而去自此號師小釋迦馬梁貞明二年丙子歲師再遷東平說偈曰年滿七十七無常在今日日輪正當午兩手抱屈膝言訖以兩手抱膝而終閏明年嗣法弟子南塔光涌禪師遷靈骨歸仲山塔于集雲峯下教謚智通禪師妙光之塔師嗣滿山祐禪師法道盛化人皆宗之曰滿仰宗寂初住王莽山僖宗乾符六年山神語曰東南有大仰山福地也師乃遷焉甲戌大中年終南山初有一僧結庵習定一日有猴竊其伽梨衣披而宴坐隨有羣猴皆習定坐有脫去者今有五獼猴塔至是宣宗御製讚曰嗟汝獼猴能入定心猿不動幾千春罷攀紅樹三冬

卷三  
某休美碧潭孤月輪雙眼已隨青嶂合兩眉猶對  
百北顰自從坐脫終南山名水與後悟了浮生多

少人  
錄林間

### 受戒給牒

丙子大中十年勅法師辯章為三  
教首座初令僧尼受戒給牒

唐書

戊寅十二年冬十月司空門下侍郎同平章事令  
狐綯擬李遠杭州刺史帝曰吾聞遠詩長日惟  
消一局碁安能理人綯曰詩人託此為高  
興耳未必實然帝曰且令往試觀之唐書

### 三世同居

萬敬孺廬州人三世同居喪親廬墓刺  
指血書佛經郡守改其所居里曰成孝

鄉廣孝聚至是大中十二年  
有司申聞帝勅旌表其家唐書

### 藤蘿尊者

溫州瑞安本寂禪院僧無繹因武宗會  
昌沙汰隱于東北谷結庵禪定閱十年

藤蘿纏繞儼然不動人號之藤蘿  
尊者後人立祠至今奉祀之

出永寧編

巳卯

大中十三年八月帝崩宣宗性明察沈斷用法無私從諫如流重惜官賞恭謹節儉惠愛

民物故大中之政訖於唐亡  
人思詠之謂之小太宗

唐亡本紀

懿宗

諱淮宣宗長子始封郾王  
在位十四年壽三十一歲

咸通十四

庚辰咸通元年

普化

鎮州普化和尚不知何許人也事盤山密受真訣惟振一鐸伴狂街市或居塚間至是咸

通元

年振鐸凌空隱隱而逝莫測其

由師

嗣盤山積禪師積嗣馬祖

傳燈錄

壬午咸通三年二月杭州大慈山叢中禪師入滅  
壽八十三勅謚性空禪師師蒲阪人姓盧氏嗣百

大海禪師夏四月勅兩街四寺各  
置戒壇剃度僧流三七日

唐書史

水懺

匡宗大德諱知玄姓陳氏咸通四年制署號  
悟達國師總教門事十二年五月帝幸安國

寺賜師沈香裝飾寶座高二丈餘珍麗絕甚僖宗  
中和二年駕幸蜀避黃巢至成都遣御史郭遵齋  
璽書召師赴行在次年師自成都行宮辭還九隴  
山一珠隆起于左股楚甚是曰人面瘡遇異僧引  
水洗瘡知為鬼錯表益究對也今之水懺三卷者  
緣起於師也師亦自知時謝石脇安然而逝師三

學洞貫名蓋一時  
世稱陳菩薩

唐書史

德山

朗州德山禪師名宣鑒簡州人姓周氏少歲  
出家依年受具精究律藏於性空寺通貫諸

經旨趣常講金剛般若時謂之周金剛不信南方  
宗禪之道乃曰出家兒十劫學佛威儀萬劫學佛

細行不得成佛南方魔子敢言直指人心見性成佛我當摟其窟穴滅其種類以報佛恩遂擔青龍疏鈔出蜀至濃陽路上買油糴點心婆子指其擔曰這箇是甚麼師曰青龍疏鈔婆曰講何經師曰金剛經婆曰我有一問若道得我當供上座油糴若道不得不得與油糴婆乃問曰經中道過去心不可得未來心不可得現在心不可得未審上座點那箇心師無語乃不得油糴而去遂之濃州龍潭寺至法堂曰久嚮龍潭及乎到來潭又不見龍又不現潭隱身曰子親到龍潭師無語求棲止焉一夕侍立潭曰更深何不下去師便出却回曰外面黑潭點紙燭度與師擬接潭即吹滅之師當下大悟便禮拜潭曰子見箇甚麼師曰從今向去更不疑天下老和尚舌頭也來日將所攜疏鈔於法堂前焚之舉火曰窮諸玄辯若一毫置於太虛竭世樞機似一滴投諸巨壑辭去抵為山復還住濃陽

三十年屬武宗廢教隱於獨浮山之石室宣宗大  
中初武陵刺史薛廷望再葺德山精舍號古德禪  
院請師住持不肯下山廷望設詭計以茶鹽誣師  
致之入州禮敬堅請然後居之以闡玄化至是咸  
通六年十二月三日謂衆曰捫空追響勞汝心神  
夢覺覺非竟有何事言訖安坐而化勅謚見性禪  
師嗣龍潭崇武陵唐為朗州  
信禪師錄得燈今常德路荆域

### 臨濟宗

鎮州真定路也臨濟禪師名義玄生曹州  
南華邢氏自幼荆落初到黃檗時睦州陳

尊宿為首座問師在此幾時師曰在此三年州指  
其問佛法的大意檗便打三度問三度打師乃  
辭睦州曰自恨障緣不領深旨今且辭去州曰須  
辭和尚睦州語檗曰問話上座若來辭方便接伊  
已後為一株陰涼大樹覆蔭天下人去在師辭檗  
檗曰往高安參大愚去師至高安愚曰甚處來師

曰黃檗愚曰黃檗有何言句師曰某甲三度問佛法的大意三度被打不知有過無過愚曰黃檗與麼老婆心切師於言下大悟乃曰元來黃檗佛法無多子愚搗住曰這尿床鬼子適來道有過無過如今却道佛法無多子你見箇甚麼道理連道連道師於大愚肋下築三拳惡拓開曰汝師黃檗非干我事却回黃檗檗曰來來去去有甚了期師曰祇為老婆心切便人事了侍立檗曰大愚有何言句師舉前話檗曰大愚老漢饒舌待來痛與一頓師曰說甚待來即便打遂掌黃檗檗曰這風顛漢米這裏將虎鬚師便喝檗云侍者引之參堂去師後住鎮州臨濟學侶雲集乃曰大凡演暢宗乘一句中須具三玄門一玄門須具三要三要有權有實有照有用汝等諸人作麼生會後居大名府興化寺東堂至是咸通八年四月十日說偈曰沿流不止問如何真照無邊說似他離相離名人不染

吹毛用了急須磨。端坐而逝。塔全身于府西北隅。勅謚慧照禪師。塔曰澄靈嗣黃。壁運運嗣百丈海。

緇林尊仰曰  
臨濟宗傳燈錄

戊子咸通九年。詔康承訓討龐勛等於徐州。承訓奏乞沙陀三部落使朱耶赤心帥其衆以自隨。敗

勛於徐州。勛死。帝嘉朱耶赤心之功。置大同軍於雲州。以赤心為節度使。賜姓李名國昌。國昌子克

用。克用子存勗。後唐莊宗也。初太宗貞觀間。破西突厥。置十三州都督府。未嘗有沙陀府也。有處

身處密諸部。又其小者也。朱耶者。處身別部之號也。至憲宗時。始有朱耶蓋忠及子執宜見於中國。

自號沙陀。以朱耶為姓。蓋沙陀大磧也。自處身以來。世居此磧。號沙陀突厥。至蓋忠孫賜姓李氏。李

氏復大而夷狄遂以沙陀為貴種。克用滅一黃

曹洞宗

江西瑞州洞山禪師名良价生越州會稽俞氏幼歲出家從師念般若心經至無眼

耳鼻舌身意處忽以手捫面問其師曰某甲有眼耳鼻舌等何故言無其師駭異曰吾非汝師指其往五洩山禮默禪師披剃年二十一詣嵩山具戒遊方首謁南泉次參潏山潏山指之曰此去豐陵攸縣石室相連有雲巖道人若能撥草瞻風必為子之所重由是徑造雲巖便問無情說法甚麼人得聞巖曰無情得聞師曰和尚聞否巖曰我若聞汝即不聞吾說法也師曰某甲為甚麼不聞巖豎起拂子曰還聞麼師曰不聞巖曰我說汝尚不聞豈況無情說法乎師曰無情說法該何典教巖曰豈不見彌陀經云水鳥樹林悉皆念佛法師於此有省乃述偈曰也大奇也大奇無情說法不思議若將耳聽終難會眼處聞時方得知辭去宣宗大中末年於新豐山接誨學侶咸化豫章高安

之洞山權開五位善接三根大闡一音廣弘萬品  
橫抽寶劍剪諸見之稠林妙叶弘通截萬端之穿  
鑿又得曹山深明的旨妙唱嘉猷道合君臣偏正  
回互由是洞上玄風播於天下故諸方宗匠咸共  
推尊之曰曹洞宗至是咸通十年三月入寂壽六  
十三臘四十二勅諡悟本禪師塔曰慧覺錄傳登

江西撫州路曹山禪師名本寂生泉州莆田黃氏  
少業儒年十九歲往福州靈石出家二十五登戒  
謁洞山山問闍黎名甚麼師曰本寂山曰那箇聾  
師曰不名本寂山深路之自此入室盤桓數載乃  
辭去山遂密授洞上宗旨直趨曹溪禮六祖塔回  
吉水衆嚮師名請開法師志慕六祖遂名山曰曹  
尋值賊亂乃之宜黃有信士王若一捨何王觀請  
師住持師更何王為荷玉由是法席大興學者雲  
萃洞山之室至師為盛昭宗天復元年六月十五  
日謂衆曰曹山明日辰時行脚去及時焚香宴坐

而化壽六十二臘三十七葬全身於山之西阿勒  
謚元證禪師塔曰福圓寂嗣洞山良价禪師价嗣

雲巖晟晟嗣藥山儼儼嗣石頭遷遷

嗣青原思思嗣六祖大鑒禪師傳燈

庚寅咸通十一年十一月帝誕節召兩街大德僧  
人入內講道帝悅賜曇顯等十人紫衣賜永興軍

終南山道宣律師  
號澄照律師傳本

相國裴公

至是咸通庚寅薨壽七十四歲執弟子  
禮事黃檗運禪師悟明心要公諱休字

公美河東孟州聞喜人兄時與兄弟偕隱畫講經  
夜著書有饋鹿者休不食曰蔬食猶不足今一啗

肉後何以繼擢進士第累遷職任剌洪州日入龍  
興寺觀畫壁曰容儀可觀高僧何在衆無對者公

曰此間有禪僧否屬運禪師於嶺南黃檗山捨衆  
來大安精舍混跡灑掃人莫之識或曰有一禪者

公延之至理前語問之運朗聲曰裴休公曰誥運  
曰在甚麼處公豁然契會遂迎之入府朝夕問道  
公移鎮宛陵也宣州請運  
與俱公於宣宗時執政

### 雲居

禪師名道膺幽州玉田人姓王氏童年出家  
於涿州延壽寺二十五歲成大僧其師令習

聲聞篇聚非其好棄之遊方至翠微聞洞山法席  
遂造焉契悟宗旨結庵三峯經旬不赴堂价禪師  
覘之每有天神送食洞山謂之曰我將謂汝是箇  
人猶作這箇見解高聲呼曰膺庵主師應諾山曰  
不思善不思惡是甚麼師有省回庵宴坐天神尋  
之不見三日乃絕山勉師隨方接人遂乃焚其庵  
去海昏登歐阜廬山西北峯冠世之絕境也就樹  
縛屋而居號雲居衲子亦追求而集散處山間樹  
下久成苦架至是咸通十三年遂成法席學侶至  
一千五百衆唱洞山之道居三十年道徧天下南

昌王鍾傅師尊之師於昭宗天復元年十二月二十八日為衆開最後方便敕出世始末次年正月三日端坐而逝勅諡弘覺禪師塔曰圓寂錄傳登

帝於宮中日齋萬僧御製贊唄唐書舊史

癸巳咸通十四年三月詔迎鳳翔法門寺佛骨以四月八日至京帝御安福門樓迎拜引入內道場三月供養送京城諸寺七月帝崩太子即位明年四月詔送佛骨歸于鳳翔都人者齎辭餞皆鳴咽流涕唐書舊史

僖宗

保懿宗第五子初封晉王懿宗不豫立為皇太子在位十五年壽二十七

乾符六年廣明一中和四  
光啓三大德一

# 甲午乾符元年

六

時東昌路濮州人王仙芝始聚衆數千人起於長垣二年黃巢亦聚衆千餘人應王仙芝巢少時與仙芝皆以販私鹽為事巢善騎射喜任俠粗涉書傳屢舉進士不第遂為盜與仙芝攻剽州縣橫行山東民之困於重斂也爭歸之數月之間衆至數萬乾符五年招討使曾元裕大破王仙芝於黃梅追斬仙芝黃巢方攻亳州仙芝餘黨尚讓者帥其餘衆歸巢推巢為主號衡天大將軍稱王霸元年署官屬陷福建乾符六年冬巢來襄陽十一月山東道節度使與江西招討使曹全晟時正為合兵屯荆門以拒之戰賊北至江陵俘斬其什七八巢與尚讓收餘衆渡江東走巢勢復振轉掠饒信池宣歙杭等十五州衆至二十萬廣明元年十一月巢陷東都洛陽也十二月壬午巢兵攻潼關關上

兵皆潰中官田令孜奉帝自金光門出惟福穆澤  
壽四王及妃嬪數人從行百官皆莫之知巢入長  
安帝幸興元乃入蜀庚寅巢殺唐宗室在長安者  
壬辰巢即皇帝位國號大齊稱金統元年中和二  
年巢所署同州防禦使朱溫屢請巢益兵以捍河  
中不報溫見巢兵勢日蹙知其將亡觀將胡真謝  
墮勸溫歸國九月溫拔其監軍嚴實舉州降諸道  
行營都統王鐸承制以溫為同華節度使未幾賜  
名全忠河中留後王重榮行營都監楊復光東面  
宣慰使王徽諸道行營都統王鐸議討賊復光曰  
雁門李僕射也克驍勇有強兵召之來賊不足平  
也時王鐸在河中乃以墨敕召李克用十一月克  
用將沙陀威通見懿宗萬七千人趣河中中和三年  
三月克用進軍渭橋與巢軍戰于渭南賊兵大敗  
奔走四月克用自光泰門入京師巢力戰不勝焚  
官室遁去克用時年二十八歲破巢復長安功第

一詔以克用為河東節度使中和四年春二月巢走圍陳州李克用會許汴徐克之軍以救之五月巢引兵東北趨汴州克用追及巢於中牟奮擊大破之巢將尚讓帥其眾降克用克用追至宛句之邑糧盡乃還汴州營于城外朱全忠固請入城館于上源驛全忠置酒克用乘酒語頗侵之全忠不平發兵圍驛而攻之克用縋城得出六月武寧將李師悅等追巢至瑕邱敗之巢眾殆盡走至狼虎谷巢甥林言斬巢兄弟妻子首以降巢始起於乾符二年至中和四年七月滅唐

睦州

建德浙西道睦州

陳尊宿名道明江南陳氏之後也幼出家本州開元寺持戒精嚴學道三歲遊

方契旨於黃檗延克首座眾請住觀音院常有百餘眾經數十載諸方歸慕咸以尊宿稱後歸開元房居織蒲鞋以養母故有陳蒲鞋號天使至問師三門俱開從那門入師喚尚書使應諾師曰從信

門入師看經次陳操尚書問和尚看甚麼經師曰  
金剛經尚書曰六朝翻譯此當第幾師舉起經曰  
一切有為法如夢幻泡影至是乾符四年召門人  
曰此處緣息吾當逝矣乃跏趺而寂郡人以香薪  
焚之舍利如雨收靈骨塑像于寺壽九十八臘  
七十六嗣黃檗運禪師運嗣百丈海禪師傳錄

己亥

乾符六年

庚子

廣明元年

辛丑

中和元年

澧州洛浦山禪師名元安鳳翔麟遊人卅歲出家  
具戒持律通經論是年參臨濟玄禪師充侍者後往  
住夾山卓庵昭宗光化元年八月誡門人曰出家  
之法長物不留況其他哉切須在念時光迅速大  
道深玄苟或因循曷由體悟至十二  
月一日安坐而寂嗣夾山會禪師傳錄

夾山

澧州夾山禪師名善會廣州廖氏子幼歲出  
家依年受戒聽習經論該練三學出住潤州

路浙西道鎮江鶴林因道吾指之見船子誠禪師於

華亭契悟心要恭稟遺命遁世忌機懿宗咸通年

間棲遲豐州學侶雲集相從卜居于夾山遂成院

宇至是中元年十一月七日入寂葬本山謚傳

明大師嗣船

壬寅

中和二年鍾傳據江西書

癸卯

中和三年李克

子誠禪師

用復京師

拓跋思恭以兵赴國難黃巢之亂也朝廷

命思恭權夏綏節度使賜姓李見宋元宗

甲辰

中和四年黃巢既滅秋七月李克用至晉陽

凡八上表請誅討之帝謂方事之殷姑存大體詔

獎諭克用且解之于時浙東飢疫明州普賢懺院

幼璋禪師收瘞台溫明三郡餓殍遺

骸數千時人呼師曰增悲菩薩

傳高僧

乙巳

光啓元年二月帝還至京師改元中官田令

孜罪惡重榮啓李克用引兵赴之十二月克用進

二年春正月田令孜請帝幸興元帝不從是夜令

孜引兵入宮

劫帝

幸寶雞

宰

相

朝臣皆不知及發

寶雞留楊晟

切時

正守散關

之興

元

口

乘輿纔入散關

邠寧節度使

朱

孜已圍寶雞

之興

元

口

乘輿纔入散關

也有疾從上

不及

留遵塗驛

為

政

所得與之俱還

鳳翔三月車

駕至

興元朱

孜逼

百

官奉襄王煚權

監軍國事長

安

百官太子

太師

裴

璩等勸進於襄

王煚煚即皇

帝位

改元建貞

遙尊

帝為

太上元皇

帝觀軍容使

楊

復恭傳檄

關中

稱得

朱孜首者以

靜難節度使

賞之

孜將王

行瑜

擒

孜斬之襄王奔

河中王重榮

詐為

迎奉

執

煚殺

之

詔以行瑜為

靜

難軍節度使

唐

書

此

欽定四庫全書

卷三

靈雲

禪師名志勤福州長谿人嗣長慶安嗣百大海勤在瀉山時見桃花悟道後返福州居

靈雲傳錄

錢鏐

王吳越

昌有功授杭州刺史是年討董

巖頭

鄂州巖頭禪師名全巖泉州柯氏子少禮青原誼公落髮秉戒於長安寶壽寺習經論諸

部優游禪苑後參德山契旨住巖頭值武宗汰教乃於湖邊隱作渡子後庵于洞庭卧龍山徒侶臻  
繫至是光啓三年四月八日入寂門人為焚之獲舍利四十九粒起塔供養勅謚清嚴禪師嗣德山

鑒鑒

嗣龍

潭信

錄得燈

石霜

潭州石霜山禪師名慶諸江西吉州新淦陳氏依洪井西山紹鑒禪師落髮詣洛下習毘

尼教抵瀉山充米頭一日滿山拾一粒米謂師曰  
莫輕這一粒百十粒從這一粒生師曰百十粒從  
這一粒生未審這一粒從甚處生滿山呵呵大笑  
便歸方丈至晚上堂曰米裏有蟲諸人好看後參  
道吾智禪師密契心要後因避世混俗于長沙劉  
陽陶家坊人莫識者因僧舉洞山解制上堂秋初  
夏末兄弟東去西去直須向萬里無寸草處去師  
曰出門便是草洞山聞之乃云此是一千五百人  
善知識語師因此聲名馳露帝聞師道譽賜紫衣  
辭不受至是光啓三年入寂葬院之西北隅勅謚

普會大師嗣道吾宗智智嗣藥山  
儼儼嗣石頭遷遷嗣青原思

得燈

戊申

文德元年二月帝自鳳翔歸京三月不豫士  
寅大漸皇弟吉王保長而賢羣臣屬望十軍

觀軍容使楊復恭請立其弟壽王傑為皇太  
弟癸卯帝崩遺制太弟傑更名敏即皇帝位

欽定四庫全書

卷三

王建據  
有西川

昭宗

懿宗第七子初封壽王名傑更名敏龍紀元年改名暉在位十六年壽三十八

龍紀一 大順二 景福二  
乾寧四 光化三 天復四

巳酉龍紀元年

十一月帝改名暉帝將祀園丘中尉樞密皆襍及

傷宗之世已具欄笏至是又令有司制法服孔緯及諫官皆以為不可帝出御札諭之曰卿等所論至當事有從權勿以小瑕遂妨大禮於是官官始服劍佩侍祠

庚戌

大順元年

辛亥

大順二年楊行密據揚州

杭州千頃山禪師名楚南福州張氏子得旨於黃檗初抵姑蘇報恩寺精修禪定二十餘年足不踰

閩尋住錢塘支硎山慈雲雖應緣無倦常處禪定  
或踰月或浹旬僖宗光啓年間刺史錢鏐請師下  
山供養僖宗聞其道化就賜紫衣僖宗文德元年  
五月入寂壽七十六塔于院之西隅師著破邪論  
行于世嗣黃檗運禪師至是大順二年宣州孫儒  
寇錢塘發塔觀師全身爪髮俱長拜謝修塔而去  
錄傳燈

壬子

景福元年八月以楊行密為淮南節度使宣  
明歷寢差太子少詹事邊岡造新厯成十二

月帝命之曰

景福崇玄厯

癸丑二年以渝州刺史柳玘為瀘州刺史柳氏自  
公綽以果世以孝悌禮法為士大夫所宗玘為御  
史大夫上欲以為相宦官惡之故久謫於外玘嘗  
誠其子弟曰凡門第高可畏不可恃也立身行已

一事有失則得罪重於他人死無以見先人於地  
下此其所以可畏也門高則驕心易生族戚則為  
人所嫉懿行實才人未之信小有疵類衆皆指之  
此其所以不可恃也故青梁子弟學宜加勤行宜  
加勵僅得比他  
人耳疵類節

王潮據福州稱留後王鏐帥鎮定稱趙王  
劉仁恭是時為幽州盧龍節度使稱燕王

甲寅

乾寧元年沙門貫休婺州人入蜀以詩謁王曰  
一餅一鉢垂垂老萬水萬山特特來蜀王待

以殊禮加以官資禪月大師號亦其賜也至後唐  
莊宗同光三年入寂高僧齊已蜀人也幼捐俗依  
滿山祐禪師時慧寂禪師也山住豫章觀音院已  
總轄庶務有粥疏曰粥名良藥佛所贊揚義冠三  
檀功標十利更祈英哲各遂願心既備清晨永資  
白業其後居西山金陂示寂塔存焉龍盤乃其書

堂也

祀雲  
誤外

乙卯乾寧二年次年馬殷據湖南杭州錢鏐兼鎮  
東西兩浙李茂貞犯京師帝幸華州茂貞入長安

宮室市肆

燔燒俱盡

丙辰三年正月九峯玄禪師戒其徒曰無虛度光  
陰無虛消信施既已出家惟道是履名大丈夫云  
已寂然入定至三  
月二十日而入滅

丁巳乾寧四年閏帥王  
潮薨弟審知嗣據其地

趙州

禪師名從諗曹州鄆鄉人也姓郝氏童稚於  
本州庵通院從師披剃未納戒抵池陽參南

泉願禪師泉器之一日問泉曰如何是道泉曰平  
常心是道師曰還可趣向也無泉曰擬向即乖師

曰不擬乎知是道泉曰道不屬知不屬不知知是妄覺不知是無記若真達不疑之道猶如太虛廓

然蕩豁豈可強是非耶師於言下悟理乃住蒿嶽琉璃壇納戒仍返南泉久之衆請住趙州定真觀

音院一曰東院道化甚盛作十二時歌偈頌機緣語錄流行于世新到師問曰曾到此間麼僧曰未

曾到師曰喫茶去又問僧曰曾到此間麼僧曰曾到師曰喫茶去院主問曰為甚麼曾到也喫茶去

未曾到也喫茶去師召院主主應諾師曰喫茶去時真定帥王鎔稱趙王盧龍節度使劉仁恭稱燕

王二王爭相重敬至是乾寧四年十一月二日卧右脇而寂壽一百二十歲勅謚真際大師嗣南泉

願願嗣

馬祖傳燈錄

戊午

光化元年敕李茂貞八月車駕自華州還京師

己未

光化二年華藏禪師玄偉編次

總宗貞元以來禪  
宗機緣為聖胃集

杭州無著禪師名文喜嘉興朱氏年七歲依本邑  
常樂寺國清出家剃染習律聽教屬武宗太教反  
服韜晦宣宗初再度於鹽官齊峯寺往五臺禮文  
殊遇一老翁牽牛而行邀師入寺翁縱牛引師陞  
堂翁踞床指綉坡命坐翁曰近自何來師曰南方  
翁曰南方佛法如何住持師曰末法比丘少奉戒  
律翁曰多少衆師曰或三百或五百師却問此間  
佛法如何住持翁曰龍蛇混雜凡聖同居師曰多  
少衆翁曰前三三後三三翁呼童子均提致茶又  
進酥酪翁拈起玻璃盞問曰南方還有這箇否師  
曰無翁曰尋常將甚麼喫茶師無對辭別翁令童  
子相送師問童子前三三後三三是多少童名大  
德師應諾童曰是多少師曰此為何處童曰此金  
剛窟般若寺也師悽然悟彼翁者文殊也即稽首

童子願乞一言為別童說偈曰面上無嗔供養具口裏無嗔吐妙香心裏無嗔是珍寶無垢無染是

真常言訖均提與寺俱隱懿宗咸通三年師至洪州龍觀音參仰山寂禪師頓悟心法後回浙西住

龍泉寺杭州錢王奏賜紫衣署無著禪師至是光化三年十月三日告衆曰三界心盡即是涅槃言訖

跏趺而逝壽八十歲塔于鷲峯靈隱之西搗衣帝天祐二年叛兵發師塔肉身不壞髮爪俱長錢王

鏐聞之遣裨將邵志重加封瘞宋寧宗嘉定十三年遷葬淨慈山智覺壽禪師塔左師嗣仰山寂寂

嗣滿山祐禪師會五燈元

庚申

光化三年初崔胤與上密謀盡誅宦官流樞密使宋道弼景務脩等皆賜自盡宦官益懼

中尉劉季述王仲先樞密使王彥範薛齊偓等陰謀廢立帝獵苑中夜歸季述扶帝與后同輦墮御

侍者纔十餘人適少陽院鎖其門季述矯詔令太子裕監國尋使即皇帝位以帝為太上皇季述遣其養子希度詣朱全忠許以唐社稷輸之天平節度副使李振勸全忠誅季述全忠乃囚希度遣振如京師崔胤密遣人說神策指揮使孫德昭誅季述等時十二月也

辛酉

天復元年正月朔王仲先入朝孫德昭擒斬之崔胤迎帝御長樂門樓帥百官稱賀周承

誨擒劉季述王彥範繼至方詰責已為亂梃所斃薛齊偓赴井死出而斬之滅四人之族時朱全忠李茂貞各有挾天子令諸侯之意全忠欲帝幸洛陽茂貞欲帝幸鳳翔朱全忠至河中表請車駕幸東都十一月中尉驛全誨逼帝幸鳳翔遂火其宮城

壬戌天復二年十一月朱全忠進攻鳳翔

錢鏐進爵越王

癸亥天復三年春正月李茂貞請帝誅韓全誨等  
與朱全忠和遣使覲全誨等首以示全忠甲子車  
駕出鳳翔幸全忠  
營已入長安

甲子

天祐元年

春正月朱全忠請帝遷都洛陽壬戌  
車駕發長安甲子至華州朱全忠屢

章促發遂至洛陽改元天祐朱全忠遣李振至洛  
陽與蔣玄暉等八月弒帝立輝王為皇太子柩前  
即位時年十  
三歲哀帝也  
錢鏐加  
封吳王

哀帝

祝昭宗第九子在位四年禪于梁梁封帝為濟  
陰王遷于曹州戊辰年鴆殺濟陰王於曹州追

諡曰唐哀皇帝號景宗一云朱全忠弒昭宗立  
哀帝逾四年使劉霸鴆哀帝葬溫陵立少帝濮王  
綯一名繼昭宗子也年號天壽朱全忠又鴆之議  
以天祐四年禪位于梁云本紀不載濮王一年事

制  
凡  
倫

四 天祐

乙丑

天祐二年淮南楊  
行密薨子渥嗣位

丙寅三年南平鍾傳薨子匡時立尋為秦虜荆南  
節度高季昌據荆南閩王會雪峯玄沙二禪師問  
曰將何為道作何修行見性成佛雪峯曰宜先懺  
悔滌除障垢所以獲心見性一切業障海皆從妄  
想生若欲懺悔者端坐念實相  
願大王識取實相自然成佛  
本傳

丁卯天祐四年三月帝遜于  
梁王梁受禪改元開平元年

右唐二十一主合二百八十八年禪于梁

五代

梁

受唐禪都汴州開平二年  
遷都洛陽均王仍都大梁

欽定四庫全書

釋氏稽古星

卷

太祖末帝二主  
合十六年而歸後唐

太祖

姓朱氏宋州人本名溫唐僖宗時從黃巢作亂巢署溫同州防禦使溫叛巢歸唐天子賜名全

忠拜宣武軍節度使昭宗光化三年進封梁王哀帝天祐四年三月受唐禪更名晃被袞晃即皇帝

位改國號曰梁在位六年薨六十一歲以汴州為開封府命曰東都以故東都也洛陽為西都是時惟

河東鳳翔淮南稱天祐年號西蜀稱天復尋亦自立改元武成餘皆稟梁正朔稱臣奉貢

開平四  
乾化二

丁卯開平元年

四月改元以河南尹兼河南節度使張全美為魏王鎮海鎮東節度

使吳王錢鏐為吳越王加清海節度使劉隱威武節度使王審知兼侍中仍以劉隱為大彭王以權

知荆南留後高  
季昌為節度使

趙王燕王晉王岐王吳越王楚荆南淮南閩王蜀即帝位南平

王銀劉仁恭李克用李茂貞錢鏐馬殷高季昌楊渥王審知王建劉隱

王鎔帥鎮州定州真稱趙王

劉仁恭幽州盧龍節度稱燕王

晉王李克用稱天祐年號克用

本沙陀人見唐懿宗咸通九年

岐王鳳翔李茂貞深州博野人本姓宋名文通為

博野軍戍卒黃巢犯京師茂貞以功補扈蹕都頭

僖宗賜姓李名茂貞拜鳳翔隴右節

度使昭宗時封為岐王稱天祐四年

吳越王錢鏐字具美杭州臨安人唐僖宗時為董

昌偏將殺退黃巢兵昌以鏐為都指揮董昌尋亦

叛昭宗以鏐為浙東招討使平昌進封天下兵馬

都元帥尋封王至是梁開平元年封吳越王後唐

莊宗賜玉冊金印錡居杭  
州二十一年壽八十一薨

楚王馬殷字霸圖許州鄆陵人唐昭宗乾寧中拜  
武安軍節度使鎮潭州盡有湖南之地梁太祖開  
平二年處湖南聽民自採茶賣於北客收其征以  
贍軍七月殷奏汴荆襄唐郢復州置回國務運茶  
之湖南由是富贍梁封之為楚王

荆南節度使高季昌字昭孫陝州人今蘇州梁初鎮  
荆南節度十州後為諸道所侵季昌有江陵一城  
而已至後唐莊宗  
時封為南平王

淮南號吳楊渥稱天祐四年渥父行密字化源廬  
州合肥人家世微賤有膂力能舉千斤日行三百  
里為本州步健破黃巢功大唐昭宗景福元年八  
月為淮南節度使淮南王進封楚王唐哀帝天祐

二年行密薨壽五十四據盛州十二年子渥嗣位梁太祖封之為吳王

閩王王審知字信通光州固始人唐僖宗時黃巢寇亂因有閩嶺五州之地梁開平元年以威武節度使王審知兼侍中審知自唐昭宗時已受封為閩王矣至其子延鈞後唐明宗長興四年改名璘即皇帝位建元龍啓國號大閩

蜀王建字光圖許州舞陽人唐僖宗初陳欽瑄節制西川中尉田令孜為監軍召建欲致麾下欽瑄疑止之建怒以兵攻成都殺欽瑄等昭宗授以西川節度使梁受唐禪開平元年九月王建即皇帝位國號大蜀明年改元武成

南平劉隱上蔡人今汝寧古蔡州也其祖安仁徙居閩中商賈南海因家焉父謙為廣州牙將破黃

巢有功陞封州刺史卒州人表隱代之果有勲烈  
唐昭宗封隱南海王哀帝天祐二年進封安南都  
護清海節度使次年封南平王今梁加隱侍中又  
封南海王乃以隱為大彭王乾化元年卒壽三十  
八其弟巖襲位盡有嶺表之北巖更名襲梁末帝  
貞明三年即帝位國號漢年曰乾亨立二十五年  
壽五十四

戊辰

開平二年正月晉王李克用卒子存勗十一  
月立梁遷都洛陽鳩濟陰王於曹州謚曰唐

哀皇

帝

趙

燕

晉

岐王

吳越

楚

荆南

淮南

閩

蜀

王建南平

王鎔

劉稭

存勗

李茂貞

錢鏐

馬殷

高季昌

楊渥

王審知

成元

年

劉隱

福州雪峯禪師名義存泉州南安曾氏子年十二  
從莆田玉潤寺慶玄律師出家年十七落髮往幽

州寶刹寺受戒。久歷禪會。三登授子。九到洞山。後  
乃緣契德山。唐懿宗咸通中。四閩雪峯創院。徒侶  
翕然。僖宗賜號真覺禪師。仍賜紫衣。師之法席常  
有千五百衆。至是開平二年三月。示疾。閩帥命醫  
采師曰。吾非疾也。還偈付法訖。五月二日。出遊藍  
田。暮歸。澡浴。中夜入寂壽。八十七。師嗣德山鑒鑒  
嗣龍潭信。福州玄沙宗一禪師名師。備闕之謝氏  
子。幼泛小艇於南臺江。狎諸漁者。年三十。忽慕出  
家。投芙蓉。咨訓禪師。剃落。往豫章開元寺。受具。布衲  
芒屨。食纔接氣。終日宴坐。雪峯以其苦行。呼為頭  
陀。一日。雪峯召之曰。何不遍參去。師曰。達磨不來  
東土。二祖不往西天。峯然之。往後提振宗綱。遐邇  
推敬。閩主待以師禮。學侶八百餘衆。當梁太祖開  
平二年十一月。入寂壽七十五。閩主為師樹塔。師  
嗣雪峯  
存禪師

已巳

開平三年十月蜀州刺史王宗弁稱疾杜門蜀主疑其矜功怨望加檢校太保不受謂人曰庶者足而不憂貪者憂而不足吾小人致位至此足矣豈可求進不已乎蜀主嘉其志

趙燕

晉王 岐王 吳越 楚

荆南

淮南

閩

蜀

王建

南平

庚午

開平四年

續寶林傳

南嶽惟勛頭陀集唐昭宗光化年以來宗師機

緣論續寶林傳四卷

趙燕

晉王 岐王 吳越 楚

荆南

淮南

閩

蜀

南平

辛未乾化元年

趙燕

燕即帝位晉王 岐王 吳越 楚

荆南

淮南

閩

蜀

南平

王鎔

應吳元年 天祐年 天祐六年

天祐七年

永平元年

劉巖

三月節海節度使南平襄王劉隱既卒其弟巖襲位後名璵又改襲八月燕王劉仁恭之子劉守光

即皇帝位國號大

燕改應天元年

壬申

二年二月湖州道場山如訥禪師卓庵於山乘虎遊行訥湖州人師嗣翠微無學禪師學

嗣丹霞然然嗣石頭希遷禪師

趙燕

晉

岐王

吳越

楚

荆南

淮南

閩

蜀

南平

應安年

天祐年

天祐年

天祐年

永祚二年

二月帝疾增甚誅戮無常又議出征從官多畏憚帝長子郴王友裕早卒次假子博王友文帝特愛之鄧王友珪心不平帝出友珪為萊州刺史友珪微行入左龍虎軍見統軍驍勅以情告之勅以牙兵五百人從友珪離控鶴士入伏禁中夜斬關入至寢殿友珪僕夫馮廷諤刺帝秘不發喪矯詔

稱朕躬危殆宜令友珪權主軍國之務發喪即皇帝位乾化三年正月改元鳳曆是時均王友貞處大梁討友珪友珪自度不免令馮廷諤先殺妻張氏次殺已廷諤亦自剄均王即位於大梁稱乾化三年

均王

太祖第三子初名友貞封均王鎮大梁州大梁化三年正月誅大逆友珪遂即皇帝位於大梁就都之追廢友珪為庶人三月帝更名鎰久之又名瑛在位十一年壽三十六歲諡曰末帝

乾化三年 貞明六

癸酉

乾化三年

趙

燕 晉 岐王 吳越 楚 荆南 淮南 閩 蜀 南平  
應天三年 天祐十年 天祐三年 永平三年

金光明道場

杭州瑞應幼璋禪師請吳越王每年於天台山建金光明道場諸郡黑白

大會適月而散光

明大會始於師也

甲戌

乾化四年正月晉王既克燕以練解及呂若劉仁恭并守光凱歌入晉陽獻于太廟斬守光

械仁恭至代州

祭先王墓斬之

趙

燕

晉

岐王

吳越

楚

荆南

淮南

閩

蜀

南平

晉滅之

天祐元年

天祐元年

天祐元年

天祐元年

天祐元年

天祐元年

天祐元年

天祐元年

天祐元年

天祐元年

天祐元年

天祐元年

天祐元年

天祐元年

天祐元年

天祐元年

天祐元年

天祐元年

天祐元年

天祐元年

舒州投子山禪師名大同本州懷寧劉氏子幼歲

依洛下保唐寺滿禪師出家初習安般觀次閱華

嚴發明性海謁翠微學禪師頓悟宗旨由是放意

周遊後於故里隱投子山結茅而居至是乾化四

年四月六日入寂勅諡慈

濟大師師嗣翠微學禪師

釋氏稽古畧

九三

乙亥貞明元年

趙

晉王

岐王

吳越 楚

荆南

淮南

閩

蜀

南平

天祐元年

天祐二年

天祐三年

永平五年

丙子

貞明二年

契丹太祖阿保機

趙

晉王

岐王

吳越 楚

荆南

淮南

閩

蜀

南平

天祐三年

天祐四年

天祐五年

通平元年

契丹

鮮卑山之遺種在商高宗之伐鬼方者是也  
自梁末帝貞明二年太祖阿保機稱帝建國

立年

傳嗣凡九主

在位首末二百一十五年實歷

二百單九年

太祖皇帝諱億

名阿保機乃韓

里小子也

父韓里為吳越中猶中國刺史也先是

契丹部落分而為八

各有大人相與推約一人為

王建旗鼓以號令

諸部每三年則以次相代及阿

保機為王尤雄勇恃其強不肯受代

五姓爰及七

姓室韋咸服屬之擊黃頭室韋還七部劫之於境  
上求如約阿保機曰我為王九年得漢人多請帥  
種落居古漢城與漢人守之自為一部七部許之  
古漢城者拓跋魏之滑鹽縣也地宜五穀有鹽池  
之利其後阿保機擊滅七部併為一國又北伐室  
韋女真西取突厥故地擊奚滅之復立奚王使契  
丹監其兵東北諸部皆畏服之初唐懿宗咸通末  
年有習爾者為王土宇始大其後欽德為王乘中  
原多故時入侵遼燕帝劉守光末年衰困遣參軍  
韓延徽求援於契丹契丹主怒其不拜留之久乃  
禮而用之延徽始教契丹建牙開府築城郭立市  
里以處漢人使各有配耦墾蕪荒田契丹由此威  
盛疆大至是貞明二年阿保機始自稱皇帝國號  
大契丹年曰神冊國人謂之天皇王姓耶律氏以  
妻述律氏為皇后置百官治國  
十一年辛於夫餘城謚曰太祖

布袋和尚名契此示跡明州奉化縣常以杖荷一布袋攜破席凡供身之具盡貯袋中入市見物則乞或醢醢魚菹纔接入口分少許投囊中時號長汀子至是貞明二年三月三日坐於嶽林寺廊下說偈曰彌勒真彌勒分身千百億時時示時人時人自不識偈已安然而化其後他州復見其負囊而行競圖其像而奉祀之

丁丑

貞明三年

契丹

神冊二年

南平劉巖即皇帝位于番禺國號大越改元乾亨次年冬十一月郊天改國號曰漢

通鑑司馬

趙

晉王

岐王

吳越 楚

荆南

淮南

閩

蜀帝

漢即帝位

天祐四年

天祐五年

天祐五年

天漢元年

乾亨元年

戊寅

貞明四年

契丹阿保機

神冊三年

趙

晉王

岐王

吳越 楚

荆南

淮南

閩

蜀帝

漢

天祐五年

天祐五年

天祐五年

乾亨元年

乾亨二年

蜀帝太子衍立三月吳越王繆初立元帥府置官屬淮南吳以徐知誥為淮南節度行軍副使知誥事吳主盡恭知誥以宋齊丘為謀主

龍湖

邵武龍湖禪師名普聞唐僖宗第二子也幼不如葦長無經世意僖宗鍾愛之僖宗中和

元年黃巢亂帝幸蜀親王宗室皆逃亡師斷髮逸遊謁石霜諸禪師問如何是教外別傳諸曰待按山點頭即向汝道師因省悟依止數年乃請徧游山諸曰逢乾即止遇陳便住師遂辭行過邵武抵大乾遙望山顛鬱然深秀問父老彼有居者否老曰有一陳嗣者久隱其中師至嗣遂分坐同住師廬茅谷口陳乃去之庵址存焉其實乘禪院者師茅廬基也僖宗文德元年三月師乃擲錫杖於山杖止處建立道場緇素嚮心遂成巨刹一日有老人來前曰我龍也家于此山行雨不職將有天罰願

師救護師曰汝可易形來城一小蛇在座師引之入  
淨餅良久風雷挾座山巒搖震達旦開霽蛇自餅  
出老人來謝曰非師法力則腥穢此地矣觀師道  
場闢水當以報德遂斲地成穴涌泉衍溢乃為一  
湖在今半山是曰龍湖至是貞明四年一日師集  
衆僧曰吾將他適以院事付聰教二禪人乃說偈  
曰我逃世難來出家宗師指示箇歇處住山領衆  
三十年對人不欲輕分付今日分明說似君我斂  
目時齊聽取既而跨虎凌晨抵信州開元寺龍湖  
僧追之師曰山中已有聰禪師吾不復歸矣故龍  
湖無開山祖師塔惟有跨虎庵基為古今之證勅  
謚圓覺禪師五燈會元謂師示寂於龍湖殆非也  
師嗣潭州石霜禪師慶諸嗣道吾宗  
智智嗣藥山儼禪師諸吉州人姓陳氏

已卯

貞明五年

契丹

神冊四年

趙

晉王

岐王

吳越 楚

荆南

淮南

閩

蜀 行

漢

天祐六年

天祐六年

武義元年

乾德元年 乾寧元年

夏四月淮南楊氏即吳國王位改元武義建宗廟社稷置百官宮殿文物皆用天子禮樂

庚辰

貞明六年

契丹

神冊五年

趙

晉王

岐王

吳越 楚

荆南

吳弟溥 閩

蜀

漢

天祐七年

天祐七年

立

乾德二年 乾寧四年

辛巳

龍德元年

契丹

天贊元年

趙

晉王

岐王

吳越 楚

荆南

吳

閩

蜀

漢

天祐六年

順義元年

乾德三年 乾寧五年

壬午

龍德二年

契丹

天贊二年

趙

晉王

岐王

吳越 楚

荆南

吳

閩

蜀

漢

順義年

乾德年 乾寧年

越州鏡清順德愆禪師得法於雪峰吳越錢王尊  
其道德請居天龍寺又創龍冊寺以居師學侶奔  
湊由是吳越盛於玄學晉高祖  
天福二年八月入寂壽七十四

癸未

龍德三年  
同光元年

契丹

天贊三年

趙

唐即帝位以王

吳越 楚

荆南

吳

閩

蜀

漢

同光元年

順義五年

乾德五年 乾亨七年

春二月梁帝遣使冊命吳越王錢鏐為吳越國王  
夏四月己巳晉王李存勖即皇帝位於魏州牙城  
之南國號大唐改元同光唐所有凡十三節度五  
十州帥兵取梁梁帝謂皇甫麟曰李氏吾世讎理  
難降首不可換彼刀鋸吾不能自裁卿可斷吾  
首麟泣遂弑梁帝麟因自殺十月唐帝入大梁

右梁二主合一十六年而歸于唐

唐

李姓以土德王都鄴今彰德路古相州也後遷都于洛陽

莊宗

明宗

閔帝

潞王

莊宗

諱存勗本沙陀人唐懿宗咸通九年賜其祖姓李名國昌帝父名克用破黃巢復京師功第一

拜河東節度使累封晉王勗存勗嗣王位滅梁建國曰唐追尊父王克用曰武皇帝帝在位三年壽

三十

同光

五歲

三

同光元年

即癸未歲也十月滅梁改元十一月遷都洛陽

甲申

同光二年

契丹

天贊四年

趙

秦王

吳越

楚

荆南

吳

閩

蜀

漢

茂貞

順義四年

乾德六年 乾寧六年

正月改王李茂貞遣子繼贖上表入貢稱臣帝尊禮之改封秦王四月秦忠敬王茂貞薨子繼贖權

知鳳翔

軍府事

魏府

今大名路也興化禪師名存獎本府人帝詔

入內執弟子禮以事師一日問曰朕收復中原得

一明珠未有人酬價師曰請陛下珠者帝以手舒

僕頭脚師曰君王之寶誰敢酬價帝悅賜紫衣師

號師皆不受乃賜馬便乘之陸地損一足帝復賜

醫師喚院主與我做箇木拐子師接得速院行問

僧曰汝等還識老僧麼衆曰爭得不識和尚師曰

跋脚法師說得行不得至法堂令維那聲鐘衆集

師曰還識老僧麼衆無對師擲下拐子傳端燈坐

而逝勅謚廣濟禪師師嗣臨濟玄禪師傳端燈坐

汝州寶應南院禪師名

慧顯河北人嗣興化獎

乙酉

同光三年

契丹

天贊五年

淮南吳溥于石頭城建清涼寺禮請悟空住持

趙

秦 吳越 楚

荆南

吳

閩

蜀 吳 行 降 漢

順義五年 延翰嗣位 唐以授孟 白龍元年 知祥

九月帝以子魏王繼友樞密使郭崇韜代蜀蜀主王衍與樞密使郭崇韜出降孟知祥者字保威邢州龍岡人樞密使郭崇韜於知祥有引薦舊恩將行言於帝曰孟知祥信厚有謀此行得四川而求帥無踰此人者帝可之大軍乃西行入散關倍道而進攻蜀降崇韜乃以知祥為西川節度使鎮成都明宗長興四年封蜀王渚王清泰元年即皇帝位而殂子相嗣立建元明德國號蜀至宋太祖乾德三年降于宋合四

漢

有白龍現於漢宮漢主改元白龍更名龔通鑑

明宗

諱亶本名嗣源北狄人莊宗養以為子從莊宗征伐屢立大功丙戌年正月趙在禮反于鄴莊宗

宗命李嗣源討之三月嗣源至鄴都從馬直軍士  
張破敗作亂兵逼中軍嗣源叱問之對曰主上棄  
恩任威云克城之後盡坑魏博之軍我輩畏死耳  
今衆議請主上帝河南令公帝河北嗣源泣諭之  
衆軍不從嗣源壻石敬瑭曰夫事成於果決而敗  
於猶豫嗣源乃令安重誨移檄會兵軍勢大盛李  
紹榮請莊宗幸關東招撫之駕至萬勝鎮聞嗣源  
已據大梁諸軍離叛即命旋師歸入洛陽四月從  
馬直指揮使郭從謙不知睦王存叢已死欲奉之  
作亂帥所部兵攻興教門緣城而入近臣宿將釋  
甲潛遁獨李彥卿何福進王全斌等十餘人刀戰  
莊宗中流矢鷹坊人善友扶莊宗自門樓下至絳  
霄殿廡下抽矢渴憊須臾殂李彥卿等慟哭而去  
左右皆散善友焚帝尸已丑嗣源入洛陽止于私  
第拾莊宗骨于灰燼中而殯之百官三上牋請嗣  
源監國許之有司議即位禮李紹真孔循以唐運

蓋宜自建國號監國不從吏部尚書李琪曰若改國號則先帝遂為路人梓宮安所託乎前代以旁支入繼多矣宜用嗣子樞前即位之禮眾從之監國乃於樞前即皇帝位年已六十歲改元天成每夕於宮中焚香告天願早生聖人為生民主天

天成四年  
長興四

丙戌天成元年

契丹

天贊六年

蜀禪月大師  
貫休是年卒

趙

鳳翔 吳越國楚  
繼祿 寶元年

荆南

吳 閩國延鈞蜀節度漢  
順義元年 天贊元年 孟知祥 白龍年

昭武節度王延翰自稱大閩國王立宮殿置百官  
威儀文物皆倣天子之制追尊其父王審知曰昭  
武王是歲審知養子延稟弒  
延翰眾推其弟延鈞為留後

丁亥

天成二年

契丹太祖阿保機殂  
德光 天顯元年

趙

鳳翔 吳越

建國 荆南

吳即帝位 閩

蜀 漢

寶正三年

乾貞元年 天寶三年

白龍三年

契丹太祖崩於天贊六年秋七月在位十一年太宗立諱德光太祖第二子母曰述律氏治二十二

年立晉滅唐改契丹曰大遼嘗於所居大部落建天雄寺以奉佛有契丹太祖阿保機像

秋八月葬王馬殿始建國立宮殿置百官皆如天子或徵又改其翰林學士曰文苑學士知制誥曰

知辭制樞密院曰左右機要司羣下稱之曰殿下令曰赦

十一月淮南吳王楊氏即皇帝位吳丞相徐溫卒吳主以其子知誥都督中外諸軍事知誥本姓李

唐昭宗乾寧二年楊行密攻濠州軍士掠徐州得之生八歲行密養以為子行密長子凝憎之行密

謂其將徐溫曰此兒質狀性識頗異於人吾度渥  
必不能容今賜汝為子溫名之曰知誥知誥事溫  
勤孝過於諸子溫是以愛之使掌家事及長喜書  
善射識度英偉行密謂溫曰知誥俊傑諸將子皆  
不及也至晉高祖  
天福二年受吳禪

戊子

天咸  
三年

契丹

天顯二年

趙

鳳翔

吳越

楚

荆南

吳

閩延鈞蜀孟漢

蜀景年

高季興卒乾貞年

大有元年

閩主延鈞度民二萬為僧由是閩中多僧

見五代史閩代

家世是年十二月荆南節度使高季興卒命其子

從誨權知軍府事從誨上表求

內附詔以從誨為荆南節度使

漳州羅漢院禪師名桂琛生常山李氏隸本府萬  
歲寺無相大師披剃登戒得法於玄沙備禪師師

巴風全書  
卷三  
秘重大法痛自韜晦漳州牧王公請住城西石山  
地歲十餘年遷止羅漢院破垣敗簣師處之怡如  
也授法眼蓋至是天成三年入寂壽六十二  
崑舍利建塔于院之西隅勒謚真應禪師傳錄燈

巳丑

天 成  
四 年

契丹

大顯三年

趙

鳳翔

吳越

楚

荆南

吳

閩  
蜀

漢

宣統四年

太和元年

大有二年

九月帝與平章事馮道從容語及年穀屢登四方  
無事道曰臣常記昔在先皇幕府奉使中山歷井  
陘召之險臣憂馬蹇居月反轡甚謹幸而無失  
速至澤潞放轡自逸俄至顛隕凡為天下者亦猶  
是也帝深以為然帝又問今歲雖豐百姓贍足否  
道曰農家歲凶則死於流殍歲豐則傷於穀賤豐  
凶皆病者惟農為然臣記進士聶夷中詩云二月  
賣新絲五月糶新穀醫得眼前瘡剗却心頭肉語

雖鄙俚曲盡田家之情狀農於四人之中最為勤  
苦人主不可不知也帝悅命左右錄其詩常諷誦  
之幽州宛平竇禹鈞仕至左諫議大夫致仕生五  
子皆宦顯侍中馮道贈以詩燕山竇十郎教子有  
義方靈椿一株老偃桂五枝芳周世宗顯  
德二年太師中書令瀛文懿王馮道薨

庚寅

長興元年

契丹

天顯四年

趙

鳳翔

吳越

楚殷卒荆南

吳

閩 蜀

漢

寶義年

太和二年

大有三年

十一月楚王馬殷卒子希聲襲位稱道命去建國  
之制復藩鎮之舊詔以希聲為武安靜江節度使

雲門宗

廣東道韶州雲門山光祿院禪師名文偃  
生浙西秀州今嘉興路也姓張氏幼依空

王寺志澄律師出家及冠落髮舉其於毘陵壇侍  
澄數年探窮律部以已事未明往參睦州陳尊宿

步門而入州擒住云道道師擬議州惟之出曰秦  
時鞭轢鎖遂掩門損師一足師從悟入州乃指之  
見雪峯存禪師既得以密契心宗遂出嶺徧謁諸  
方後抵廣中靈樹敏禪師初不請首座有勸之請  
第一座者靈樹曰我首座生也出家也久之曰我  
首座行脚也悟道也久之又曰我首座至矣一日  
令擊鐘接首座師適至敏笑曰奉遲甚久何來暮  
邪即命之師不辭而就職當此庚寅長興元年也  
俄而廣主劉王將興兵就靈樹決可否敏知之手  
封奩子語侍者曰王來出以似之適有僧問如何  
是祖師西來意敏乃就座而遊王至聞敏已化王  
大驚嘆侍僧以奩呈發之書曰人天眼目堂中上  
座王乃請師繼主靈樹迎之至府開法久之遷住  
韶陽雲門山戊申年廣主屢請入內問法待以師  
禮賜號匡真禪師七月迎之王府供養九月辭王  
還山明年四月十日師表辭廣主垂誠學徒端坐

而遊塔全身於方丈後丙寅歲趙太祖乾德四年  
廣主天寶九年也師示夢阮紹莊曰與吾寄語秀  
華宮使特進李託託遂奏請開塔奉勅迎請靈軀  
內庭供養逾月方還因改寺額為大覺加諡大慈  
雲匡真弘明禪師師嗣雪峯存禪師存嗣德山鑒  
鑒嗣龍潭信禪師師之法道世宗仰之目之曰雲  
宗門

辛卯

長興二年

契丹

天顯五年

趙

鳳翔

吳越

楚

荆南

吳

閩

蜀孟氏漢

寶義六年

太和三年

大有四年

壬辰

長興三年

契丹

天顯六年

趙

鳳翔

吳越

楚

荆南

吳

閩

蜀

漢

元祐五年

太和四年

大有五年

春二月初令國子監校定九經  
雕印至周廣順三年版成印行

三月吳越武肅王錢鏐薨年八十一歲中子  
傳瓘立更名元瓘以遺命去國儀用藩鎮法

秋七月武安靜江節度使馬希聲卒六軍以袁詵  
潘約等迎希聲之弟希範於朗州而立之治十五

年壽四  
十九歲

癸巳

長興四年  
帝殂

契丹

天顯七年

趙

鳳翔

吳越

楚

荆南

吳

閩璘

蜀孟氏漢

元權  
文穆王也

太和五年龍啟元年封王大有六年

春正月閩主王延鈞即皇帝位國號大閩年曰龍  
啓更名璘二月唐命孟知祥為東西川節度使

王蜀

十一月帝不豫詔立第三子宋王從厚帝尋殂十  
二月宋王從厚即皇帝位閔帝也甲午年正月改  
元應順時鳳翔節度使兼侍中潞王從珂與朝廷  
猜阻三月潞王建大將旗鼓整衆而東閔帝聞潞  
王至陝憂駭不知所為以五十騎出玄武門至衛  
州依刺史王弘贇潞王至將橋馮道等皆上殿勸  
進潞王入謁太后太妃詣西宮伏梓宮慟哭太后  
下令廢少帝為鄂王令潞王即皇帝位于樞前王  
弘贇遷閔帝於州廨潞王遣弘贇之子殿直  
繼往鴆之閔帝知其有毒不肯飲繼繼殺之  
**潞王** 諱從珂明宗養子也姓王氏鎮州人今真定路  
也明宗畧地日并其母獲之養為己子時年十  
歲封潞王為鳳翔節度使閔帝即位以太后命即  
往代之由是舉兵閔帝出奔潞王以太后命即位  
在位三年 清泰  
壽三十歲

甲午

四月改清  
泰元年

契丹

天顯八年

趙

鳳翔

吳越

楚

荆南

吳

閩

蜀昶漢

太和中龍啟二年明德元年大有七年

閏正月蜀王孟知祥即皇帝位于成都改元秋  
七月昶太子仁贊即皇帝位更名昶明德元年

天台國清寺靜上座初得悟於玄沙備禪師言下  
居天台山三十餘年有問者曰心念紛飛未明攝

伏靜曰却將紛飛之心以究紛飛之處究之無處  
則紛飛之念何存返究究心則能究之心安在靜

因觀教中幻義述偈曰若道法皆如幻有造諸過  
惡應無咎云何所作業不忌而藉弗慈興接誘有

小靜上座者答之曰幻人興幻幻輪圍幻業能招  
幻所治不了幻生諸幻若覺知如幻幻無為二靜

上座遺蹤國  
清存焉  
碑寺記

乙未

清泰二年

契丹

天顯九年

趙

鳳翔 吳越 楚

荆南 吳

閩 蜀 漢

天祥元年 龍啟辛明德辛大有年

荆南節度使高從誨往明達親禮賢士委任梁震  
震拔鶴氅自稱荆臺隱士每詣府跨黃牛至廳事  
吳加徐知誥尚父太師大丞相大元帥進封齊王  
備殊禮以昇建潤江宣池歛及失涉常江饒信海十

州為  
齊國

清泰三年六月河東節度使北面總管石敬瑭既  
還鎮晉陽陰有自全之計初帝欲使敬瑭移鎮鄆  
州今東平路也魏給事中李崧呂琦等皆力諫以  
為不可帝從樞密直學士薛文遇之言以敬瑭為  
天平節度使制出兩班相顧失色敬瑭曰我不與  
亂朝廷發之安能束手死於道路乎都押衙劉知

遠曰明公據形勝之地士馬精彊若稱兵傳檄帝  
紫可成掌書記桑維翰曰公能推心契丹何患無  
成敬瑭意遂決表帝養子不應承祀請傳位許王  
帝怒手裂其衣抵地制削奪敬瑭官爵以張敬達  
兼太原四面排陳使率諸將討之敬瑭表契丹稱  
臣以父禮事之許以割地請援九月契丹主太宗  
德光也將五萬騎號三十萬至晉陽戰唐兵大敗  
十一月契丹主作冊書命敬瑭為大晉皇帝築壇  
於柳林即位大赦制改長興七年年明號宗為天福元  
年路王知石敬瑭即皇帝位遂與曹太后劉皇后  
雍王重美及宋審虔等攜傳國寶登玄武樓自焚  
而死皇后積薪欲燒宮室重美諫曰新天子至必  
不露居他日重勞民力死而遺怨將安用之乃止  
后與重美子也俱死是日晚晉高祖入洛陽止于  
舊第唐兵解甲待罪晉帝慰而釋之乃命劉知遠  
部署京城知遠分漢軍使還營館契丹主於天宮

寺城中肅然無敢犯令十二月晉帝  
追廢潞王為庶人以馮道同平章事

# 右唐四主合一十四年而歸于晉

## 晉

石姓以金德  
王遷都汴州

高祖  
齊王

## 高祖

諱收瑯石姓本西夷人勇力善戰唐明宗愛之  
妻以女永寧公主累遷至河東節度使清泰元

年鎮太原徙天平節度使不受命遂乃稱兵求援  
於契丹即帝位入洛陽割幽薊瀛莫涿檀順新媯  
儒武雲應寰朔蔚十六州以天福  
與契丹在位七年壽五十一七

## 丙申

十一月改  
天福元年

契丹

天顯十年

欽定四庫全書

卷三

趙

鳳翔 吳越 楚

荆南 吳 閩 蜀 漢

天祥二年 通安元年 明德三年 大有九年

高麗當唐之末其王姓高唐莊宗同光二年高麗遣使來中國史失不記其王之姓名至明宗長興三年權知國事王建遣使者來明宗封王建高麗國王至是丙申年高麗舉兵擊破新羅百濟於是東方諸國皆附之有二京六府九節度百二十部焉

丁酉

天福二年

大遼

會同元年

趙

鳳翔 吳越復楚

荆南 唐受禪閩 蜀 漢

建國

昇元年 通安元年 明德四年 大有十年

大遼太宗德光既立晉室受其所獻之十六州春正月乃以幽州為南京改契丹國號大遼年曰會同公卿庶官皆倣中國參用中國人二月北歸以趙延壽為樞密使兼中書令

三月晉議遷都大梁四月至汴州  
吳越王元瓘復建國如同光故事

八月吳主下詔禪位于齊王徐知誥即皇帝位于  
建康大赦國號曰唐也前唐年曰昇元尊吳主曰讓

皇宮室乘輿服御皆如故宗廟正朔徽章服色悉  
從吳制明年讓皇殂唐主廢朝二十七日追諡曰

睿皇帝唐昇元三年知誥復  
姓李更名昇始二年唐明宗天

汝州風穴禪師諱延沼錢塘餘杭人姓劉氏幼不  
茹葷習儒應進士一舉不第乃出家依本州開元

寺智恭披剃受具習天台止觀年二十五謁鏡清  
參南院顯禪師悟旨依止六年辭去後唐明宗長

興二年至汝水草屋數椽依山如逃亡家問之父  
老田父曰古風穴寺世以律居僧物故衆棄去師

曰我居之可乎父曰可師乃留止日乞村落夜然  
松脂單丁者七年至是天福二年州牧李使君聞

師之道盡禮致之上元日開堂說法稟嗣南院顯  
漢隱帝乾祐二年李君移守郢州師避寇往依之  
館于郡齋汝州有宋太師者施第為寶坊號新寺  
延師住持法席雄冠周太祖廣順元年賜其寺額  
曰廣慧師住二十二年常餘百眾僧問如何是佛  
師曰杖林山下竹筋鞭宋太祖開寶六年八月旦  
日登座說偈曰道在乘時須濟物遠方來慕自騰  
騰他年有叟情相似日日香煙夜夜燈至十四日  
手書別諸檀越十五日跣趺而逝壽七十八夏五  
十九師嗣南院顯顯嗣興化獎獎嗣臨濟玄禪師  
戊戌天福三年大遼會同二年

趙

鳳翔

吳越

楚

荆南

唐

閩

蜀

漢

文穆王  
元雅

昇元年道安章廣政元年大有章年

八月晉帝上尊號於大遼主及太后以平章馮道  
劉臨為冊禮使備鹵簿儀仗車輅詣遼主行禮帝

事違甚謹奉表  
稱臣曰父皇帝

十月帝以大梁舟車所會便於漕運乃建東京於汴州復以汴州為開封府以東都陽為西京以西

都娘為晉  
昌軍節度

勅聽公私自鑄銅  
錢文曰天福元寶

己亥  
天福四年  
大遼

會同三年

趙

鳳翔 吳越 楚

荆南

唐李昇閩

蜀 漢

昇元三年 永隆元年 廣政三年 大有三年

春正月南唐羣臣累表請唐主徐知誥復姓李立  
唐宗廟唐主許之更名昇反皮變羣臣又請上尊號  
不受唐主不以外戚輔政宦  
者不得預事他國所不及也

秋閏七月閩主為拱宸控鶴軍使連重遇所弑其叔父延義自稱威武節度使閩國王更名曦諡閩主曰康宗

觀世音菩薩

杭州上天竺僧道翊一夕見山間光

世音菩薩像白光煥發繼以晝夜漢高祖乾祐元年有僧從勲者以古佛舍利置菩薩毫相中舍利

時現冠頂

又慶元路

明潮州東道

海中補怛

洛伽山

乃菩薩示現之地唐宣宗大中年間西域天竺僧

至洞中燭指祈禱親觀觀世音菩薩妙相與說法要名跡始著其後日本國僧慧鰲者自燕北五臺

山得菩薩畫像舍于山側土人張氏敬奉之捐所居為觀音院昌國誌云梁貞明二年始建寺也宋

神宗元豐三年遣使王舜封往三韓舟抵洞黑風驟起龜負舟舜封禱之菩薩現相舟穩還朝以聞

朝建頌金帛移寺建於梅岑山之陽賜額寶陀今之寺也

庚子

天福五年

大遼

會同四年

閩王曦度民為僧萬一千人開載

趙

鳳翔 吳越 楚

荆南 唐 閩曦 蜀 漢

昇元四年 永隆三年 廣政三年 大有三年

辛丑

天福六年

大遼

會同五年

趙

鳳翔 吳越 楚

荆南 唐 閩 蜀 漢

子弘佐立

昇元五年 永隆三年 廣政四年 大有四年

八月吳越國文穆王錢氏元瓘薨其子弘佐即王位弘佐溫恭明斷好書禮士躬勤政務治七年壽

十二

十一月唐分遣使者按行民田以肥瘠定其稅民咸稱其平允

漢

十二月戊戌漢主寢疾有楚僧

謂曰名龔不利漢主自造龔字名之義取飛龍在天讀若儼導閩主於城南西阜建石塔七層功未半光發如蓋者三夕既成光耀際天又三夕王慰幸遂額之曰淨光而於其下又建寺宇焉集

壬寅

天福七年 大遼 會同六年

趙

鳳翔

吳越 忠獻王 弘佐

楚

荆南

唐

閩

蜀

漢 玠立

南漢即南平廣州也高祖劉龍天四月  
殂秦王弘度即皇帝位更名玠悲中

齊王

史曰出帝諱重貴高祖兄敬儒之子也封齊王  
高祖五子皆早卒重睿尚幼天福七年六月高

祖殂七月守司徒兼侍中馮道與天平節度使侍  
衛馬步都虞候景延廣議國家多難宜立長君乃  
奉廣晉尹齊王重貴為嗣即皇帝位大臣議奉表  
稱臣告哀於遼景延廣請致書稱孫不稱臣李崧

諫之不從馮道依違其間帝卒從延廣議遼主大  
怒遣使來責讓延廣谷以不遜丙午歲開運三年  
也十一月遼大舉滅晉遼主命張彥澤遷齊王於  
開封府頃刻不得留帝在位四年遼遷遼地壽年  
載不

稱天福八年  
開運三

癸卯

天福八年

大遼

會同七年

趙

鳳翔

吳越國楚

荆南

唐璟閬

蜀

漢弘殷立

保大元年 天德元年 廣興年 乾和元年

唐主餌方士藥浸成躁急羣臣奏事往往暴怒問  
道士王棲霞何道可致太平對曰王者治心治身  
乃治家國今陛下尚未能去飢嗔飽喜何論太平  
宋后稱嘆以為至言唐主凡所賜予棲霞皆不受

二月唐主廔發背召齊王璟入侍疾謂璟曰吾餌金石欲益壽乃更傷生汝宜戒之是夕疽元宗璟位即

閩族王氏延政稱帝於建州國號大殷初天福四年曠既立驕淫苛虐猜忌宗族其弟建州刺史王延政以書諫之曠怒由是兄弟積相猜恨戰鬪至是延政稱帝

漢瑒帝驕奢不親政事晉王弘熙欲圖之乃盛飾聲伎娛悅其意以成其惡頃之乘其醉而弑之弘熙即皇帝位中宗也改年曰乾和

法眼宗

建康清涼寺禪師名文益生餘杭魯氏七歲依新定智通院全偉禪師落髮弱齡稟

具於越州開元寺究毘尼探儒典振錫南參抵福州見長慶稜禪師不大發明乃欲出嶺過漳州阻

雪於城西石山地藏院禪師桂琛問曰上座學解  
說三界惟心萬法惟識乃指階前石曰此石在心  
內在心外師曰在心內琛曰行脚人著甚來由安  
片石在心頭走師窘無以對即放已依席下求決  
擇一月餘呈見解說道理琛語之曰佛法不恁麼  
師曰某甲詞窮理絕也琛曰若論佛法一切見成  
師於言下大悟遂依止久之時唐潞王清泰二年  
也辭行至江西撫州州牧重師之道請住崇壽院  
南唐有國唐主迎師住金陵報恩禪院署號淨慧  
禪師遷住清涼寺大闡法化唐主邀師觀牡丹花  
請師賦詩師應聲曰擁毳對芳叢由來趣不同髮  
從今日白花是去年紅艷冶隨朝露馨香逐晚風  
何須待零落然後始知空唐主頓悟玄旨至周顯  
德五年唐之交泰元年也七月十七日師示疾唐  
主親加禮問閏月五日辭衆跣趺而逝壽七十四  
臘五十四公卿李建勳以下素服奉全身塔于江

寧縣之丹陽勅謚大法眼禪師塔曰無相再謚曰  
大智歲大尊師師入室弟子四十三人各導一方  
隨根悟入者不可勝紀師嗣地歲琛琛嗣玄沙  
備備嗣雪峯存禪師宗門尊仰其道曰法眼宗

甲辰開運元年

大遼

會同六年

趙

鳳翔吳越國楚

荆南

唐

閩

蜀

漢

保大年進廣慶年乾和年

劉昫授司空平章事撰舊唐史佛祖異  
跡皆載之宋歐陽脩撰唐書始皆刪去

春正月閏拱宸都指揮使朱文進閤門使連重遇  
試閤主曦召百官告之曰太祖光啓閤國今子孫  
淫虐其隆厥緒天厭王氏宜更擇有德者立之衆  
莫敢言重遇乃推朱文進陞殿被袞冕帥羣臣北  
面再拜稱臣文進自稱閩王謚閩主曦曰景宗是  
年文進為其下所殺函首送於建州殷主延政明

年南唐兵取建州延政  
降閩合五十年而國除

鐘聲息苦

南唐江南上元縣一民暴死三日復甦  
云至一殿庭忽見先王綵械甚嚴近問

之曰主何至此曰吾為宋齊邱所誤殺和州降者  
千餘人冤訴因此汝得還可語嗣君凡寺觀鳴鐘  
須延其聲受苦聞鐘得暫休息或能為造一鐘尤  
善吾在位嘗交聘于閩國彼王遺吾一玉天王像  
吾常置於髻中後歲於瓦棺寺佛左膝無知者汝  
以此像為驗民既還具奏之唐主觀詣瓦棺寺果  
得玉像於佛膝感泣造一鐘於建康清凉寺其文  
曰薦烈祖孝高皇帝說幽出厄以玉像建塔葬於

蔣山  
味法苑

乙巳

開運  
二年

大遼

會同九年

趙

鳳翔 吳越 楚

荆南 唐

閩滅 蜀 漢

保大三年

廣政九年 乾和三年

丙午

開運三年

大遼 會同十年

趙

鳳翔 吳越 楚

荆南 唐

保大四年

蜀 漢 廣政九年 乾和三年

丁未

開運四年

大遼 會同十一年

趙

鳳翔 吳越國 楚

荆南 唐

弘治元年 希廣立

保大五年

蜀 漢 廣政九年 乾和五年

四月 遼太宗殂在位二十二年五月世宗立諱阮  
番名兀欲東丹王突欲之子太祖孫也戊申年改

元天祿天祿四年辛亥秋九月為燕王  
述輒等弑於新州之火神浞在位五年

五月 楚文昭王希範卒  
將佐奉其弟希廣立之

六月吳越忠獻王弘佐薨遺令以丞相弘侗為鎮海鎮東節度使是歲為內牙統軍使胡進思所廢更立其弟弘儼忠懿王也王留心釋教嗣位之初凡兩浙諸郡名山聖跡之處皆賜金帛創建伽藍福州文提山乃天冠菩薩道場王施七寶鑄天冠像一千身仍創寺宇宏麗甲於七閩焉  
丁未年春正月遼兵至大梁晉帝與太后已下上表乞降迎於封邱門外遼主辭不見封晉帝為負義侯置於黃龍府即慕容燕之和龍城也遼主改服中國衣冠百官起居皆如舊制遼晉帝李太后馮后北行後宮左右從者百餘人契丹三百騎援送之二月遼主還國以蕭翰為大梁節度使翰述律太后兄之子其妹復為遼主后翰始以蕭為姓自是契丹后族皆稱蕭氏述律太祖阿保機之后也夏四月遼主回至臨城得疾及藥城病甚丙子至殺虎口而卒國人為剖其腹實鹽數斗載之北

去晉人謂之帝妃初河東節度使劉知遠聞遼主  
入汴分兵守四境以防侵軼於是將佐勸知遠正  
尊號號令四方知遠不許軍士皆曰今契丹執天  
子天下無主番漢孔目官郭威都押牙楊邠勸建  
知遠從之二月辛未即皇帝位乃更稱天福十二  
年改國號曰漢契丹蕭翰聞漢帝擁兵南來遂欲  
北歸恐中國無主時有唐明宗子李從益與母王  
淑妃在洛陽翰迎而立之以為帝帥諸酋長拜之  
百官謁見淑妃泣曰吾母子卑弱如此為諸公所  
立是禍吾家也翰留燕兵千人守諸門為從益宿  
衛翰乃辭行漢帝至洛陽命鄭州防禦使郭從義  
先入大梁清宮殺李從益及王淑妃漢帝至大梁  
復以汴州為  
東京國號漢

右晉二主合一十一年歸于漢

漢

劉姓以水  
德王都汴

高祖  
隱帝

高祖

諱知遠改名萬沙陀部人世居太原與晉高祖俱事唐明宗晉高祖即位以知遠為保義軍節

度使遷河東節度使開運二年封北平王晉帝北遷帝即位于晉陽在位二年壽五十四

稱天福年一

乾祐一

戊申

乾祐元年

大遼

世宗天祿元年

趙

鳳翔

吳越楚

荆南唐

蜀漢

弘微

保融立保六年

廣政五年乾和六年

正月帝更名嵩古老甲子不豫丁丑殂于萬歲殿  
祕不發喪二月立皇子承祐為周王即皇帝位時

年十八歲

冬十月荆南節度使南平文獻王高從誨卒其子保融知留後治十年壽四十一歲

隱帝

諱承祐高祖第二子在位三年壽二十歲

稱乾祐年

巳酉

乾祐二年

大遼

天祿二年

趙

鳳翔

吳越 楚

荆南 唐

蜀 漢

韶國師

名德韶處州龍泉陳氏子年十五出家十七歲依本州龍歸寺受業十八納戒於信

州開元寺後唐莊宗同光年中遊方首謁授子山同禪師次謁龍牙疎山如是參歷五十四員善知

識最後至江西撫州謁法眼益禪師倦於參問但隨衆而已一日僧問法眼如何是曹源一滴水眼

曰是曹源一滴水師於座側聞之豁然開悟白于法眼眼曰汝向後當為國王所師致祖道光人尋

布廣越

保大年

唐懿宗年乾和年

回本道遊天台山觀智者顓禪師遺蹤有若宿契  
初止白沙時吳越忠懿王弘徽為王子刺台州嚮  
師之名延請問道至是乾祐二年王已嗣吳越位  
遣使迎師仲弟子之禮尊為國師有傳天台智者  
之教沙門義寂者即螺溪法師也屢言于師曰智  
者之教年祀寢遠率多散落惟新羅國其本甚備  
請和尚慈力為致之師乃聞于吳越王王為遣使  
齎師之書往彼國繕寫備足而還迄今台宗教文  
獲全者師有力焉師有偈曰通玄峯頂不是人間  
心外無法滿目青山法眼聞云即此一偈可起悟  
宗宋太祖開寶五年六月二十八日集眾言別此  
跌而逝于蓮華峯壽八十二歲臘六十五師嗣法  
眼益  
禪師

庚戌

乾祐三年

大遼

天祿三年

趙

鳳翔 吳越 楚

荆南 唐

蜀 漢

保大年

廣政三年 乾和年

武平節度使馬希萼希廣之兄也捕楚王希廣殺之希萼自稱武安靜江寧遠等軍節度使降於唐唐封之爲楚王終爲唐滅遷馬氏于金陵夏四月漢制以郭威爲鄴都留守天雄節度使樞密如故以石監門衛將軍郭榮爲天雄衙內都指揮使榮本姓柴父守禮郭威妻兄也威未有子養榮以爲子五月威受命辭行言於帝曰太后從先帝久多歷天下事陛下富於春秋有事宜稟其教而行之親近忠直放逐邪佞善惡之間所宜明審樞密使右僕射同平章事楊邠總機政樞密使兼侍中郭威主征伐歸總節度使侍衛親軍都指揮使兼中書令史弘肇典宿衛三司使同平章事王章掌財賦邠等公忠帝信寵內客省使閭胥卿樞密承旨聶文進飛龍使後匡贊翰林茶酒使郭允明讒譖

執政帝年益壯厭為大臣所制遂與樞密聶大進  
匡贊允明於十一月丙子旦殺邠弘肇章於廣政  
殿東廡下帝遣供奉官孟業齎密詔詣澶州及鄴  
都殺王殷又令鄴都行營馬軍都指揮使郭崇威  
步軍都指揮使曹威殺郭威及諸將告以邠等冤死且  
郭威乃召郭崇威曹威及諸將告以邠等冤死且  
曰吾與諸公披荆棘從先帝取天下受託孤之任  
竭力以衛國家今諸公已死吾何心獨生君輩當  
奉行詔書取吾首以報天子庶不相累郭崇威等  
泣曰天子幼冲此必左右羣小所為願從公入朝  
自訴盪滌鼠輩以清朝廷不可為單使所殺郭威  
乃留其養子榮鎮鄴都命郭崇威將騎兵前驅自  
將大軍繼之至封丘十一月帝遣慕容彥超等將  
兵拒之彥超等戰敗奔還是日帝出勞軍兵敗獨  
與從官數十人宿於七里寨餘皆逃潰乙酉旦帝策  
馬將還宮至玄化門外劉錫在門上因問帝左右兵

馬何在因射左右帝回轡西北至趙村追兵已至  
帝下馬入民家為亂兵所弑郭威自迎春門入丁  
亥郭威帥百官詣明德門起居太后具奏稱軍國  
事請立嗣君太后詔策河東節度使劉崇之子武  
寧節度使贊即皇帝位威奏遣太師馮道詣徐州  
奉迎庚寅威帥羣臣上言皇帝到闕動涉決旬請  
太后臨朝聽政士辰太后始臨朝郭威渡河館于  
澶州癸丑將士大譟立威擁威南行威乃上太后  
歲請奉漢宗廟事太后為毋武寧節度使贊已至  
宋州郭威遺贊書云為諸將所逼召馮道先歸贊  
曰今何以為計道默然十二月己未太后詔廢贊  
為相陰公以侍中郭威監國辛亥年春正月丁  
卯漢太后下詔授監國符寶即皇帝位監國威自  
卓門入宮即位於崇元殿制曰朕周室之裔號叔  
之後國號宜曰周是月  
戊寅殺湘陰公于宋州

右漢二主合四年歸于周

周

郭姓木德  
王都大梁

太祖  
恭帝

世宗

太祖

諱威字仲文邢州堯山人父簡事晉為順州刺史威少孤依潞州人常氏潞州留後李繼韜募

敢死士為軍卒威年十八以勇力應募晉天福二年范延光以魏州反威為軍士當從楊光遠北征

威舊隸劉知遠白知遠乞留人問其故威曰楊公有姦詐之才無英雄之氣得我何用能用我者其

劉公乎後事知遠為侍衛都虞候知遠即位威贊佐有功拜同中書門下平章事漢隱帝之世屢

立戰功為鄴都留守漢乾祐三年十一月  
隱帝過弒帝即位三年壽五十二歲

廣順  
三

辛亥

廣順元年

大遼天祚四年九月

穆宗五應曆元年

釋迦文佛入滅一千九百年

趙

北漢建國  
四年

鳳翔 吳越 楚

荆南 唐

保大元年

蜀 漢  
廣安元年 乾祐元年

北漢

初河東節度使燕中書令劉崇漢高祖母弟也高祖即位以崇為太原尹北京留守漢隱

帝遇害欲起兵南向聞迎其子贊為帝乃止曰吾兒為帝吾又何求及周太祖代漢殺贊於宋州崇

大怒是日即皇帝位於晉陽國號漢稱乾祐四年二月遼主聞北漢立遣招討使潘聿撫遺其子劉

承鈞書漢主使承鈞復書言本朝瀕亡欲猶晉室故事求援請兵遼主大喜夏四月漢主使鄭珙致

遼書稱姪請行冊禮遼帝命燕王述輒冊命漢為大漢神武皇帝更名吳

遼帝九月親行拔漢至新州之火神淀燕王述輒  
及薛王之子大寧王湍僧等率兵作亂弑帝而述輒  
輒自立太宗之子齊王述律逃於南山諸大臣奉  
之以攻述輒湍僧殺之并其族黨立述律為帝改  
元應歷葬帝醫巫閭山  
廟號世宗在位凡五年

遼穆宗天順皇帝諱璟舊名述律後更名明太宗  
之長子也初太宗攻石晉留帝侍述律太后太宗  
崩諸將立世宗世宗遇弑諸將迎帝即位自火神  
淀入幽州帝年少好遊戲不親國事每夜酣飲達  
旦乃寐日中方起國人  
謂之睡王在位十八年

永明

杭州永明寺禪師名道潛河中府人姓武氏  
初謁法眼益禪師眼問曰子於參請外看甚

麼經師曰華嚴經眼曰揔別同異成壞六相是何  
門攝屬師曰文在十地品中據理則世出世間一

切法皆具六相也。眼曰空還具六相也。無師憺然無對眼曰汝問我師乃問空還具六相也。無眼曰空師於是開悟異日因士女到院眼問師曰律中道隔壁聞鈸釧聲即名破戒。見觀金銀合雜朱紫駢闐是破戒不是破戒。師曰好箇入路。眼曰子向後有五百羗徒為王侯所重在師尋禮辭駐錫衢州古寺。闕大藏經至是廣順元年吳越忠懿王弘俶延師入府受菩薩戒。署號慈化定慧禪師。建大伽藍於南山曰慧日永明禪師居之。師請塔下羅漢過新寺符王之先夢也。於是又加應真二字於師號。師於周顯德五年入寂。師嗣法眼益禪師。

杭州慧日永明智覺禪師名延壽。餘杭王氏總角之歲歸心佛。衆不茹葷日惟一食持法華經七行俱下。纔六句悉能誦之。感羣羊跪聽。年二十八為華亭鎮將志慕真乘。吳越文穆王元瓘知師在道。

乃從其志禮龍冊寺翠巖參禪師剃染執勞供衆  
都忘身牢衣不繒纈食無重味野蔬布襦以違朝  
夕尋往天台山天柱峯九旬習定斥鷃巢衣襟中  
暨謁韶國師一見而深器之悟於玄旨乃謂師曰  
汝與元帥有緣他日大興佛事師初住雪竇嘗有  
偈曰孤猿叫落中巖月野客吟殘半夜燈此境此  
時誰會意白雲深處坐禪僧吳越忠懿王弘微請  
師開山靈隱新寺明年遷永明大道場衆盈二千  
僧問如何是永明妙旨師曰更添香著僧曰謝師  
指示師曰且喜沒交涉僧禮拜師曰欲識永明旨  
門前一湖水日照光明生風來波浪起師居永明  
十五年度弟子一千七百人常與七衆授菩薩戒  
夜施鬼神食放諸生類不可稱筭六時散華行道  
餘力念法華經計萬三千部著宗鏡錄一百卷吳  
越王為製前後兩序頌入大藏流行今淨慈方丈  
曰宗鏡堂師之詩偈賦詠凡千萬言播于海外高

麗國王覽師言教遣使齋書敎弟子之禮奉金線  
織成僧伽梨衣紫水晶念珠金澡罐彼國之僧三  
十六人承印可記荊前後歸高麗各化一方宋太  
祖開寶七年師入天台山度戒約萬餘人明年十  
二月二十六日辰時焚香辭衆跏趺而逝世壽七  
十二僧臘四十二次年建塔于大慈山宋太宗賜  
額曰壽寧禪院師嗣天台韶國師韶嗣清涼法眼  
益禪師六祖青原派也嗣壽之法者杭州乾明津  
禪師富陽子蒙  
和尚徑山舊相業碑

壬子

廣順二年

大遼穆宗

應歷二年

趙

北漢

鳳翔

吳越

楚

荆南

唐

蜀

漢

乾德五年

唐滅之  
合平六年

保寧年

廣政五年 乾和年

六月朔周帝如曲阜謁孔氏祠命崔之禁孔  
林樵採訪孔子顏淵之後為曲阜令及主簿

癸丑

廣順三年

大遼

應歷三年

梅檀佛像

自此以下一百七十七年在汴京

趙

北漢

鳳翔

吳越

荆南

唐

蜀

漢

乾祐六年

保大五年

廣政六年 乾和五年

初後唐明宗長興三年宰相馮道李愚請刻九經版此年六月版成獻之傳布甚廣刊字印之始也

甲寅

正月帝殂顯德元年

大遼

應歷四年

是年太師中書令瀛文懿王馮道薨

趙

北漢

鳳翔

吳越

荆南

唐

蜀

漢

乾祐六年

保大五年

廣政七年 乾和五年

周帝不豫正月加晉王禕兼侍中判內外兵馬事帝屢誡晉王曰昔晉西征見唐十八陵無不發掘者此無他惟多藏金玉故也我死當衣以紙衣斂以瓦棺速營葬勿久留宮中勿置守陵宮人勿作石羊虎人馬惟刻石置陵前云周天子平生好儉約遺令用紙衣瓦棺嗣天子不敢違也壬辰宣制

畢是日帝殂丙申  
晉王榮即皇帝位

十一月北漢主旻殂子承鈞更名鈞即帝位孝和  
帝鈞性孝謹既立勤於為政愛民禮士境內粗安

世宗

諱榮太祖聖后柴氏兄之子也太祖養以  
為子封晉王即帝位在位六年壽三十九

顯德  
六

乙卯

顯德  
二年

大遼

應歷五年

趙

漢劉鈞  
乾祐年

鳳翔 吳越

荆南 唐

蜀 漢

保寧三年

廣興年 乾和三年

二月周帝詔併省天下無勅額寺院令郡府歲  
造僧帳凡死亡者以時開落之僧帳自此而始

丙辰

顯德  
三年

大遼

應歷六年

趙

非漢

鳳翔 吳越

荆南 唐

蜀 漢

乾祐元年

保泰元年

廣政元年 乾和元年

初周宿衛將趙匡胤宋太祖也伐北漢有功至是以為定國節度使兼殿前都指揮使匡胤表渭州軍事

判官薊州人趙普為節度推官

正月周帝下詔親征淮南也帝召華山隱士真源陳搏問以兆昇黃白之術搏對曰陛下為天子當

以治天下為務安用此為乃辭還山

丁巳

顯德 大遼  
四年 應歷七年

趙 非漢

鳳翔 吳越

荆南 唐

蜀 漢

天會元年

保泰五年

廣政三年 乾和五年

戊午

顯德 大遼  
五年 應歷八年

趙

非漢劉鈞

鳳翔

吳越

荆南

唐弘

蜀

漢銀

天會二年

中興改元  
交泰元年

廣政三年

天寶元年

三月周帝齊江代唐唐主恥於降稱藩乃遣兵部侍郎陳覺奉表請傳位於太子弘獻盧舒漸黃四

州之地畫江為境以求息兵五月唐主弘避周諱更名煜下令去帝號稱國主凡天子之儀制皆有

降損去年號用周

正朔乃告于太廟

秋七月初行大周刑統帝欲均田祖以元稹均田圖徧賜諸道南漢中宗劉弘熙祖長子衛王繼興

即皇帝位更名  
名銀年十六

己未

顯德六年

大遼

應歷九年

趙

北漢

鳳翔

吳越

荆南

唐國主

蜀

漢銀

天會三年

廣政三年

天寶元年

周殿庭鐘磬有設而不擊者帝問樂工皆不能對  
樞密使王朴素曉音律帝以樂事詢之朴上疏曰  
禮以檢形樂以治心形順於外心和於內然而天  
下不治未之有也是以禮樂修於上而萬國化於  
下聖人之教不肅而成其政不嚴而治用此道也  
夫樂生於人心而聲成於物物聲既成復能感人  
之心昔者黃帝吹九寸之管得黃鍾正聲半之爲  
清聲倍之爲緩聲三分損益之以生十二律十二  
律旋相爲宮以生七調爲一均凡十二均八十四  
調而大備遭秦滅學歷代治樂者罕能用之唐太  
宗之世祖孝孫張文收考正大樂備八十四調安  
史之亂器與工什亡八九至于黃巢蕩盡無遺時  
有太常博士殷盈孫按考工記鑄鍾十二編鍾  
二百四十處士蕭承訓校定石磬今之在縣者是  
也雖有鐘磬之狀殊無相應之和其鑄鍾不問音  
律但循環而擊編鍾編磬徒縣而已絲竹匏土僅

有七聲名為黃鐘之宮其存者凡曲考之三面協  
律六曲參涉諸調蓋樂之廢缺無甚於今陛下武  
功既著切意禮樂以臣嘗學律呂宣示古今樂錄  
命臣討論臣謹如御當以拒又非泰畧定尺長  
九寸徑三分為黃鐘之管與今黃鐘之聲相應因  
而推之得十二律以為衆管互吹用聲不便乃作  
律準十有三絃其長九尺皆應黃鐘律聲以次為  
柱為十一律及黃鐘清聲旋用七律以為一均為  
均之主者宮也徵尚羽角變宮變徵次馬發其均  
主之聲歸乎本音之律迭應不亂乃成其調凡八  
十四調此法久絕出臣獨見乞集百官校其得失  
詔從之百官皆以為然乃行之注曰鐸鐘者  
十有二架以當十二辰之位也  
備又八音之數範也

立皇子宗訓為梁王頌左衛上將軍帝北征疽發  
背六月癸巳殂于道甲午宣遺詔梁王即皇帝位


恭帝

宗訓世宗子封梁王即位年七歲庚申年正月鎮定驛告北漢結戎人入寇帝命指揮使趙匡

胤北征即日出師晚至陳橋驛是夜五鼓軍士露刃列於庭曰諸君無主願策太尉為天子擁逼南歸自仁和門入太尉歸公署宰相范質等詣崇元殿召文武百僚至捕班定帝自內降制曰天生蒸民樹之司牧二帝惟公而禪位三王乘時而革命其揆一也予末小子遭家不造人心已去國命有歸咨爾歸德軍節度使殿前都點檢趙匡胤稟上聖之資有神武之畧佐我高祖格于皇天逮事世宗功存納祐東征西怨厥緒懋焉天地鬼神享于有德謳歌訟獄歸于至仁應天順人法堯禪舜如釋重負予其作賓鳴呼欽哉祇畏天命宣徽使引匡胤就墀聽命訖宰相掖之陞殿由東序服御服登座羣臣朝賀詔改周顯德七年為建隆元年國號大宋正月四日也封恭帝為鄭王紹周祀遷居

西京  
陽開  
寶六年  
殂

右周三主合九年而天下歸宋



釋氏稽古畧卷三